

8293

3 mouchoirs

3 chemises

3 serviettes

2 sonets longs.

1 cordon de fil

2 cravates.

2 paires chaussons.

mouch. viens 17
alp. - - - 18

fi. 1111111

gr. 1111111

658

8293

DISSERTATIONVM
IVRIS CANONICI,
LIBER QVINTVS
ET SEXTVS.
DE PAROCHIIS, DE QVE OFFICIO
& potestate Parochi.

*Auctore ANTONIO DADINO
ALTESERRA, Antecessore Tolosano.*



TOLOSÆ,
Apud ARNALDVVM COLOMERIVM, Regis & Academ
Tolosanæ Typographum. 1654.

Cum Priuilegio Regis.

858

ИМЯ ПАВЛА ПОСЛАНИКА
К РИМЛЯНОМ

О КОМЕ СОКОРЬЮ
СИДИЛЪ СИДИЛЪ

и золото

златъ золото золото золото золото золото золото

и золото



DOMINO NOSTRO IESV CHRISTO DEO OPTIMO MAXIMO.

DOMINE DEVS MEVS , otij rationem redditurus , hos tibi de Parochiis , & Parochorum munere supplex , deuotusque libellos offero , qualescumque otij litterarij partus . Merito tibi dicatur opera , quæ pertinet ad Ecclesiam , vbi populus collectus , vno corde , vno ore te colit , vbi Presbyter quotidie tibi pro plebe sacrificat , vbi tu ipse Domine sacrificium imples , & sacerdos & victimæ . Nec tuo numine indignum quod offero , etsi enim exile sit manus meæ pretium , totum cœleste & diuinum est Parochi munus , quod illic exponitur . Non Plebeium & vile plebani officium , quod versatur in cura animarum , id est præstantissima artium , *Ars artium regimen animarum* . Quale quantu[m]que ministerium hominis ? qui te Deus æterne , verbo de cœlo euocat , qui corpus tuum verbo parit , & ineffabili mysterio partum sibi ,

plebique in pabulum habet. Te huius operis Antistitem
optimo iure laudo & auctorem, per te scimus, & intelli-
gimus, quicquid mente assequimur, tuo de spiritu ma-
nant exempla rerum, & quicquid de mortalium ingenii
miramur, insania est, si aliud inibi miremur, quam tuum
beneficium, & charisma. Scis Domine quo consilio hæc
scripserim, non quô Presbyteri dignitatis fiduciâ tu-
meant, ceruicemque erigant aduersus Episcopos, sed
quo dignitatis memores, ad ipsius amissim, vitam, mo-
resque componant. Nec laudis studium ad scribendum
sollicitat, satis mihi quam mediocris conscius sum fa-
cultatis, sed quantuluscumque sit studiorum successus,
vel minimi beneficij ingens est gratia. Nihil apud me
Domine quod à te non acceperim, totum illud tibi ac-
ceptum refero, totum id tui in numinis cultum deuo-
ueo : Aeternum hærebit animo, hæc Augustini Sen-
^{Lib. 5.}
_{contr.}
tentia. *Vna est optima causa studiorum*, ut honoretur
Iulian. Deus.

ANT. DADINVS ALTESERRA

Tolosæ XV. Sept. M.DC. LIV.

S V M M A R I A C A P I T V M
H O R V M C E L I B R O R V M .
L I B E R Q V I N T V S .

C A P V T I .



A R O C H I A quid sit. Parochia varia etymologia & acceptio. Parochia etiam pro Diœcesi, alias Diœcessis pro Parochia.

pag. I.

I I . Parœcia varia nomina, Titulus, Matrix, Baptismalis Ecclesia, Plebania, unde Plebanus pro Rectore. Basilica, Cura, ipsæ Parœcia plebes dicta. Ecclesia nomine intelligitur Parochialis.

4.

I I I . Parœcia varia signa. Parœcialis intelligitur quæ habet suum clerum, & plebem, & certos fines; vel cuius Rector habet curam animarum, administrationem sacramentorum, & potestatem fori penitentialis. Eiusdem signa aquinoca, Fons Baptismalis, solutio & exactio decimaru[m], sepultura seu Cæmetarium, Campanile & Campana, prehensio possessionis per funem campanæ. Parochia signum & ius litæ, seu processionis cum Crucis prælatione. Prater Crucem in processionibus præfertur Banerium, seu Labarum. Ius processionis argumentum iurisdictionis, vel societatis inter Ecclesiæ. In dubio beneficium non intelligitur curatum.

8

I V . Parochiarum origo ab Apostolis. Parochie in Urbe distinctæ per Enarrationem. Parochia a Dionysio verius restituta, quam instituta. Parochia urbana & rusticæ. Parochiarum fines nullo tempore præscribuntur. Parochie sint non minus quam decem mancipia. Parochi comparantur Centenarijs & Vicarijs Comitum.

14

V . Parochia Urbana dignitate potiores rusticani. Parochi Urbani dicti honoris causa Presbyteri Cardinales, & Parochia Urbana tituli Cardinales. Rurales presbyteri ἐγκέποι, vel ἐπίχωροι, forastici, vel forenses preses presbyteri. Presbyteri Vrbis Senatus Ecclesiæ. Minores parochia uocantur. Parochia Constantinopolitana, harum præfecti cur κατανοίται dicti.

18

VI . Parochia nouæ non possunt edificari sine consensu Episcopi, & non nisi ex iustis causis. Cum Ecclesia noua fundatur competens in ea honor Matrici Ecclesiæ seruandus est, putat præsentatio, vel institutio Rectoris, vel census annuus. Parochia priuata in castris optimatum.

21

V I I . Collatio Parochialium Ecclesiarum de iure pertinet ad Episcopum, ex consuetudine vel priuilegio ad alios. Olim ordinatio non fiebat sine titulo, Clerici Acephali. Electio Archipresbyteri ex consuetudine spectauit ad Archidiacorum clerum & plebem. Electio etiam obseruata in Parochis. Collationem be-

neficiorum serius suis iuris fecerunt Summi Pontifices. Mandata de prouidendo. Gratiae expectativae.

26

VIII. Iura Episcopalia in parochiales Ecclesias. Canonica obedientia, subiectio, reverentia. Synodus, Synodaticum, Cathedraticum, Visitatio, & huius nomine procuratio.

32

IX. Mutua officia Parochorum in Episcopos, & Episcoperum in Parochos. Totus ordo confunditur, si sua cuique iurisdictio non seruetur.

36

X. Singulis Ecclesiis unus Presbyter imponendus, pluralitas beneficiorum vetita, nisi ex dispensatione, eaque ob instam causam. Academae Parisiensis indicium, circa pluralitatem beneficiorum.

39

XI. Parochialis Ecclesia non debet conferri in Commendam, sed in titulum. Commendarum origo & usus notatur. In commendam dari solite etiam Abbatiae, & ipsi Episcopatus. Commenda olim erat temporalis, hodie desit in perpetuam, hinc pro titulo habetur.

44

XII. Qualis debeat esse vita, & conuersatio Presbyterorum. Hi castè & continententer vivere debent, eis interdicitur contubernio mulierum quas vocant cuniegitæ, subintroductas, dyanitidæ dilectas, sororias, eisdem vetatur commates procurare.

47

XIII. Presbyterorum cultus, eorum insignia vestis demissa, & orarium seu stola, orario utuntur etiam Diaconi, nec non Episcopi.

50

XIV. Aetas, institutio, ordo, & qualitas, id est litterarum scientia ordinandorum in Parochos. Ordinatis tempore ordinationis cur traditus libellus Officialis.

53

XV. Solennis professio fidei ordinandorum in Presbyteros, eadem editur ab Episcopis, metropolitis, Imperatoribus tempore inaugurationis, & à fidelibus cum baptizantur. Fidei professio, census animæ.

57

XVI. Parochus tenetur residere in Ecclesia, idem non potest abesse Ecclesia sine iusta & necessaria causa. An studiorum causa, iusta absentia causa in parochio: etiam sacrificulis paganorum templo se mouere religioni fuit.

59

XVII. Parochus non per Vicarium, sed per se Ecclesiae inseruire debet. Ecclesia locata ad firmam, retento censu annuo Personæ, seu Personatus nomine. Personatum, seu prioratum origo. Vicarij perpetui, eis debetur congrua portio.

Cura animarum habitu remanet penes Priorem, aetü transfertur in Vicarium perpetuum. Vicarius perpetuus debet fidem, & obsequium Personæ, id nomen primigenio Rectori, seu Priori.

62

XVIII. Monachi ad parochialium Ecclesiarum regimen assumpti non sine dispensatione. In Parochialibus Ecclesiis unitis Monasteriis, monachi non per se curam animarum exercere debent, sed adhibito Vicario perpetuo. Canonicis regularibus parochiales Ecclesias obtinere licet, quia sunt regula laxioris. Inonis hac de re iudicium.

67

XIX. Peregrini beneficiorum Ecclesiasticorum impotes in Gallia. Eadem conferenda lingua peritis. Beneficia indigenis affecta quae Patrimonialia vocant. Thome Mauroceni C. P. notatio, quod Ecclesias solis Venetis conferret. 69

LIBER SEXTVS.

CAP. I. Presbyteri, seu Parochi, Sacerdotes secundi ordinis, Episcoporum communitate communis, compastores cooperatores; adiutores. Regimen animarum ars artium, Parochi Prelatorum & praesidentium nomine continentur, iidem dicti regentes, regnantes. Presbyteri Cardinales, Personae, & eorum beneficia Personatus. Parochiales Ecclesiae in Villa murata, non alys conferendae quam graduatis. Ex priuilegio Parochi habent iura Episcopalia in suis Ecclesiis, ea scilicet que pertinent ad iurisdictionem. 73

II. Parochi officium missas, & alia sacra celebrare. Missa parochialis horâ terciâ, & in maiori altari celebranda. Parœcianorum officium parœcialem Ecclesiam frequentare, & singulis Dominicis Parœciali missæ adesse. 73

III. Parochi est subditos baptizare. Vnde parœciales Ecclesiae Baptismales dicti. Baptismus, titulus Christianitatis. Sacerdotium laici. 81

IV. Penitentia publicæ indictio propria Episcoporum: iurisdictionem ordinariam habet Parochus in foro penitentiali, ex Lateranensi Concilio. Parochiani semel in anno debent sacrâ ecomologesi peccata expiare apud proprium Parochum, & in festo Paschæ SS. Eucharistiam ab eodem suscipere. Veteres Christiani quotidie communicabant: quotidiana communionis usus quando defecit. De custodia SS. Eucharistia obseruatu digna. SS. Eucharistia ad agros defertur cum facibus & tintinnabulo. Parochi officium est & Extremam-unctionem defientibus ministrare. Custodia SS. Chrismatis. 84

V. Parochi est nuptiarum celebratio, & benedictio contrahentium. Nuptiae non celebranda, nisi prius editis solennibus bannis. Horum institutum manauit ex consuetudine Gallicana Ecclesiae. Clandestinæ nuptiae damnae. Nubentium absentio ab Ecclesia intrâ trigesimum diem post nuptias. 91

VI. Parocco commune cum Episcopo prædicandi officium. Sermonis habendi priscus mos diebus Dominicis, idque post lectionem Euangelijs. 96

VII. In singulis parœcialibus Ecclesiis fuere scholæ sub cura Parochi: in his instituti qui clero destinabantur: aliæ fuere scholæ in Monasterijs. Parochi officium gratis docere. Laudatur Libanius quod gratis docuerit egentes. Collationes inter Parochos singulis Kalendis. 99

VIII. An parochus habeat ius excommunicandi, & interdicendi in sua Ecclesia. Alexandri III. sententia hac de re defenditur. Parochus est ordinarius in sua Ecclesia. Etiam Canonici ordinarij dicti. Ius excommunicandi datur & Abbatibus, Prioribus & Decanis, etiam Archidiaconis de consuetudine. Idem ius datur & Cardinalibus in titulis suis. 102

- IX. *Alia est benedictio maior, alia minor. Minorem presbyteris licet fundere super plebem. Olei benedictio Monachis in usu curationum gratia Presbyteris non licet dare Apostolia, seu litteras dimissorias.* 115
- X. *Parochis licet excipere testamenta, & alia ultima suorum iudicia. Parochi munus est baptizatorum, & nuptias contrahentium, & mortuorum rationem habere. Martyrologium Ecclesiasticus codex in quo funera, & alia quoque memorabilia fidei causa prescribebantur. Ratio libitinæ etiam apud Gentiles.* 117
- XI. *Decimæ & oblationes debentur Ecclesiae Parochiali, cur Conc. Vormaciensi prouisum ut cuique Ecclesiae mansus adscriberetur. Mansus quid sit, Mansi alij ingenuiles, alij seruiles.* 119
- XII. *Ius funeris seu sepulturæ inter parochialia iura, pro sepultura ne quid exigatur. Olim sepultura intra Ecclesiam vetita.* 122
- XIII. *Parochus debet habere suum clericum. Quæ minoribus Clericis in singulis Ecclesiis assignantur beneficiola, dicuntur iunioratus, ordines. Praestimoniu[m] unde dictum,* 126
- XIV. *Matriculariorum officium sacras aedes tueri, vota & oblationes fideliū suscipere, pauperes qui erant in matricula Ecclesie curare, expositos infantes colligere & alendos tradere, eorundem est fabrica Ecclesia præesse.* 128
- XV. *Parochi est curare pauperes, in singulis parochialibus Ecclesiis fuit Matricula pauperum, id nomen tabula seu Catalogo pauperum, unde pauperes hujusmodi tabula inscripti matriculari dicitur, pauperes pro foribus Ecclesiae, una queque Civitas suos pauperes alat.* 131
- XVI. *Parochi est sacra aedis constructio tuitio & refectione, quale Parochianorum onus circa ea. Parochi est etiam ornare Ecclesiam ut sponsi sponsam. Sacre aedes floribus herbulisque ornari pridem solite, harum incuria & squallor sequioris ævi nota.* 133
- XVII. *Domus presbyteralis iuxta Ecclesiam, vulgo Caminata. Hoc constitutione regia exempta est onere metati militaris, ex consuetudine parochi nonnullis locis solenne epulum prestant parochianis suis certo die.* 136
- XVIII. *Clericorum statio intra Cancellos seu Presbyterium, laici extra Cancellos, etiam Monachorum ab initio (duo erant extra Clerum) proprius locus, extra Cancellos, medius inter Clerum & plebem. Inter laicos, in Ecclesia distincta fuit statio virorum & mulierum, nec non & denotarum virginum, olim in Ecclesia nulla habita ratio dignitatis. Posterioribus seculis senioribus honor tributus in Ecclesia.* 138
- XIX. *Delectus militaris per Parochias Ducibus Presbyteris.* 141
- XX. *Parochiarum fines praescribi non possunt, Parochiales Ecclesie non cadunt in Regaliam, Parochiali beneficio quaterus pensio imponi potest.* 143



DISSERTATIONVM IVRIS CANONICI LIBER QVINTVS.

De Parochijs, d^e que officio, & potestate Parochi.

CAPUT I.

Parochia quid sit. Parochia varia etymologia & acceptio. Parochia etiam pro Diœcesi, alias Diœcessis pro Parochia.

PAROCHIA, ut à definitione rei operam exordiamur, est congregatio plebis, quæ sit intrà vnam & eamdem Ecclesiam, sacrorum participandorum gratiâ. Vel vicinia, seu territorium ipsum, cuius plebs intrà vnam eadémque Ecclesiam solet conuenire, religionis causâ. Vel etiam eodem nomine significatur ædes sacra, in qua conuentus populi sacrorum causâ celebratur. Haud secus atque Ecclesiæ nomine intelligitur congregatio fidelium, vel locus sacer, vbi plebs congregatur. Augustinus in Leuitic. quæst. LVII. *Sicut Ecclesia dicitur locus, quò Ecclesia congregatur, nam Ecclesia homines sunt, de quibus dici-*

tur, ut exhiberet sibi gloriosam Ecclesiam. Parochiæ non vna & constans est lectio ; alij legunt Parochiam, alij parœciam malunt, utriusque eadem significatio, sed diuersa origo ; parochiæ enim etymon ducitur à Græco παρέχειν quod est præbere, quia sacra mysteria ibi præbentur, & hoc sensu, Spiritum sanctum gratiarum πάρεγχον largitorem, seu, dispensatorem vocat Cyrill. Hierosolym. Cateches. xvi. Βλέπε τὸν μέγαν πατέρα τὸν χαρομάτων πάρεγχον : respice magnum hunc presulem, & gratiarum Parochum. eadem analogiâ apud veteres Parochi dicebantur, qui habebant curam hospitum recipiendorum de quibus Horatius Sermon. i. Satyr. v.

*Et Parochi quæ debent ligna, salémque,
& idem Sermon. ii. Satyr. viii.*

*Tum Parochi faciem nūl sic metuentis ut acres
Potores.*

Vnde & iidem Xenoparochi dicti, quorum munus publicum fuit, ut docet Charisius, l. munerum. xviii. §. hi quoque, ff. de mun. & honor. & parochia est munus eius qui habebat curam hospitum publicè recipiendorum. M. Tullius ad Atticum lib. xiii. epistol. ii. *Omnino eum Sestius noster parochijs publicis occupauit.* Parœcia verò originem repetit à Græco παρεγίνεται, quod est accolere, quia parochiani ædem iuxta habitant, quò faciliùs conueniant, & præsentius numen colant : & rectius legitur parœcia : hâc voce usus est Augustinus lib. xiv. de Ciuit. Dei, cap. xxiv. *Presbyter fuit quidam nomine Restitutus, in parœcia Calamenfis Ecclesiæ. παρεγίνεται Græcis est vicinia: quod lxx. Interpretes in Psalmum cxix. dixerunt παρεγίνεται, Latini verterunt incolatum.* Vnde & παρεγκοὶ Græcis sunt accolæ, seu iuxta ha-

bitantes, auctore Pomponio. l. pupillus. ccxxxix. §. in-
cola. ff. de V. S. Parœciæ, vt hoc addamus, varia est signi-
ficatio, modò latior, modò angustior; aliquando enim
significat Diœcesim quæ patet ditio Episcopalis, vt in
Nicen. Conc. Can. xvi. Antioch. can. iii. & xxi. To-
let. ix. can. v. can. bone rei. xii. qu. ii. cap. Apostolicæ. de
donat. quod tota Diœcesis sit parochia Episcopi. Hoc
significatu Timotheus Ephesinæ parœciæ m̄s ēv ἐφέσω
παροχίας, primus Episcopatum obtinuisse scribitur
Eusebio lib. iii. cap. iv. & hâc analogiâ nominis, parœ-
cianus sumitur pro diœcesano, vt in Conc. Compen-
diensi, can. v. & Meldensi, can. ii. can. placuit, can. de
illis. vi. qu. iii. promiscuè & Diœcesis accipitur pro
priuata Parochia, vt in Conc. Tolet. iii. can. xx. Ca-
billonensi ii. can. xiv. Agathensi, can. lii. can. quia
cognouimus, can. cauendum. x. qu. iii. can. Presbyt. xii.
qu. iv. & ita accipiendus est can. v. Conc. Carth. ii. &
can. xx. Conc. African. can. felix. can. multis. xvi.
qu. i. Diœceses, quæ nunquam Episcopos habuerunt, non
habeant, id est, vt Ecclesiæ quæ hactenus paruerunt
Presbyteris, in Episcopales Sedes non tollantur; & ita
quas diœceses primum vocavit Gregor. Turonensis,
mox idem parochias vocat lib. vi. Hist. Franc. cap.
xxxviii. de Innocentio Rutenensi Episcopo: Sed ad-
sumpto Episcopatu confessim Vrsicinum Cadurcinæ urbis
Episcopum laceffere cœpit dicens, quia Diœceses Rutenæ Ec-
clesiæ debitas retineret: unde factum est vt diuturnâ inten-
tione gliscente post aliquot annos coniunctus Metropolitanis
cum suis Provincialibus, apud urbem Aruernam residens iudi-
cium emanaret; scilicet vt Parochias quas numquam Rutenæ
Ecclesia tenuisse recoleretur reciporet. & idem, cap. seq. de

Sulpitio Bituricensi Episcopo : Hic Synodum illam, cuius supra meminimus, pro Parochijs Cadurcinis fieri commonuit. Diœceses pro parœcijs usurpauit & idem aliis locis, vt lib. v. cap. v. de Munderico. *Apud Arisitensem vicum Episcopus instituitur, habens sub se plus minus Diœceses quindecim, quas primùm Gothi quidam tenuerant.* & idem eodem loco de Pappolo Lingonensi Episcopo : *Anno octauo Episcopatus sui dum diœceses ac villas Ecclesia circumiret, quadam nocte dormienti apparuit illi B. Tetricus.*

CAPVT II.

Parœcia varia nomina, Titulus, Matrix, Baptismalis Ecclesia, Plebania, unde Plebanus, pro Rectore. Basilica. Cura, ipsa Parœcia plebes dicitur. Ecclesia nomine intelligitur Parochialis.



ARŒCIAE varia est nomenclatura: primùm in vrbe Roma parœciæ Tituli dicti ab Ecclesiæ cunabulis. Hoc sensu Euaristus primus in vrbe Titulos Presbyteris diuisisse scribitur : deinde etiam extra Vrbem parœciales Ecclesiæ Titulos vocari usus obtinuit. Vnde Africani Conc. can. xxxvi. Episcopus vetatur distrahere rem Tituli matricis Ecclesiæ, can. non habenti. xii. qu. ii. & vt Tituli Cardinales dicerentur etiam parœciæ extra Vrbem suu percrebuit. Synod. Meldens. can. l. *Vt titulos Cardinales in urbibus, vel suburbij constitutos, Episcopi canonice & honeste sine retractatione ordinent, & disponant.* Vnde hoc manarit, quærerit Baronius

tom. II. Annal. ad ann. C XII. & inde Ecclesiæ Titulos dictas tentat, quod ædibus sacris apponenteretur titulus, nempe signum crucis. Scio equidem etiam priuatis ædibus titulos apponi moris fuisse, quo notum fieret quis esset Dominus, vel possessor ædium. August. in Psal. LV.
Sicut aliquam domum intraturi, cuius sit & ad quem pertinet in titulo inspicimus, ne forte importunè irruamus, quod non oportet. Sed vix est ut per tempora persecutionis, huiusmodi Tituli adscriberentur Ecclesiæ, ne per eos tolleretur libertas Synaxium, & passim fideles exponeretur furori paganorum, titulorum sacrarum ædium indicio prodditi. Probabilius est, quod idem addit, aliâ ratione Ecclesiæ dictas esse titulos, quod qui Ecclesiæ imponebatur, ab ea nomen, titulumque reciperet, ut eius loci Presbyter diceretur. Parœcia etiam Matrix vocatur, quod, sicut mater, per Baptismū filios in Christo pariat: magis propriè tamen ea dicitur matrix quæ habet Capellas sub se, id est, Ecclesiæ succursuales, quæ in subsidium erectæ sunt, ut in cap. ad audientiam. de Ecclesiæ ædificand. vbi excrescente plebe, vel reditu, Ecclesiæ ædificare licet in finibus maioris Ecclesiæ; ita ut competens honor pro facultate loci Ecclesiæ matrici seruetur: & eodem sensu Capellam matrici Ecclesiæ restitui iubetur in cap. ex parte. XII. de rescript. Aliâ latiori significacione per matricem intelligitur Cathedralis Ecclesia, ut in d. can. non habenti, & cap. venerabili. de V. S. Eadē vocatur Ecclesia Baptismalis, ut in can. statuimus. XVI. qu. I. quod ibi Baptismus Sacramentorum caput & fundamentum ministretur; unde ne extra baptismalem Ecclesiæ baptismus ministretur, vetat Synod. Meldens. can. XLVIII. *Vt nemo presbyterorum baptizare præsumat*

nisi in vicis & Ecclesijs baptismalibus. Baptisterium vocat Sidonius quam in Rutenis consecrauit Ecclesiam , ab Elaphio qui eam cōdiderat,inuitatus,forte tum Rutenum Ecclesiā Pontifice viduatā, testis ipse lib. ii. ep.xv. ad Elaphium. Nam baptisterium quod olim fabricabamini, scribitis posse iam consecrari, ad quæ festa vos voti , nos ministerij , officij multos , fidei totos causa solicitat. Eamdem ipsam plebaniam dici tritum est, à plebe, quæ ibi synaxis celebrandæ causâ congregabatur, vt in cap. statutum, ne Cler. vel Monach. secular. negot. se immisc. in vi. quo de fonte & Plebanus vocatur Rector Ecclesiæ, qui præpositus est plebi, cap. scriptum est. de elect. cap. cùm ab Ecclesiarum. de offic. Iud. ordinar. cap. cùm olim, de præscript. & cap. vlt. ne Cleric. vel monach. & vicissim plebanus dicitur parochianus, quòd in plebe numeretur. Conc. Nannetens. can. ii. Nullus Presbyter, aut Diaconus alterius plebanum , nisi in itinere fuerit , vel placitum ibi habuerit, ad missam recipere audeat. can. nullus Presbyter. ix. qu. ii. Nonnulli plebaniam distinguunt à parœcia, quòd hæc vnam tantum Ecclesiam continet, plebania plures Capellas seu ædes succursuales sub se habet, ex d. cap. statutum. Basilicæ nomen etiam non denegatum parœciali Ecclesiæ. Conc. Tolet. vii. can. iv. can. inter cetera. x. qu. iii. & Aurelianens. i. can. xix. can. omnes Basilicæ. xvi. qu. vii. hoc nomine iam olim celebrata Basilica S. Mariæ Tolosæ, quam Deauratam vocamus. Gregor. Turonens. lib. vii. Hist. Franc. cap. x. Rigunthis verò in Basilica Sanctæ Mariæ Tolosæ in quam Ragnoualdi vxer Chilpericum metuens configerat, residebat. Denique parœcia vernaculum nomen est Cura , quòd ibi animarum cura & solicitude habeatur. Conc. Aquif-

granens. i. sub Ludouico P. can. c^{viii}. Itaque Sacerdos cui dispensationis cura commissa est, &c. Et Bernard. epist. xlii. ad Henricum Senonens. Archiepisc. Ceterum curritur in clero passim ab omni etate & ordine, à doctis pariter & indoctis, ad Ecclesiasticas Curas, tanquam sine curis iam quisque vieturus sit, cum ad Curas peruererit. Inde Rectores paroecialium Ecclesiarū Curiones seu Curati vulgo denominati, Clem. dudum. §. huiusmodi. de sepult. Ipsas etiam paroecias plebes dici non omissendum, quod ibi plebis conuentus celebretur. Hoc sensu Conc. Carthag. i. can. xii. sanciuit, ut pacta inter Episcopos de diuisione plebium seruentur, & Carthag. iii. can. lxvi. ut plebes quænumquam Episcopos habuerunt, non nisi cum voluntate eius Episcopi a quo tenentur, proprios accipient Episcopos. quod repetitū est ex Conc. Africani, can. xx. can. multis. xvi. qu. i. eadēmq; ratione Synodus Rauenn. cap. vlt. de offic. Archipresb. *Vt singulæ plebes Archipresbyterum habeant: Nec contendat Episcopus, non egere plebem Archipresbytero, & sicut ipse matrici Ecclesiae præst, ita Archipresbyteri præsent pleibus.* Hoc sensu etiā plebes secularibus tradi, & lethale his venenum, quasi beneficiū propinari, expostulat Petr. Dam. lib. iv. epist. xiii. *Sunt etiā qui plebes secularibus tradat, ij nimirum tantò grauius delinquunt, quanto & sacrilegium cōmittere conuincuntur, quia & sancta prophananter, & his quibus quasi beneficiū prærogatur, venenum lethale propinant.* Denique in dubio Ecclesiæ nomine intelligitur paroecialis, non Cathedralis, ut legatum Ecclesiæ relictum, in dubio relictum intelligitur Ecclesiæ paroeciali loci, vbi testator domicilium habuit, l. si quis. xlii. §. ii. & iii. C. de Epis. & Cler. Nou. Iust. cxxxii. cap. ix. Tiraq. de priuileg. piæ caus. priuileg. lvi. num. i.

CARV T III.

Parœcia varia signa. Parœcialis intelligitur qua habet suum clerum, & plebem, & certos fines; vel cuius Rector habet curam animarum, administrationem sacramentorum, & potestatem fori penitentialis. Eiusdem signa aquiuoca, Fons Baptismalis, solutio & exactio decimorum, sepultura, seu Cœmeterium, Campanile & Campana, prehensio possessionis per funem campanæ. Parochia signum & ius litæ, seu processionis cum Crucis pralatione. Præter Crucem in processionibus prefertur Banerium, seu Labarum. Ius processionis argumentum iurisdictionis, vel societatis inter Ecclesiæ. In dubio beneficium non intelligetur curatum.



A R œ C I A E. varia & multiplicita sunt signa. Ecclesia Parœcialis, seu Curata intelligitur, quæ habet clerum suum & populum, & territorium certis finibus distinctum, can. Ecclesiæ. xiii. qu. i. vnaquæque Ecclesia certos terminos habere debet, ne populus vagetur incerto duce: vnde plures Ecclesiæ baptismales in vna terminatione, id est, in uno eodemque territorio esse non possunt, sed vna tantummodo cum suis Capellicis, can. plures baptismales. xvi. qu. i. Dixi parœcos habere suum clerum, id est, certum numerum clericorum pro

pro facultatibus Ecclesiæ , quos Canonicos vocat
Conc. Aruernens. i. can. xiv. *Si quis ex Presbyteris & Dia-*
conis, qui neque in ciuitate, neque in Parochijs Canonicus esse
dignoscitur. Nimirum Canonici dicti, quod essent inscri-
pti in canone & matricula Ecclesiæ: sic & Archipresby-
ter suum Clerum, & suos Canonicos habuit. Synod. Tu-
ronens. ii. can. xi. Quotiescumque Archipresbyter seu in
vico manserit, seu ad villam suam ambulauerit, unus lector
Canonicorum suorum, aut certus aliquis de numero Clerico-
rum cum illo ambulet. Parœcialis Ecclesia signatur & ea
cuius Rector habet curam animarum, administrationem
Sacramentorum, & potestatem fori penitentialis. cap.
omnis utriusque de poenit. & remiss. & Curatus dicitur
qui curam animarum exercet nomine suo, non alieno,
cap. extirpandæ. §. qui verò. de Præbend. ita ut unus
habeat regimen Ecclesiæ, non cum aliis, quia una & ea-
dem parœcia non potest habere duos, vel plures Pres-
byteros, can. sicut unaquæque. xxi. qu. ii. cap. cùm
non ignores. de Præbend. Oldrad. conf. lxvii. Sunt &
alia frequentiora Parœciarum signa, ut Baptisterium,
seu, Fons Baptismalis, unde parœcia dicuntur Ecclesiæ
Baptismales. can. plures. can. Baptismales. xvi. qu. vii.
tamen fons Baptismalis non est certum & perpetuum
signum parœciae, quia ex consuetudine, vel speciali con-
cessione, etiam Capella quandoque Baptismali fonte
adornantur. Sepultura quoque, seu coemeterium est si-
gnum communi parœciae, cap. cùm olim, de præscript.
iure enim communi parœcianus est sepeliendus in pa-
rœciali Ecclesia, à qua dum vixit salutis pabulum per-
cepit, nisi alibi sepulturam elegerit, cap. i. cap. de his.
de sepultur. cap. is qui. eod. tit. in vi. Clem. dudum

ead. tit. Hoc argumento Capellam quamdam ad Parochiam de Tyra pertinere, quod corpora defunctorum ad dictam Capellam pertinentia in dicta Ecclesia sepelirentur, probare nititur Io. Saresberiens. Epist. x. *Tum quia ad aduocationem eiusdem Domini equaliter utraque pertinere videbatur, quia eamdem Capellam in Parochia de Tyra sitam esse asserebant: postremo quia corpora defunctorum ad Capellam pertinentia ex iure consuetudinis in saepedicta Ecclesia sepeliebantur.* Tamen & hoc signum est fallax, & sepultura non efficit Ecclesiam curatam, quod cœmeterium absque cura haberi possit ex consuetudine, vel beneficio Episcopi. Fredericus Senensis Consil. cxxxv. Hostiens. in cap. quia nonnulli. de Cleric. non resid. Exactio & perceptio decimarum etiam inter signa parœciæ connumeratur d. cap. cum olim, quod iure communi decimæ debentur Parœciali Ecclesiæ, cap. cum in tua. de Decim. unde ne decimæ extra baptismalem Ecclesiam dentur vetat can. statuimus. xvi. qu. i. & Capitulare Caroli M. lib. vii. cap. v. Sed & hoc signum non semper certum est, quod præter parochos alij percipiunt decimas ex consuetudine prescripta, vel priuilegio. Inter parœcię signa addatur Campanile & Campana: Campanarū usus antiquissimus est in Ecclesia. Parœciarum insigne eas esse intelligere est ex eo, quod olim Episcopi, & alij prælati Ecclesiarum non ferebant Religiosos habere campanam, vel cœmeterium benedictum, quod improbat Gregorius ix. in cap. nimis iniqua. de excess. Prælat. & Mendicantibus plures campanas habere non licet, sinè Summi Pontificis licentia, Extrauag. vn. de offic. Custod. in Communib. & quod argu. mento est campanam esse parochialitatis insigne, so-

lennis missio in possessionem parochialis Ecclesiæ solet fieri per prehensionem funis campanæ, vel pulsationem campanæ, quod & in Episcopali Ecclesia vsu celebratum docet Baldricus Nouiomensis lib. i. Chron. Camerac. cap. xc. *Nam cùm dignitatis tanto munere suscepto rediret, adeò quippe æstu torrente fatigatus est, vt cum ad Ecclesiam usque peruererit, vix campanam cuius tintinnabulo Episcopij dignitatem vendicandam sibi indicare deberet, vix, inquam, præ molestia ægritudinis mouere potuerit.* & pari æmulatione inuestituram Abbatiæ per funem campanæ factam obseruo ex Innocent. III. lib. ii. Epist. CCCXXXV. *Exinde ad Ecclesiam pariter accendentibus, Episcopus in Sede Abbatis illum constituens, per funem campanæ, sicut moris est, inuestiuit. Nec non possessio apprehendi potest per inspectionem turris Ecclesiæ, seu campanilis si fortè accedere non liceat ob vim hostiū, vel pestem, vel aliam vim maiorem, l. quod meo, §. si venditorem, ff. de acquir. possess. Præter hæc parochialis Ecclesiæ ~~onus~~ est ius litæ & processionis, & præferendæ crucis in processu ad Ecclesias, vel Capellas subditas: antiquissimus in Ecclesia est vsus Litaniarum, seu processionum cum crucis prælatione. Litanias & processiones Prælatis crucibus argenteis & cereis facibus in Ecclesia Constantinopolitana instituit Ioannes Chrysostomus, æmulatione Arrianorum, Auctores sunt Socrat. lib. vi. cap. viii. Sozomen. lib. viii. cap. viii. Nicephor. lib. xiii. cap. viii. Processionum usum cum Crucis prælatione non uno exemplo comprobatur Gregor. Turon. de Glor. Confess. cap. lxxix. *Adsumptā igitur pallā de Beati sepulchro componunt in modum feretri, accensisque super crucis cereis, atque ceroferalibus dant voces in canticis cir-**

cum eunt urbem cum vicis. & idem lib. x. Hist. Franci cap. ix. Ebraccharius verò usque Venetias urbem accessit ; miserat enim ad eum obuiam Episcopus Regalis Clericos suos cum crucibus & psallentio, qui eos usque ad urbem deduxerunt. Ac demum ne Litaniæ à plebe fierent finè Episcopo & cruce vetuit Nou. Iustin. cxxii. cap. xxxiii. præter crucem, in Litaniis præfertur & vexillum purpureum formâ quadratum crucis Labaro insigne, quod vocant Baneriam, de quo Guillelmus Brito lib. xi. Philippid.

Vexillum simplex Cendato simplice textum

Splendoris rubri, Lethania qualiter vti

Ecclesiastica solet certis ex more diebus.

Ius processionis, inquam, est signum paroecialis Ecclesiae, quia id est argumentum iurisdictionis. Hoc argu-
mento Abbas Eveshamensis in Anglia nitebatur pro-
bare aduersus Vigorniensem Episcopum Ecclesias, quæ
sitæ essent in valle de Mortana, sibi pleno iure subiectas
esse, quod solenni ex more eas, per dies Pentecostes
cum processione adire soleret : econtra, Vigorniensis
Episcopus allegabat præscriptionis interruptionem cir-
ca processionem Pentecostalem in Villa & Ecclesia
de Mortana, cap. auditio, de præscript. Sic Abbas S.
Zenonis Veronensis, contendebat Ecclesiam S. Proculi
sibi pleno iure esse subiectam, videlicet in institutione
& destitutione Archipresbyteri, eiusdem fidelitate, &
obedientia, correctione, representatione ad Ordines,
tonsuratione, susceptione Chrismatis, Litaniis, & aliis
similibus, per quæ plena subiectio probatur, cap. cùm
inter. de sent. & re iudicat. ita Clarembaldus S. Augusti-
ni Cantuariensis Prior electus, à Thoma Cantuariensi
Archiepiscopo sese benedici adnuebat, sed in sua Eccle-

sta, & sinè processione ; ita ut Archiepiscopus processionem non duceret, quò omnis subiectionis suspicio abesset. Matth. Paris ad ann. m. CLXVII. Eodem anno Clarembaldus Sancti Augustini electus benedictionem à Thoma Cantuariensi Archiepiscopo accipere quarebat , sed in sua Ecclesia, & sinè processione, vt suspicio subiectionis in posterum prorsus adempta esset. Alias ius processionis est signum fraternitatis & societatis inter Ecclesias ; hoc iure cùm Clerici S. Hilarij Pictaviensis ex more cum reliquiis & plebe sua, matricem Ecclesiam per Rogationes adire solerent , per iniuriam se à Canonicis matricis Ecclesiæ repulso iure conquesti. Gregor. VII. lib. I. Epist. LXXXIII. ad Isenbertum Pictaviensem Episcopum : *Clerici Sancti Hilarij questi sunt se ex antiqua consuetudine, cum sanctis reliquijs & plebe sua matricem Ecclesiam in Rogationibus adiisse , & à Canonicis maioris Ecclesiæ per contumeliam sibi fores occlusas fuisse.* Dixi ius crucis præferendæ esse signum parochialis Ecclesiæ: Hoc adeò verum est, vt Religiosi etiam exempti, non possint per alienam parochiam, inuito Rectore, cum cruce leuata, & processione progredi ad efferendum corpus eius, qui apud eos elegit sepulturam ; alioquin Rectori datur actio iniuriarum , & impunè crux eis auferri potest : Oldrad. consil. LXXXII. & CXXV. hæc sunt signa paroeciarum. In dubio non præsumitur beneficium curatum , sed potius præsumitur quòd beneficium sit simplex ; itaque qui dieit beneficium esse curatum , id probare debet : beneficium propriè intelligitur de beneficio simplici ; vnde mandatum de prouidendo de beneficio, non porrigitur ad beneficia curata , cap. final. de Præbend. cap. cùm in illis. cod. tit. in vi. & in impertra-

tione beneficij, si non fiat mentio quod sit curatum; gratia est ipso iure nulla. Clem. i. eod. tit.



CAPUT IV.

Parochiarum origo ab Apostolis. Parochia in Vrbe distincta per Euaristum. Parochiae à Dionysio verius restituta, quam instituta. Parochiae urbanae & rusticane. Parochiarum fines nullo tempore prescribuntur. Parochiae sint non minus quam decem mancipia. Parochi comparantur Centenarijs & Vicarijs Comitum.



Vm primū Episcopi ab Apostolis per ciuitates ordinati , ab iisdem per vicos & minora municipia constituti Presbyteri, vt constat ex ipsis gestis Apostolorum, cap. xiv. vbi scriptum est, non prius Paulum & Barnabam Lycaoniā migrasse , quam per singulas Ecclesias Presbyteros ordinassent. Anacletum Clementis successorem nonnulla de Episcopatibus, & Parœciis, & locis cuique congruis statuisse, docet ipsius epist. iii. cap. ii. *Episcopi non in castellis , aut modicis ciuitatibus debent constitui ; sed Presbyteri per castella & modicas ciuitates , atque villas debent ab Episcopis ordinari , & poni ; singuli tamen per singulos titulos suos.* Non dum in Vrbe facta fuit parœciarum, seu titulorum diuisione, rerum curâ stante penes Summum Pontificem, qui Presbyteros huc illuc destinabat prout opus erat.

Primus Euaristus titulos in Vrbe diuisit Presbyteris, auctore Anastasio. Nimirum cùm iam plebs Christiana auctior esset, & in dies incrementum caperet, placuit parœcias & plebes diuidi, singulisque suum presbyterum imponi, ne incerto duce plebs vagaretur, & ex incerto imperij confusio oriatur. Postea verò iniquitate temporum, & sauitiâ persecutionis, ac diutinâ vacatione Ecclesiarum, perturbato & ublitarato fere themate parœciarum, tandem redditâ pace Ecclesiæ à Gallieno, rursus à Dionysio diuisæ parœciæ, suisque limitibus distinctæ, idque primùm in Vrbe, tum in provinciis. De huiusmodi parœciarum diuisione habetur Dionysij Epistola ad Seuerum Cordubensem Episcopum.
De Ecclesijs ergo parochianis, vnde Apostolicam Sedem consulere voluisti, qualiter sint custodienda per Cordubensem prouinciam, ac diuidenda Sacerdotibus, nihil tuæ charitati melius nobis videtur intimare, quām vt sequaris, quod nos in Romana Ecclesia nuper egisse cognoscitur: Ecclesijs verò singulas singulis presbyteris dedimus, parochias & cæmeteria ijs diuisimus, & vnicuique ius proprium habere statuimus; ita videlicet vt nullus alterius parochiæ terras, terminos, aut ius inuadat, sed vnuquisque suis terminis sit contentus, & taliter Ecclesiam & plebem sibi commissam custodiat, vt ante tribunal æterni iudicis ex omnibus sibi commissis rationem reddat. Quorum pars exstat in Canone, Ecclesijs. xiii. qu. i. & cap. pastoralis. de his quæ fiunt à præl. sine consens. capitul. Quod enim ibi legitur, parœcias à Dionysio Papa diuisas, & limitibus distinctas, non ita accipiendum est, vt ab eo primùm institutas & limitibus signatas credas; sed potius restitutas, & in meliorem statum efformatas. Dices vix credibile esse

per tempora persecutionis parœcias diuisas ; & finibus distinctas ; sed nihil est quod hæreamus , quia per ea tempora congregations plebium quotidie fieri solebant , tantus erat feruor Christianorum . Augustin. in Breuic. Collat. Respondebant , multò facilius duodecim homines in domum conuenire potuisse , eo tempore , quo etiam congregations plebium fieri solebant quamvis persecutione feruente , sicut ipsis gestis Martyrum monstrabatur , qui confitebantur in passionibus suis se collectam & Dominicum egisse . Primū verò institutæ vrbanae parœciæ , tum Vicanæ , seu Rurales : priùs scilicet solliciti fuere patres de instituenda per Vrbes religione , eâ spe quod ab vribus facilè manaret in agros ; hoc fortè consilio serius à Bricio Turonensi Episcopo , Martini æmulo , & successore , Ecclesiæ per vicos institutas trudit Gregorius Turonensis , lib. x. Hist. Franc. cap. xxx. Hunc ferunt instituisse Ecclesiæ per vicos : quod ita intelligendum , vt Ecclesiæ per vicos auctas potius , quam primū institutas credamus ; nam & ab ipso Martini tempore fuisse vicanas Ecclesiæ in Turonensi Diœcesi , docet Seuerus Sulpitius scriptor , idemque testis vitæ D. Martini , Dialogo ii. cap. viii. Claudiomachus vicus est in confinio Biturigum atque Turonorum : Ecclesia ibi est celebris religione Sanctorum , nec minus gloriofa sacrarum virginum multitudo . & idem Dialog. iii. cap. ix. In vico autem Ambatiensi , id est castello illo veteri , quod nunc frequens , habitatur à fratribus , idolum noueratis grandi opere construtum . Huius destructionem Marcello ibidem consistenti presbytero , vir beatus sapè mandauera : & Martinum ipsum à militibus occurrentibus rhedâ fiscali vectis atrociter verberibus cæsum & vulneratum , dum rurestres Diœcessis

Dioecesis Ecclesias lustraret, autor est Paulinus lib. II.
de eius vita,

*Lustrabat caulas commissi Pastor ouilis,
Quies pia rurestrem cladebat Ecclesia plebem.*

Hac ætate certus & compositus fuit status parœciarum & dioecesum: octingentas curæ suæ creditas Ecclesias refert Theodoritus Cyrensis Episcopus, epist. cxiii. *καὶ ἐν ὀιλακοῖς ἐκκλησίαις ἔλαχον ποιμαίειν τούτας γὰρ ἡ Χίρρῳ παρεγχαὶ ἔχει. Et octingentarum Ecclesiæ curam Pastoralem sortitus, tot enim Cyrus habet parœcias.* Inde leges dictæ, ne status parœciarum ullo paeto mutetur; ne parœciarum termini ullo tempore præscribantur. can. licet. can. inter. can. dilectio. xvi. qu. v. & si quæstio orta fuerit de finibus parœciarum, vt ea dirimatur per inspectores viros, d. can. inter. vel iudicio utriusque plebis, & si plebes conuenire nequeant, lis Dei iudicio discernatur, can. plures baptismales xvi. qu. i. id est iudicio Ecclesiastico, vt rectè adnotat Glossa; ita quæ fuit lis inter Innocentium Rutensem Episcopum, & Ursicinum Cadurensem Episcopum de finibus parochiarum, ea terminata in Synodo prouinciali, cui præfuit Sulpitius Bituricensis Episcopus, auctore Gregor. Turon. lib. vi. Hist. Francor. cap. xxxviii. & xxxix. Quibus locis locandæ essent parœciales Ecclesiæ cautum est constitutione Anacleti, nempe ut Episcopi constituerentur per Ciuitates, presbyteri per pagos & villas: ne verò tenuiores essent parœcia, ne parœcia instituatur, nisi quæ saltem usque ad decem habuerit mancipia, alioquin aliis coniungatur Ecclesiæ, constitutum Concil. Toletan. xvi. can. iv. *Ecclesia quæ usque ad decem habuerit mancipia super se*

habeat Sacerdotem; quæ verò minus decem mancipia habuerit, alijs coniungatur Ecclesijs. can. vnio. x. qu. iii. Decem mancipia requiri parœciæ constituendæ causâ notandum est, quod parœcia non habeatur sine plebe, decem autem faciant plebem, 1. prætor. 2. §. turbam, ff. vi bonor. raptor. mancipiorum nomine intelliguntur parochiani, fideles enim laici pietatis studio sese Ecclesiæ seruos & mancipia profitentur: Quia verò mos fuit Parochos disponi per minores pagos, Centenariis & Vicariis, qui erant pagorum iudices, sub dispositione Comitum, eosdem comparauit Valafridus Strabo, cap. vlt. de Ecclesiast. offic. *Centenarij qui & Centenariones, vel Vicarij, qui per pagos statuti sunt, presbyteris plebium, qui baptismales Ecclesiæ tenent, & minoribus presbyteris præsunt, conferri queunt.*

CAP V T V.

Parochia Urbana dignitate potiores rusticani.

Parochi Urbani dicti honoris causâ Presbyteri Cardinales, & Parochia Urbana tituli Cardinales. Rurales presbyteri ἐπίχωροι, vel ἐπίχωροι forastici, vel forenses presbyteri. Presbyteri Vrbis Senatus Ecclesiæ. Minores parochia uovoīna. Parochia Constantinopolitana, harum prefecti cur uel axoīdei dicti.

PARŒCIIS in Vrbe & rure semel constitutis, et si hæ minimè officiis distinguerentur, cùm vnum & commune omnibus sit cura animarum, tamen Urbani

parœci ex Episcopi contubernio & Sedis dignitate, Vicanis & Ruralibus prælati sunt : & inde nata est distinctio parœciarum urbanarum & rusticarum. Rurales & vicanas Parochias ἀγρινίας παρεγκίας, ή γχωεις vocat Synod. Chalced. can. xvii. & Sexta in Trullo, can. xxv. quibus cauetur, ut si Episcopus triginta annis rusticanas Ecclesiæ possederit, tutus sit præscriptione longi temporis ; quò coërcerentur Episcopi, qui rurales Ecclesiæ pro derelicto habebant. Distinctionis gratiâ parœci urbici dicti sunt, Cardinales, ut in epist. Zachar. Papæ vii. ad Pipinum Regem, de presbyteris agrorum, quam obedientiam debeant exhibere Episcopis & Presbyteris Cardinalibus : & eodem nomine urbanas Ecclesiæ titulos Cardinales vocat Synod. Meldens. can. lii. Rurales verò presbyteri, quasi minores & deterioris conditionis non presbyteri absolutè dicti, sed affectatâ quadam denominatione & quasi cum elogio γχωειοι, vel θυρχωειοι in d. can. xvii. Chalced. Synod. & Neocæsar. can. xiii. Forastici presbyteri Martino Bracarensi in collectione canonum, can. lvi. Forenses, Capihilar. lib. v. cap. ccxxii. quòd essent foris, ac extra urbem. Ita in Concil. Tolet. iii. can. xx. distinguuntur Presbyteri locales & Diœcesani, can. quia cognouimus. x. qu. iii. & in Agathens. can. xxii. Ciuitatenses & Diœcesani presbyteri, can. statuimus. xii. qu. ii. Ecclesiæ ciuiles & suburbanas distinguit Iuo Carnot. epist. xciv. Ecclesia tam ciuiles, quam suburbanæ usque ad satisfactionem claudantur. Presbyteri vrbis Senatum Ecclesiæ constituunt ; sinè horum consilio nihil maioris momenti Episcopo agere licet. Hieronym.

ad Rusticum. Ecclesia habet Senatum, cœtum presbyterorum sine quorum consilio nihil monachis agere licet. Senatum quoque Romani habebant, cuius consilio cuncta agebant, & nos habemus Senatum nostrum, cœtum presbyterorum. can. Ecclesia. xvi. qu. i. & idem in Esaiæ cap. iii. Et nos habemus in Ecclesia Senatum nostrum, cœtum Presbyterorum. Iisdem dupla portio debetur, quod sunt Senatus Episcopi, & Ecclesiæ, Auctor Constit. Apostolicar. lib. ii. cap. xxviii. τοῖς δὲ πρεσβυτέροις διπλὴν, ἢ αὐτοῖς αὐθεντικὴν μοίησε εἰς χάρεν τῶν τε χειρὸς αποσόλων, ὡν ἢ τὸν τρίπον φυλάττεσσιν, ὡς σύμβουλοι τῆς Επισκοπῆς καὶ τῆς ἐκκλησίας σέφανοι, εἰσὶ γὰρ συνέδριον ἢ βελὴ τῆς ἐκκλησίας. Presbyteris autem dupla seponatur portio in gratiam Apostolorum Christi, quorum locum tenent, tamquam consiliarij Episcopi & Ecclesiæ corona, sunt enim consilium & Senatus Ecclesiæ. Presbyterorum Ecclesiæ Romanæ chorūm, Senatum Christi dixit Pius Papa, epist. i. & ii. ad Iustum Viennens. Salutat te Senatus pauper Christi apud Romam constitutus. Presbyteri rurales quasi minores non possunt celebrare in Ecclesia Cathedrali præsente Episcopo, & Presbyteris urbis, ex Concil. Neocæsar. d. can. xiii. can. Presbyteri, xcvi. dist. Martin. Bracarens. can. lvi. & d. epist. Zachar. Papæ ad Pipinum. Vicanis quoque presbyteris non licet dare Canonicas epistolas, Synod. Antiochen. can. viii. quia sunt minoris ordinis Presbyteri περιπατάδας; hinc vocat Balsamo. Inter ipsas etiam vicanas & agrestes Ecclesiæ dignitatis etiam ratio habita est; aliæ fuerunt minores & infrequentiores, quas quod pauciores haberent accolas, Græci vocarunt μονοίκια, quasi unicam domum haben-

tes; quæ frequentiores erant ἐγχώριαι dicebantur, vt obseruauit idem Balsamo in d. can. xvii. Synod. Chalcedonens. frequentia enim, & plebis multitudo commendat Ecclesiam, eiisque dignitatem auget. Auson. epist. xiii. ad Paulin.

Celebrique frequens Ecclesia vico.

In Urbe Constantinopoli plures erant paroeciales Ecclesiæ, quarum præfecti ναζανῖοι dicebantur, ex Codino, De officiis aulæ Constantinopolitanæ, quasi τὰς κοιλάδας, iuxta valles, eò quod Ecclesiæ ipsæ in editiore loco sitæ essent. Constantinopolis enim distincta est collibus, vt Roma vetus: pároecia verò, seu plebs ad eam Ecclesiam pertinens ἐν κοιλάδι, in valle habitabat, vt prior obseruauit Francisc. Iunius, & ex eo Io. Filezacius.

C A P V T VI.

Parochia noua non possunt ædificari sive consensu Episcopi, & non nisi ex iustis causis. Cum Ecclesia noua fundatur competens in ea honor Matrici Ecclesiæ seruandus est, putat, presentatio, vel institutio Rectoris, vel census annuus. Parochia priuata in castris optimatum.

PAROCHIARVM status certus & inconuulsus manere debet; vnde alia Ecclesia, seu capella in finibus veteris parochiæ exædificari non potest, saltem sine auctoritate Episcopi, can. Ecclesiæ.


can. quicumque. xvi. qu. i. cap. coram. & ibi Gloss. de offic. delegat. adeoque non sive iusta & necessaria causa, ne, dum nouæ exurgunt, veteres ob sumptus ~~anno~~ dilabantur; & in eo suâ laude non caruit Augustus, quem magis de reficiendis sacris ædibus vetustate collapsis, aut incendio absumptis, quâm de nouis excitandis sollicitum fuisse scribit Tranquill. in eius vita, cap. xxx. Ecclesia, inquam, noua exstruenda non est, nisi ex iustis & necessariis causis; putâ, si multitudo fidelium in tantum excreuerit, vt Ecclesia eos capere non possit, can. præcipimus. xvi. qu. i. hodie tamen sola numerosior frequentia populi non est iusta causa construendæ nouæ Ecclesiæ; quia huic casui facile consuli potest ampliato ambitu Ecclesiæ, vel adhibitis pluribus Vicariis quot fuerint necessarij ad rem sacram faciendam & sacramenta administranda, ex Concil. Trident. Sess. xxi. de reform. cap. iv. iustæ causæ exstruendæ nouæ Ecclesiæ intrâ fines antiquæ sunt, si parœciani ob distantiam locorum vel difficultatem regionis, putâ, asperitatem montium, vel traiectum interfluentis fluminis, vel torrentis hybernis imbribus exundantis commodè ad Ecclesiam accedere, & sacris tempestiuè interesse non possint, his casibus Ecclesia noua institui, & ibi rector collocari potest, delibatâ ad eius alimoniam & sustentationem congruâ parte fructuum. Sed ne antiqua Ecclesia nimium dispendium patiatur, res ita ordinanda est, vt præsentatio presbyteri in illa Ecclesia, detur Rectori antiquioris Ecclesiæ, & competens honor, pro facultate loci Ecclesiæ matrici seruetur, cap. ad audienciam. de Eccles. ædificand. Capitular. Carol. Calu. ex

Synodo Tolosana, tit. v. cap. viii. & Concil. Trident. loco modò laudato. Præsentatio Rectoris nouæ Ecclesiæ pertinet ad Rectorem Matricis Ecclesiæ in signum subiectionis, d. cap. ad audientiam. cap. ex parte ii. de Rescript. vt in Ecclesiis pleno iure subiectis monasteriis, institutio vel præsentatio Vicarij perpetui spectat ad Abbatem, can. visis. can. sanè quia. xvi. qu. ii. Præter præsentationem, etiam in fundatione prouidetur, vt competens honor pro facultate loci Ecclesiæ matrici seruetur, putà, vt census annuus matrici præstetur in argumentum subiectionis; sic à Theodorico Monasteriensi Episcopo fundata Ecclesia S. Pauli, in dotem datis nouem Ecclesiis, quæ censem soluerent matrici, & Capitulo. Albert. Krant. Metropol. lib. viii. cap. v. Fundauit Ecclesiam Sancti Pauli, deditque fratribus nouem Ecclesiæ deinceps ab ipso conferendas, sed quæ censem soluerent Matrici & Capitulo. Sic & Cluniacense Cœnobium à Bernone Abbe Gigniacensi in cellam Gigniacensem constructum, eâ lege, vt matrici Gigniacensi annum censem duodecim denariorum præstitaret. Sigebertus Gemblacensis in Chronic. sub ann. DCCCCXII. Berno Abbas moritus Odonem olim musicum constituit Abbatem Cluniacensis cœnobij, eâ conditione vt Ecclesia Cluniacensis solueret annualem Ecclesiæ Gigniacensi censem duodecim denariorum. Vel hoc sibi excipit matrix Ecclesia, vt Filialis Ecclesia certis & statis diebus solenni cum processione adeat matricem. Anselmus Leodiensis de gest. Leodiensium Antistit. cap. vlt. Cum nedum in Episcopali cathedra, sed etiam in rusticana qualibet parochia, illud ins sibi mater Ecclesia defendat, vt in maioribus solenni-

tatibus filiarum suarum frequentia visitetur & honoretur, quod si neglectum fuerit iudicio suorum Synodalium in sua Synodo vindicetur. Denique Ecclesia non potest ædificari intrâ fines parochiæ, nisi salvo iure & honore Matricis: ita Adeloldo Turonensi Archiépiscopo petenti, ut in villa parochiæ, cui Turris erat nomen, sita in diœcesi Rhemensi sibi liceret oratorium ædificare, annuit Hincmarus Rhemensis Archiepiscopus, eâ conditione, ut antiqua villæ ipsius Ecclesia, vel presbyter eiusdem, nullum priuilegij sui propter hoc detrimentum patiatetur, ut refert Flodoardus lib. III. Rhemens. Hist. cap. xx. hoc iure Nicæni Concil. can. vii. Hierosolymorum Episcopus Patriarchæ fascibus decoratus; salvo tamen iure Metropolitani, id est Cæsariensis Archiepiscopi. Non sinè iusta causa ædificanda est noua Ecclesia, nec ferenda nouarum Ecclesiarum substructio, quæ fit per ambitionem Antistitum, qui passim Ecclesiæ nouas excitant, quo plurimum clientum pompam, turbamque accersant. Zozim. epist. I. ad Isichium Salonitanum Episcopum: *Facit hoc nimia remissio consacerdotum nostrorum, qui pompam multitudinis querunt, & putant ex hac turba aliquid sibi dignitatis acquiri.* Hinc passim numerosa popularitas etiam his locis, ubi solitudo est talium, reperitur, dum parochias extendi cupiunt, aut quibus aliud præstare non possunt diuinos ordines largiuntur, can. si officia. LIX. dist. Pari calculo damnatur & fundatio nouarum Ecclesiarum, quæ fit ab Episcopo per fordes, & quæstus studium; nimicum ut census Episcopales adaugeantur. Capitulare Caroli Calui modò laudatum; *Vt Episcopi Parochias Presbyterorum propter in honestum & periculosem lucrum*

lucrum non diuidant, sed si necessitas populi exegerit, ut plures fiant Ecclesie, aut statuantur altaria cum ratione & auctoritate hoc faciat, &c. Nec minùs foedà temporum labē priuatæ parochiæ ab optimatibus passim in castris, vel prædiis suis ædificatæ; ex quo iniuriâ factum ut Clerici, qui huiusmodi Ecclesiæ obseruabant, vnde Obseruantes dicebantur, dominorum patrocinio securi, Episcopi & Archidiaconi correctionem facile spernerent; de quo, Concil. Aurelianens. IV. can. XXVI. Si quæ parochiæ in potentiam domibus constitutæ sunt, vbi obseruantes clerici ab Archidiacono ciuitatis admoniti, secundum qualitates ordinis sui, fortasse quod Ecclesiæ debent sub specie Domini domus implere neglexerint, corrigan tur secundum Ecclesiasticam disciplinam. & Cabillonense I. can. XIV. De oratorijs quæ per villas fiunt nonnulli ex fratribus & Coepiscopis nostris residentibus nobis in sancta Synodo querimonias detulerunt, quòd oratoria per villas potentum iam longo constructa tempore, & facultates ibidem collatas ipsi quorum villes sunt, Episcopis contradictant, & iam nec ipsos clericos qui ad ipsa oratoria deseruunt ab Archidiacono coerceri permittant, quod conuenit emendari, &c. Inde secutum etiam ut Decimæ, quæ debentur parœcialibus Ecclesiis, priuatis hisce Ecclesiis præter ius addicerentur, quod vetus Concil. Ticinense habitum sub Leone IV. anno DCCCLV. Quidam autem laici, qui vel in proprijs, vel in beneficijs suas habent basilicas, contemptâ Episcopi dispositione, non ad Ecclesiæ vbi baptismum & prædicationem, & manus impositionem, & alia Christi sacramenta percipiunt, Decimas suas dant; sed vel proprijs basilicis, vel suis clericis pro suo libitu tribuunt, quod omnimodis

Dissertationum
diuinæ legi, & sacris canonibus, constat esse contra-
rium.



CAPUT VII.

Collatio Parochialium Ecclesiarum de iure per-
tinet ad Episcopum, ex consuetudine vel priuilegio ad alios. Olim ordinatio non fiebat sine titulo Clerici, Acephali. Electio Archipresbyteri ex consuetudine spectauit ad Archidiaconum, clerum, & plebem. Electio etiam obseruata in Parochis. Collationem beneficiorum serius sui iuris fecerunt Summi Pontifices. Mandata de prouidendo. Gratiae expectativa.

VRE communi omnes Ecclesiæ parœciales, & aliæ quæcumque sunt in potestate Episcopi, cuius in diœcesi positæ sunt, & collatio beneficiorum Ecclesiasticorum totius diœcesis pertinet ad Episcopum. can. quicunque. xvi. qu. i. can. omnes Basilicæ. can. nullus. xvi. qu. vii. cap. Cùm olim. de præscript. cap. cùm ex iniuncto, in fin. de Hæretic. Olim collatio beneficij non fiebat seorsim ab ordinatione, ordinatio enim non fiebat sine titulo, id est, vbi quis presbyter, vel Diaconus ordinabatur; ad titulū certæ Ecclesiæ ordinabatur, ne quis ordinaretur ἀπολελυμένος, absolute, sine titulo, & quæ sine titulo fieret ordinatio, irri-

ta esset decretum can. vi. Concil. Chalcedonens. quod repetitum est in Concil. Placentino sub Urbano II. can. neminem. can. Sanctorum. lxx. dist. Hinc quæsitum, an si fieret ordinatio cleri ad plebem congregandam, non secutâ congregatione plebis, an maneret ordinatio, de quo Augustin. de Bono Coniugal. *Causa pariendi cùm sola sit, quâ nuptiæ fiunt, nec eâ re non subsequente, propter quam fiunt soluitur vinculum nuptiale, nisi coniugis morte;* quemadmodum si fiat ordinatio Cleri ad plebem congregandam, etiam si plebis congregatio non subsequatur, manet tamen in illis ordinatis Sacramentum ordinationis. Quin vbi Episcopus nondum presbyter creabatur, prius presbyter ordinabatur ad titulum illius Ecclesiæ. Regino. II. Chronic. Porro Coloniæ Agrippina Rex Hilduinum Abbatem præponere tentauit, in Pontificali cathedra, fecitque à Francione Episcopo Tungrensis Diœcesis, in Aquispalatio Presbyterum ordinari, ad titulum Sancti Petri predictæ Mētropolis. Vix antè auditum quòd Paulinus, posteà Nolanus Episcopus, à Lampio Barcinonensi Antistite Presbyterio initiatus, his conditionibus, ne Ecclesiæ certæ illigaretur, testis ipse de se, epist. VI. ad Seuerum. Scito tamen voti communis, eodem Domino præstante saluam esse rationem; nam ea conditione in Barcinonensi Ecclesia consecrari adductus sum, ut ipsi Ecclesiæ non alligarer, in sacerdotium tantum Domini, non etiam in locum Ecclesiæ dedicatus. Monstro penè simile fuit Clericus sinè titulo, & qui careret titulo Acephalus dictus est, quasi videretur fœdus & deformis truncus hominis, sinè capite. Stephanus Tornacens. epist. CLIII. *Absit ut Acephalus exeat à nobis, & tamquam ventis expositus sinè titulo Clericus,* sin-

*stipendio miles, sine solatio togatus discurrat, miraculum suis
 spectaculum alienis.* Et Adamus Bremens. lib. III. Hist.
 Ecclesiast. cap. xv. *Habuitque secum quemdam Episcopum
 nomine Osmund Acephalum.* Tantum verò sequioris æta-
 tis vsu inualuit, vt ordinationes fierent etiam sine titu-
 lo, & hic modus adhibitus est vt ordinatio sine titulo
 facta non esset irrita, sed vt Episcopus ordinato tenere-
 tur alimenta præbere, donec ei prouisum esset de bene-
 ficio, cap. Cùm secundùm. de præbend. Iure communi
 igitur vt eò redeamus, collatio Ecclesiarum Parochia-
 liam & ceterorum beneficiorum spectat ad Episcopum:
 tamen ex consuetudine, vel priuilegio collatio benefi-
 ciorum potest pertinere ad inferiores Episcopo, putà ad
 Abbates, d. cap. cùm olim. de præscript. & cap. cùm
 inter. de sentent. & re iudicat. vel ad Abbatissam, cap.
 dilectà. de Maior. & obedient. etiam ad Capitulum.
 cap. cùm Vulterana. de elect. vel ad singulos Canonicos
 per vices suæ hebdomadæ, cap. mandatum, de præ-
 bend. in vi. ex consuetudine etiam quandoque electio
 locum habuit in parœcialibus Ecclesiis, putà in Archi-
 presbyteratu, & quod obseruatu dignum, electio Archi-
 presbyteri fuit penè Archidiaconum simul cum cle-
 ro, & plebe. can. si in plebis. lxiii. dist. quem Gra-
 tianus hausit ex Isidoro: id iuris in quodam Archipres-
 byteratu suo sese habere contendebat Pictaviensis Ar-
 chidiaconus, pro quo ea de re scripsit Arnulphus Lexo-
 uiensis commendatitiam epistolam ad Alexandrum III.
 P. quæ est xxvii. *Hoc nimirum prætextu pro P. Pictaviensi
 Archidiacono precaturus accedo.* & mox. Idecireò si cau-
 se ipsius qualitas inquiratur, id iuris se in quodam

Archipresbyteratu suo contendit habere, quod tam ipsi, quam omnibus alijs Archidiaconis in omnibus Archipresbyteratibus suis vetus Ecclesia illius consuetudo confirmat. Porro super uacuâ videtur quæstione vexari, cùm sola sit de sola Archipresbyteri electione contentio, cum ab Archidiacono facta ad Episcopale de consuetudine referatur arbitrium, eamque potest auctoritate suâ nisi fuerit idonea, reprobare ex consuetudine. Electionem Presbyteri, seu parochi fieri solitam à clericis loci, accedente assensu plebis: quod si in Ecclesia idoneus Clericus non inueniretur, tum rem perlatam ad Episcopum signat Concil. Ticinense habitum coram Ludouico Balbo. Et primum ipsius loci Presbyteri, vel ceteri clerci, idoneum sibi rectorem eligant, deinde populi, qui ad eandem plebem adspicit sequatur assensus: si autem in ipsa plebe talis inueniri non poterit qui illud opus competenter peragere possit, tunc Episcopus de suis quem idoneum iudicauerit inibi constituat. Quæ de Archipresbyteri electione intelligenda esse, innuunt quæ sequuntur. Sanè remouenda quorundam laicorum procacitas, qui hoc solo obtentu, quod ad electionis consortium admittuntur, Archipresbyteris suis dominari presumunt, & quos tanquam patres venerari debuerunt, velut subditos contemnunt. In electione parochi, seu Archipresbyteri expetitus est assensus plebis; publicè enim interest, ut parochianis gratus detur Rector, quo facilius hi in obsequio continеantur: quo consilio decretum ne inquitis detur Episcopus. can. nullus. lxi. dist. Concil. Paris. iii. can. viii. Collationem beneficiorum iure communi pertinere ad solum Episcopum iam obseruatum est. Seriùs Romani Pontifices collationi beneficiorum manum iniecere, argu-

mento est, quod hac de re in toto Decreto Gratiani nec vola, nec vestigium extat. Hoc iure primùm precariò vñ sunt Pontifices, ac tātū penè se habuere tenuiores Clericos Episcopis commendare , vt eis subuenirent. Ita Syracusano, & Fauensi Episcopis duos Clericos Cardinados commendauit Gregorius I. lib. iii. epist. xiv. & lib. v. epist. xlvi. Postiores verò, vt iura quælibet sua incrementa, suásque ætates habent , preces in mandata verterunt , quæ dicta sunt *mandata de prouidendo*, seu , *gratia expectatiua* , quarum ratio hæc fuit ; vt primùm emitterentur litteræ monitoriæ , tum præceptoriæ, ac demum litteræ executoriæ, quibus executor delegabatur, qui Ordinarium compelleret vt beneficium vacans, vel proximè vacaturum illi Clerico conferret, vel vt ipse conferret. cap. cùm te. cap. Capitulum Sanctæ Crucis, & passim , de rescript. cap. dilectus. ii. de Præbend. Hoc genere intercessionis pro Guarino Clerico, Attoni Trecensi Episcopo per epistolam mādauit Innocentius II.P. vt præbendam vacantem, si qua esset, vel proximè vacaram ei conferret ; de quo Petrus Cluniacensis lib. ii. epist. xxxii. ad eumdem Episcopum. *Pro Guarino Clerico satis sobrium vobis Dominus Papa mandatum imposuit* , vt si libera præbenda pateret , ei daretur ; si non, prima quæ occurreret præberetur. & pro Radulfo, vt ei per Alexandrum III. à Rhemensi Archiepiscopo, & Canonicis Decania obtineatur intercedit Io. Saresberiens. epist. ccxxx. *De cetero quia Rhemensis Ecclesia dicitur ad curiam proficii* , precor vt M. Radulpho per Dominum Papam, & alios ab Archiepiscopo & Canonicis Decaniam obtineatis. Pro quodam Clerico facelli

Palatini Imperatoris, litteras Præposito de Marsna
scripsit, & Alexander III. vt ei præbendam daret; de
quo Petrus Cellensis, lib. viii. epist. xv. Nuper verò Do-
minus Papa rem, vt credimus ignorans, iam secundò scripsit
Præposito nostro de. Marsna, vt daret præbendam cuidam cle-
rico Imperatoris, cùm nec Præpositus dare possit, nec sit præ-
benda quæ dari possit. Quàm ægrè admitterentur Ponti-
ficiæ huiusmodi beneficiorum reseruationes significat
Stephanus Tornacensis, epist. cix. ad Lucium III. P. quæ
scripta est in commendationem Heruei Subdiaconi.
Scripsit pro eo felicis recordationis pater Alexander, Decano,
& *Canonicis Sancti Aniani Aurelianensis; scripsistis & vos*
primò & secundò, sed neque preces, neque preceptum vestrum,
quamvis tres præbenda vacarent, voluerunt audire. Huius-
modi reseruationum usum detestatur & Ioannes Sares-
ber. Polycratic. lib. vii. cap. xviii. Statuat ergo lex quod
placuit latori, nam isti priuilegijs principalis gaudentes bene-
ficio, quicquid ambiunt sibi competere opinantur, Episcopos ad
prima beneficia obligant, & de futura successione pacisci
non verentur: restat utique vt tristi pactio repleatur euentu,
& illius quisque animetur & armetur in necem, cuius ambit
successionem; si enim cedere moretur, aduersantur, vexant, &
multipliciter concutiunt possessorem, &c. Inde Romanus
Pontifex Ordinarij ordinarij se gessit, & quæ-
cumque beneficia Ecclesiastica per orbem Christianum
vacantia in concursu, & per præventionem omnium
Ordinarij conferre sui iuris duxit, cap. si à Sede.
de præbend. in vi. Clem. i. vt lit. pendent. Pragmat.
tit. de collat. §. item circa. verb. suadet, & Concordat.
§. si quis verò. de collat. nec non cessante Ordinario in

conferendo intrà sex menses , iure deuoluto conferendi ius proprium idem fecit , cap. nulli , de concess. præbend.



C A P V T VIII.

Iura Episcopalia in parœciales Ecclesiæ. Canonicæ obedientia, subiectio, reuerentia. Synodus, Synodaticum, Cathedraticum, Visitatio, & huius nomine procuratio.



PISCPVS in Parœcialibus, & aliis suæ Diœcesis Ecclesiis habet canonicam obedientiam, subjectionem, & reuerentiam, Synodum, id est, potestatem cogendæ Synodi, & Synodaticum, seu Cathedraticum, cuius modus duo solidi, cap. conquerente. de offic. Ordinar. Antiquissimi instituti est Episcopos quotannis diœcesanam Synodum congregare Ecclesiasticæ disciplinæ tuendæ gratiâ, & ad eam presbyteros vocare , qui de plebium cura rationem reddant, can. Episcopus. II. cap. annis singulis XVIII. dist. Hinc presbyteris cùm ordinabantur tradebatur libellus officialis, continens rationem Ecclesiastici officij circa celebrationem sacrorum, & administrationem sacramentorum, ne muneris rudes & insciij ad Ecclesiam accederent, & ubi ad Litanias, vel Synodum proximè conuenirent, de gestu officij rationem redderent. Concil. Tolet. IV. can. XXV. *Quando presbyteri in Parochijs ordinantur libellum officialem à suo Sacerdote*

Sacerdote accipient, ut ad Ecclesias sibi deputatas instrueti succedant, ne per ignorantiam in ipsis diuinis sacramentis offendant. Cum vero ad Litanias, vel ad Concilium venerint rationem Episcopo suo reddant, qualiter suscepsum officium celebrent, vel baptizent. can. quādo xxxviii. dist. Ad diœcesanam Synodus conuenere, non modò Parochi, sed etiam Abbates diœcesani, d. can. Episcopus. d. can. annis singulis. cap. quod super his. de maiorit. & obedient. vnde Abbatem, vel Archipresbyterum deponi, vel in locum eius alium ordinari ab Episcopo, nisi in Synodo Abbatum & Presbyterorum vetat Conc. Turonens. II. can. vii. nec modo ad Diœcesanam Synodum, sed & ad alios solennes conuentus, putà pro translatione reliquiarum, vel aliis causis, iubente Episcopo, simul coiere presbyteri & Abbates. Ad translationem reliquiarum Benigni martyris Diuionensis, Abbates conuocauit Gregorius Lingonensis Episcopus. Gregorius Turonensis, de Miracul. Martyr. lib. I. cap. li. Sed sanctum sepulchrum nescio quā causā faciente foris euenit, quod ille intus transferre cupiens conuocauit ad hoc obsequium Abbates, atque alios religiosos viros. Ut ad transflationem reliquiarum Desiderati Presbyteri ab Agricola Cabillonensi Episcopo vocati Presbyteri, & Abbates. Idem Gregorius Turonensis, de Glor. Conf. cap. lxxxvi. Post hæc ædificato ex Xenodochio leproforum Sacerdos sub urbano in eius Basilicam collectis Abbatibus, & omni clero beatum corpus transtulit. Interdum tamen peculiaris fuit Synodus Abbatum, à Synodo Presbyterorum. Concil. Aurelianens. I. can. xix. can. Abbates xviii. qu. ii. nempe medio mense Maio habita est Synodus Presby-

terorum, & Kalendis Nouembris Synodus Abbatum.
Concil. Antissiodor. can. vii. Synodi nomine à Presbyteris exactum vestigal, quod Synodus, seu Synodaticum nuncuparunt; præter id, institutum & aliud indici genus, nimirum Cathedraticum, quod solueretur pro honore Cathedræ, de vtroque satis multa à nobis dicta sunt alio loco, quæ h̄ic repeterem superuacuum esset. Hoc vnum addo, meritò dictum Cathedraticum, quod præstaretur pro honore Cathedræ; quia Cathedra est symbolum & insigne Pontificij. Synod. Carthag. iv. can. xxxv. *Episcopus in Ecclesia, & in confessu Presbyterorum sublimior sedeat.* can. Episcopus xcvi. dist. Augustin. in Psalm. cxxv. *Vigilabat quantum poterat super eos quibus præcerat, & Episcopi hoc faciunt, nam ideo altior locus positus est Episcopis, ut ipsi superintendant.* Ideò vetatur Episcopus cathedralm collocare in cœnobitis, ne in loco exempto Episcopalem iurisdictionem exercere videatur, can. Luminoso. xviii. qu. ii. Nec modò in Synodo Diœcesana, sed & in Prouinciali locus fuit presbyteris, h̄ique in ea confedere, stantibus Diaconis, Concil. Tolet. i. in præf. *Conuenientibus Episcopis in Ecclesia Toleto, cōsidentibus presbyteris, adstantibus diaconibus, & Bracar. i. itidem in præf. Cōsidentibus simul Episcopis, præsentibus quoque presbyteris, adstantibusque ministris, vel vniuerso clero:* Non in corona Episcoporum presbyteris sedes fuit, sed à tergo Episcoporum, quo loco confedere non modò presbyteri, qui vice Episcoporum, sed etiam illi qui proprio nomine Concilio interfuerent. Concil. Emeritens. can. v. *Ad suam tamen personam non aliter nisi aut Archipresbyterum suum diri-*

get, aut si Archipresbytero impossibilitas fuerit, presbyterum utilem, cuius dignitas cum prudentia pateat, à tergo Episcoporum inter presbyteros sedere, & quaque in eo Concilio fuerint acta scire, & subscribere: iniustum enim hoc accipit cœtus noster, ut quisquam Episcoporum Diaconum ad suam personam dirigat; hic enim, quia presbyteris iunior esse videtur sedere cum Episcopis in Concilio nulla ratione permittitur. & Concil. Salegunstadiens. can. xx. de ritu initiandæ Synodi. Deinde conuenientes Presbyteri omnes intrent & secundum ordinationis sue tempus resideant: post hos ingrediantur Diaconi probabiles, quos ordo poposcerit interesse. Denique quocumque loco proprium fuit presbyterorum apud Episcopum sedere, Diaconorum stare. Synod. Carthag. iv. can. xxxiv. *Episcopus in quolibet loco sedens, stare presbyterum non patiatur.* can. Episcopus. xcvi. dist. Auctor. Constitution. Apostolic. καίδω δὲ μέσος ὁ τε Πτιονόπυρος, παρ' εὐαγγέλῳ δὲ αὐτῷ καὶ ιηδῷ τὸ προσβύτερον, ἡ οἱ διάκονοι παρεδάτωσαν, Solium Episcopi in medio positum sit, & ex utroque eius latere sedeant Presbyteri, & adstant Diaconi. Officium Episcopi est etiam lustrare, seu visitare quotannis singulas parœciales Ecclesiæ, & alias dioecesis. can. decreuimus. can. Episcopum. x. qu. 1. & d. cap. conquerente. nec hoc proprium fuit Christianæ reipublicæ institutum, nam & in Republica Romana Rectores Provinciarum prouinciam lustrare solebant. M. Tull. Verrin. v. Cum autem ver esse cœperat, cuius initium iste non à Faonio, neque ab aliquo astro notabat, sed cum rosam viderat, tunc insipere ver arbitrabatur, dabat se labori atque itineribus, in quibus usque eō se præbebat patientem, atque impigrum,

cum nemo vñquam in equo sedentem viderit. & mox. Cum verò aetas summa esse iam cœperat, quod tempus omnes Siciliae semper Prætores in itineribus consumere consueuerunt, propter ea quòd tum putant obeundam esse maximè prouinciam, cum in areis frumenta sunt, &c. Episcopis autem visitationis nomine debetur annona, quæ dicitur procuratio, d. cap. conquerente. cap. procurations. & passim tot. tit. de Censib. Procuratio est vox composita, id est curatio seu refectio corporis, procurare corpus idem est, quod curare, vt iam à nobis obseruatum ex Accio, Virgilio, & aliis, quibus addo illud Plauti, in Poenulo.

*Nutrices pueros infantes minutulos
Domi procurent, néue inspectatum afferant
Ne & ipse sitiant, & pueri pereant fame.*

C A P V T I X.

Mutua officia Parochorum in Episcopos, & Episcoporum in Parochos. Totus ordo confunditur, si sua cuique iurisdictio non seruetur.

PAROCHI, & minores Clerici debent obsequium, reuerentiam, & subiectionem Episcopo, ac vi- cissim Episcopus eis rependere debet dilectionis, & tutelæ officium : ad hoc diuini numinis prouidentiâ in Ecclesia ordines distincti sunt, vt minores reuerentiam potioribus exhibeant, & potiores minoribus dilectionem impendant, can. vlt. lxxxix. dist. Parochi, inquam, debent subesse Antistiti, non vt seruuli Do-

mino, sed ut liberi parenti : meminisse debent Episcopi se non electos in dominos, sed pastores, iuxta illud Petri epist. II. *Non dominantes in clero, sed forma facti gregis id est typus, exemplum.* Recte in hanc sententiam Hieronym. epist. ad Nepotianum : *Sta subiectus pontifici tuo, & quasi anima parentem suscipe.* & paulò post. *Sed Episcopi Sacerdotes se esse nouerint non Dominos, honorent Clericos quasi Clericos, vt & ipsis à Clericis quasi Episcopis honor deferatur.* Scitum est illud Oratoris Domitij ; *Cur ego te, inquit, habeam, vt principem; cum tu me non habeas vt Senatorem?* can. sta subiectus xc v. dist. Ne seruiles operas à Parochis exigat Episcopus vetatur Concil. Bracar. II. can. II. Similiter & parochiales Clerici seruili more in aliquibus operibus Episcopo seruire non cogantur, quia scriptum est, neque ut dominantes in clero. can. placuit. x. qu. I. quod repetitum est in can. nullus, I. qu. I. & cap. I. de excess. Prælat. Clericis ut membris suis vtatur Episcopus, suadet Ambros. II. Offic. cap. xxviii. *Episcopus ut membris suis vtatur Clericis, & maximè ministris, qui sunt verè filii, quem cuique viderit aptum muneri ei deputet.* Ac ne Episcopus clericos conculcet vetat. Concil. Arelat. I. can. xvii. Denique Episcopi pudor, abiectione & contemptus presbyterorum, nec apud eum vile esse debet nomen presbyterorum, ne laicis despicabiles reddantur, nec debet Episcopus Parochis inuidere iura parochialia, quicquid enim honoris defertur presbyteris, refunditur in Episcopum? Gregor. I. lib. VII. epist. xxx. *Nec honorem esse deputo in quo fratres meos honorem suum perdere cognosco, meus honor est fratrum meorum solidus vigor, tunc ego verè honoratus*

sum, cùm singulis quibusque honor debitus non negatur. Id exigit Hierarchiæ Ecclesiasticæ ratio, vt Episcopi & Presbyteri suis quique terminis se contineant, Hieronymus in Ezechiel. lib. xiii. cap. xlvi. de Episcopis & Presbyteris. *V*nusquisque habeat possessionem suam que gradu illius constituta est, Hierarchia enim Ecclesiastica tota dissoluitur, nisi sua cuique iurisdictio in columnis & illibata seruetur. Greg. lib. ix. epist. xxxii. Nam si sua vnicuique Episcopo iurisdictio non seruatur, quid aliud agitur, nisi vt per nos pér quos Ecclesiasticus custodiri debuit ordo confundatur? can. peruenit. xi. qu. i. Elegantem huius œconomiae typum tradidit Christus, cùm leproso curato, vade, inquit, & ostende te Sacerdoti; quo enim consilio iam mundatum misit ad Sacerdotem, nisi vt veteris legis præcipuum Sacerdoti seruaret? Quæ fuerit sententia patrum de honorandis Presbyteris exemplo docuit Augustinus, qui Hieronymum Presbyterum, vt fratrem & socium coluit, & saluâ dignitate Episcopali, se minorem professus est, non uno loco, vt in epist. xix. ad eundem: *Quamquam secundum honorum vocabula, quæ iam Ecclesie usus obtinuit, Episcopatus maior presbyterio sit;* tamen Augustinus in multis rebus Hieronymo minor est. c. quamquam ii. qu. vii. & idem lib. i. contra Julian. cap. ii. *Nes sanctum Hieronymum, quia presbyter fuit, condemnandum arbitreris.*

C A P V T X.

Singulis Ecclesiis unus Presbyter imponendus, pluralitas beneficiorum vetita, nisi ex dispensatione, eaque ob iustum causam. Academia Parisiensis iudicium, circa pluralitatem beneficiorum.

 *N*s singulis Ecclesiis unus Presbyter ordinandus est. Cùm primùm parœciæ diuisæ, id actum, vt singulæ singulis adscriberentur, vt notum est, ex epistol. Dionys. ad Seuerum. *Ecclesiæ singulas Presbyteris dedimus, parochias & cæmiteria eis diuisimus, &c.* Ideò Episcopum constitui in vico, vel minori municipio, cui vel unus Presbyter sufficit vetat can. vi. Sardic. Concilij. exinde clericum in duabus Ecclesiis inscribi vetitum Synodi Nicen. ii. can. xv. can. clericus. xxi. qu. i. & Synod. Rhemens. can. ix. can. sicut in vna quaque xxi. qu. ii. & Iuonis in decret. part. iii. cap. xlvi. cuius ratio duplex redditur; vna quod sicut nemo potest duobus dominis seruire, sic nullus potest sacerdos duabus Ecclesiis inseruire, d. can. clericus: altera, quod Ecclesia velut sponsa non potest honestè diuidi inter plures presbyteros, d. can. sicut in vna quaque. Vetus hic & inuiolabilis Ecclesiæ mos fuit, vt singulis Ecclesijs unus Presbyter imponeretur, vt in Mareotide, quod nomen agro Alexandriæ, plures Ecclesiæ fuerunt, quæ

vniuersæ Alexandrino Episcopo subiacerent, ita ut singuli Presbyteri suos pagos haberent. Athanas. Apolog. II. de fuga, vbi Ischyræ in sceleris præmium, Marcotidis Episcopatu ab Eusebianis aucti, illegitimam fuisse promotionem demonstrat ὁ μαρέωτης, inquit, χώρα τῆς ἀλεξανδρείας εἰσι, καὶ γέποτε ἐν τῇ χώρᾳ Πτισκόπῳ, γέδε χωρεπτισκοπῷ, ἀλλὰ τῷ τῆς ἀλεξανδρείας Πτισκόπῳ αἱ ἐκκλησίαι πάσοις τῆς χώρας ἔστανται, ἔκαστῳ δὲ τῷ πρεσβύτερῳ ἔχει τὸς ιδίας πώμας. Mareotis ager est Alexandriæ, quo in loco numquam Episcopus fuit, imo ne Choropiscopus quidem, sed vniuersæ eius loci Ecclesiæ Episcopo Alexandrino subiacent: ita tamen ut singuli Presbyteri suos pagos habeant. Et vbi Arius Baucalensis Ecclesiæ, quæ erat Alexandriæ, Presbyter memoratur, Alexandriæ plures fuisse Ecclesias, quibus singulis præcesset unus presbyter, qui accolis sacramenta Ecclesiastica ministraret, duobus locis testatur Epiphanius, hæref. LXVIII. art. IV. Λεῦ γὰρ ἐγρέειν Βαυκάλῃ τῇ ἐκκλησίᾳ γέτοντα καλεγμένην Αλεξανδρείας πρεσβύτερῳ, καθ' εἰδέντων γάρ εἰς πρεσβύτερος εἰσὶν διποτελεγμένῳ, ἥσαν καὶ πολλαὶ ἐκκλησίαι, νῦν δὲ πλείστοις Arius enim Baucalæ, cuiusdam apud Alexandriam Ecclesiæ presbyter erat; nam vnicuique suus attribuebatur presbyter, erant tamen multæ Ecclesia, hodie vero plures. Et idem hæref. LXIX. art. I. Φασιν δέ αὐτὸν λίθιν τῷ γένει, εὐ Αλεξανδρείᾳ δὲ πρεσβύτερον γεγονότα, ὃς πρεσβύτερος τῆς ἐκκλησίας τῆς Βαυκάλεως γέτω καλεγμένης, οσαι γάρ ἐκκλησίαι τεις καθολικῆς ἐκκλησίας εὐ Αλεξανδρείᾳ γένος ἐναρ Αρχεπισκοπον γέγονται, καὶ κατ' ιδίαν ταυτας Πτιτεταγμένους εἰσι πρεσβύτεροι διὰ τὰς ἐκκλησίας της οἰκουτέρων πλησίων.

πλησιων ἐκκλησιας ἀντῶν η̄ ἀμφόδων, η̄ τοι λαυρῶν Πη-
χωειως καλχωμάρων, οὐδὲ τῶν τελείων Αλεξανδρίων κατεκτή-
των πόλεων. Ferunt illum ex Libya oriundum Alexandriae pres-
byterum esse factum, qui tum Baucalensis cuiusdam Ecclesiae
præfecturam gerebat, etenim quotquot Alexandriae Catholi-
cae communionis Ecclesiae sunt, vni Archiepiscopo subiectæ,
suum cuique præpositus est presbyter, qui Ecclesiastica munera
ijs administret, qui circa Ecclesias illas habitant, eorumque
conuenticula, vici, siue lauræ ab Alexandrinis vulgo nomi-
nantur. In Hispania foeda hæc labes inoleuit, vt plures
Ecclesiæ vni traderentur, ob tenuitatem & angustias
census; huic vulneri non ferro, vt par erat, medeii sa-
tegerunt patres, sed doloris sensum leui plasmate
obstupefacere satis habuerunt, ne tenuiores Ecclesiæ
missæ solatio carerent, lege factâ, vt presbytero qui
pluribus Ecclesiis incubaret, plures missas celebrare li-
ceret, singulas pro singulis Ecclesiis. Concil. Emeritens.
can. xix. In Parochijs multæ sunt Ecclesiæ constitutæ, quæ à
fidelibus factæ, aut paucum, aut nihil de rebus videntur habe-
re, Sacerdotali ergo decreto, Presbytero, cui plures extant
commissæ, vnde cauendum est ne occurrente paupertate, ordo
ibidem non impleatur Missæ: proinde salubri deliberatione
censemus, vt pro singulis quibusque Ecclesijs, in quibus Pres-
byter iussus fuerit, per sui Episcopi ordinationem præesse, pro
singulis diebus Dominicis sacrificium Deo procuret offerre.
Tandem verò exurgente disciplinâ, ne plures Ecclesiæ
vni crederentur vetitum, & vt quælibet Ecclesia, quæ
vsque ad decem mancipia, id est decem accolas habe-
ret, vnum super se haberet sacerdotem; quæ verò mi-
nus, alijs adiungeretur Ecclesiis. Concil. Tolet. xvi.

can. i v. *Vt plures Ecclesiæ vni nequaquam committantur presbytero, quia solus per totas Ecclesias, nec officium valet persoluere, nec populis Sacerdotali iure occurrere, sed nec rebus earum necessariam curam impendere, ea scilicet ratione vt Ecclesia quæ usque ad decem habuerit mancipia, super se habeat Sacerdotem, quæ verò minus decem mancipia habuerit, alijs coniungatur Ecclesijs.* can. vno. x. qu. iii. In Gallia etiam beneficiorum pluralitas explosa, sed ea in re dispensandi potestas Episcopo tributa, Concil. Aurelian. iii. can. xviii. *De his verò clericorum personis, quæ de ciuitatensis Ecclesiæ officio Monasteria diœcessis, vel Basilicas in quibuscumque locis positas, id est siue in territorijs, siue in ipsis ciuitatibus suscipiunt ordinandas, in potestate sit Episcopi, si de eo quod ante de Ecclesiastico munere habebant, eos aliquid, aut nihil exinde habere voluerit, quia vnicuique facultas suscepti monasterij, diœcessis, vel basilicæ debet plena ratione sufficere.* Tum etiam ut plures Ecclesias quis haberet indultum, si alios presbyteros sub se in singulis haberet, qui diuinum officium implerent. Concil. Nannetense, can. viii. *Nullus presbyter plures presumat habere Ecclesias, nisi forte alios presbyteros sub se in unaquaque habeat, qui nocturnum atque diurnum officium solemniter adimpleant, & Missarum celebrationes quotidianis expleant ceremonijs.* In villis etiam quæ foris sunt, id est extra urbem, propter inopiam hominum, ut indulgeretur circa pluralitatem beneficiorum constitutum Concil. Nicen. ii. can. xv. modò laudato. Plura apud eundem beneficia, nisi ex dispensatione, putà ob Ecclesiæ necessitatem, vel merita personarum, non tulit Bernardus Clareuallensis, epist. cclxxi. *Honores, & dignitates Ecclesiæ-*

sticas non ignoro deberi his, qui eas dignè & secundum Deum administrare & velint & possint; nam nec cuiquam vel adulto plures in pluribus Ecclesijs habere licet, nisi dispensatione quidem ob magnam vel Ecclesiæ necessitatem, vel personarum utilitatem. Tandem verò securis ad radicem posita est in Concil. Lateranensi habitu sub Innocent. III. quo vetitum ne cuiquam plures parœciales Ecclesijs obtainere liceret. & ne lex eluderetur, ut adeptione secundi beneficij curati, prius ipso iure vacaret, statutum; hoc vno reseruato Summo Pontifici, ut posset dispensare circa pluralitatem beneficiorum, cap. de multa. de præbend. quod reseruationis genus, velut quæstuosum notauit Matth. Paris. ad ann. M. CXXXV. vbi de collectione Decretalium quæ facta est auctore Gregorio ix. In quibus, inquit, quedam innouauit, ne scilicet illegitimi in Prælatias, vel Ecclesiastica beneficia, nisi adeptâ à Sede Romana legitimationis dispensatione, obtineant, sciens inde Curia Romana, pro impetratōne tali, multa emolumēta prouenire; sicut ex statuto Innocentij pro dispensatione plurium beneficiorum obtinendorum. Post Lateranense Concilium, non sinè lethali noxia teneri posse duo beneficia quorum alterum effet idoneum ad sustentationem, decreuit Academia Parisiensis. Abbatis Vrspergens. Continuator. Anno M.C.XXXVIII. Parisijs contra pluralitatem beneficiorum disputatum fuit, & conclusum ab omnibus, quod nemo sinè periculo mortalis peccati tenere possit duo beneficia, quorum alterum sufficit ad sustentationem futam.

C A P V T X I.

Parochialis Ecclesia non debet conferri in Commendam, sed in titulum. Commendarum origo & usus notatur. In commendam dari solite, etiam Abbatiae, & ipsi Episcopatus. Comenda olim erat temporalis, hodie desiit in perpetuum, hinc pro titulo habetur.



AROCHIALIS Ecclesia ipso iure non debet conferri in commendam, sed in titulum, vnde ipsæ parochiales Ecclesiæ dicuntur Tituli; & Clerici vetantur ordinari sine titulo certæ Ecclesiæ. can. neminem. can. Sanctorum. lxx. dist. Commenda non est verè titulus. Commendarius est nudus minister, seu procurator, & custos rerum Ecclesiæ, cap. cùm nobis. de elect. Commenda nihil aliud est, quàm depositum, seu custodia. Commendare nihil aliud est, quàm deponere, l. commendare, ff. de V. S. Item parochialis Ecclesia requirit ministerium certæ personæ, idémque perpetuum: & semel ordinatus, seu titulatus, in qua piam Ecclesiæ, ab ea remoueri non potest, d. can. sanctorum. & can. præcipimus, xxii. qu. ii. Commenda suâ naturâ est temporalis, nec ultra sex menses durabat. cap. nemo deinceps. de elect. in vi. atque ita non cadit in Parochiales Ecclesiæ. Moribus tamen, Commendarum usus etiam Parochialibus in Ecclesiis inualuit; etsi enim

vetitum esset. can. x. Chalced. Concil. ne idem plures Ecclesiæ obtineret, labente disciplinâ, Episcoporum dispensatione, seu potius corruptelâ effectum, ut plures Ecclesiæ eidem compingerentur, & ut aliquo pacto veteris disciplinæ vulnus curaretur, vel saltem obducetur, hoc excogitatum, ut una traderetur in titulum, altera in commendam, quasi custodiæ gratiâ ad tempus, primusque Leo IV. qui sedebat anno DCCC. XVII. Commendarum usum admisit. can. qui plures, XXI. qu. i. *Qui plures Ecclesiæ retinet, unam quidem titulatam, aliam vero sub commendatione retinere debet.* Easdem comprobarunt secuti eum Pontifices. d. cap. cum nobis. cap. dudum. eod. tit. de Elect. & d. cap. nemo deinceps. de Elect. in vi. ac Episcopi etiam sui iuris duxerunt commendare Ecclesiæ ad tempus, d. cap. nemo deinceps. Nec in secularibus Ecclesiæ modò, sed etiam in regularibus commendarum labes iam olim irrepserit. Regum beneficio eidem Abbatii duæ, vel plures Abbatiae traditæ, una scilicet in Titulum, alia Procurationis seu administrationis nomine, quod idem est ac commenda; ut Hilduinus Abbas S. Dionysij, Ludouici P. gratiâ habuit procurationem & aliorum plurium Monasteriorum, & inter ea Cœnobij S. Medardi Sueßionensis. Aimoin. lib. iv. cap. cxiv. *Ipse autem venerabilis Abbas præfatus Hilduinus inter plurima quæ ei augustali benignitate commissa fuerant monasteria, habebat procurationem cœnobij nobilis in prospectu urbis Sueßiorum, quod Clotharius quondam Rex Francorum, filiusque eius Sigebertus, in honorem Beatissimi Medardi Confessoris Christi, magnis construxerant sumptibus. Etiam Episcopis procurationis, seu commenda-*

nomine s̄æpiū traditæ leguntur Abbatiae, vt vita functo Hilduino, Ebroïno Pictauensi Episcopo ob bene merita de Republica, Abbatiae S. Germani Parisiensis regimen dedit Ludouicus P. ex quo intelligimus Hilduinum Abbatem præter Abbatias S. Dionysij, & S. Medardi Suessonensis, etiam obtinuisse Abbatiam S. Germani Parisiensis. Aimoini Continuator lib. v. cap. xix.

Imperator porrò p̄fatum Episcopum in Aquitaniam cum multis gratiarum actionibus remisit, dans ei regimen Abbatiae sancti Germani Parrhisiensis ; nam Hilduinus Abbas vitâ deceperat. Anno m. c. lxxv. Gothofredo Asaphensi Episcopo in Vvallia, quæ est Anglia regio, sedem suam derelinquere coacto, ob duritiem plebis, Abbendoniensem Abbatiam fortè tum vacantem, in custodiam, quovsque ad propriam Sedem tutus esset redditus, dedit Henricus II. Rex Anglorum. Rogerus Houedenus, in posteriori parte Annal. *Ipsè enim Godefridus Episcopatum suum deseruit, paupertate & Vvalensium infestatione compulsus, veniensque in Angliam à Christianissimo Rege Henrico benignè & honorifice suscep̄tus est, cui & tradidit Abbatiam Abbendoniæ vacantem in custodia, donec ad propriam Sedem liberum haberet regressum.* Tandémque in Commendam cecidere etiam ipsi Episcopatus : ita Giseleurus Mergburgensis Episcopus in Germania, concedente Othono III. asscutus est Magdeburgensem Ecclesiam, priore tamen non relictâ, quod eâ ætate nouum & inauditum, sed suâ frequentissimum fuisse vt idem vnam haberet in Titulum, alteram in Commendam, refert Albertus Krantz lib. iii. Metropol. cap. xxxvii. Olim, vt dixi, commenda erat temporalis, nec porrige-

batur ultra semestre tempus, sed labente æuo Com-
menda in perpetuas desiere, ex quo Commenda habe-
tur pro Titulo, & solius Romani Pontificis proprium
est beneficia in perpetuum commendare, cap. dudum.
de Elect.

CAPUT XII.

Qualis debeat esse vita, & conuersatio Presbyte-
rorum. Hi castè & continenter vivere debent,
eis interdicitur contubernio mulierum quas vo-
cant conuerstantes, subintroductas, & yam casas dile-
ctas, sorores, seu sororias, eisdem vetatur com-
matres procurare.

QUALIS debeat esse vita & conuersatio Presbyterorum, seu Parochorum, ea nimirum angelica esse debet; quoniam hi Angelorum, id est ministrorum Dei officio funguntur in terris; quin immo eorum vitam Christi typo, quoad humanitus fieri potest, accedere par est; presbyteri enim sunt Vicarij Christi. Augustin. vel alias quisquis est au-
ctor quæst. vtriusque Testament. qu. cxxvii. Quantò magis in Dei causis ac per hoc antistitem eius puriorem ceteris esse oportet, ipsius enim personam habere videtur: est enim Vicarius eius, ut quod ceteris licet, illi non liceat, quia necesse habet quotidie Christi vicem agere, aut orare pro populo, aut

offerre, aut tingere. Vitæ sanctitate Ascetis, seu Monachis præstantiores eos esse oportet, quia virtutis facem plebi præferre debent, nec solùm plebem verbo docere, sed & exémplo. Hi suæ salutis arbitri sunt, illi suæ, & alienæ. Isidor. Pelusiot. lib. II. epist. CCLXXXIV. τὸς γὰρ ιερομόναχος ἀγιωτέρας εἶναι χεὶς, οὐ καθαρωτέρας τὸν Τῷ ὅρῳ κατειληφότων, επειδὴ οἱ μόνοι οὐτῶν οὐ λαῶν, οἱ δὲ οὐτῶν μόνον φεγνίζοσι. Nam eos qui Sacerdotum munere funguntur sanctiores ac puriores illis esse oportet, qui ad montes se contulerunt; si quidem illi & sui & plebis; hi autem sui duntaxat curam gerunt. Imprimis Presbyteri continenter, & castè viuere debent. Si fortè cōiugati essent cum ordinabantur, secedebant ab vxore, & eam deinceps habebant ut sororem; fœmina verò hoc pacto à Presbytero segregata, dicebatur Presbytera. Gregor. Dialogor. lib. IV. cap. II. Presbyter quidam sibi commissam regebat Ecclesiam, cum magno timore Domini qui ex tempore accepti ordinis presbyteram suam ut sororem diligens, sed quasi hostem cauens ad se proprius accedere non sinebat, eamque sibi approxinquare nullâ occasione permittens ab ea sibi communionem funditus familiaritatis abscidit. can. Presbyter. XXXIII. d. & Concil. Turonens. II. can. xx. Nam si inuentus fuerit presbyter cum sua presbytera, aut Diaconus cum sua Diaconissa, aut Subdiaconus cum sua Subdiaconissa. Porrò presbyteri ita viuere debent, ut non modò probro careant, sed etiam suspicione probri; quapropter suspecta contubernia omnino vitare debent. Ne Episcopi & Presbyteri extraneas mulieres, quas συνεισάντες, vel συνάντες, id est subintroducetas vocabant, apud se haberent vetuit can. III. Synod. Nicen. de quo Basilius epist. CXCVIII.

ad Paregorium Presbyterum, αλλ' ἀνάγνωστι κανόνα
 τὸ ἐξενεκθέντα τῷ σάρκῃ πατέρων ιμῶν τοῦ ἐν τῇ
 συνοδῷ Νικαιᾶς, ὃς Φανερῶς ἀπηγόρευσε συνεισάγεις μὴ
 εἶναι. Lege canonem à sanctis Patribus nostris in Nicena Sy-
 nodo constitutum, qui manifeste interdixit, ne quis muliercu-
 lam subintroductam habeat. Foedum id nomen primò An-
 tiochiae auditum insinuat Eusebius lib. vii. cap. xxiv.
 vbi de Paulo Samosateno. Καὶ δὲ συνεισάγεις αὐτὰς γυναι-
 κας ὡς Αὐτοχεῖς ὄνοματάσι. Ascititias illius mulieres,
 quas subintroductas Antiocheni appellant. & ut nihil in
 specie fallacius, quām prava religio, huiusmodi mu-
 lierculas pietatis & charitatis obtētu apud se detinuere
 clerici, vnde αὐταπτίτας, seu dilectas vocarunt. Epiphan.
 hæres. LXIII. art. II. καθηγούσι δὲ δῆθεν τοῦ ἐν τῇ συ-
 νοδῷ τοῖς αὐταπτίτας λεγομένας συνεισάγεις γυναικας.
 interim verò accusant illos qui subintroductas fæminas quas
 vocant dilectas sibi asciscunt. Alij sorores, vel sororias,
 quarum consuetudinem damnarunt Impp. in l. eum.
 qui, xix. C. de Episc. & Cleric. Eum qui probabilem se-
 culo disciplinam agit, decolorari consortio sororii appellatio-
 nis non deceet. Turpem harum conturbanialium usum
 apud Clericos ex opum affluentia ortum arguit Ioannes
 Chrysostom. sermon. de Pseudoprophet. ἐν γὰρ τῷ περὶ τῶν
 πλεύτων συνεισάγεις ἐμήσαντο, πειθάσαι αὐθαπόδων. Quia
 & opum affluentia subintroductas tenent, praetextu ancilla-
 rum. Id genus mulierum passim insectatus idem Chry-
 sostom. vt in Sermone, in illud, Religiosum facetiis vti.
 non debere, vbi post multa; πάντα γὰρ ἀλγῶσταν εἴδω ἀσ-
 κητεῖς συνεισάγειν Πριστινάρχον. Valde quippe doleo,
 cum video religiosum subintroductam mulierem sibi adscir-

scere. & idem, aduersus eas proprium librum scripsit. Quò tollatur omnis prauæ consuetudinis occasio, Presbyteri vetantur priuatorum ædes frequentare, commates procurare, id est epulis excipere. Augustin. vel alius quisquis est, Sermon. xxxv. ad fratres in Eremo. Non enim debet, qui animarum curam gerit, transire de domo in domum, non frequentare forum cum rusticis, non mercantias acquirere, non commates procurare, non ligonizare, non tabernas intrare, non discurrere nisi necessitate compulsus.



CAPUT XIII.

Presbyterorum cultus, eorum insignia vestis demissa, & orarium seu stola, orario utuntur etiam Diaconi, nec non Episcopi.



AROCHI etiam cultu & vestitu corporis religionem ordinis sui palam facere debent: veste demissâ eos vti conuenit, quæ est sanctitatis insigne. Ioannes Chrysostomus de diuers. vtriusque Testam. loc. serm. de fugienda simulata specie. τὰς μὲν χιτωνάς περχεὶ τῆς γῆς ἔλκοντες, ἐν σχήματι ἀγίων. dum vestes quidem in terram trahimus in habitu sanctorum. Seculari veste eos abstinere oportet, quorum vita enim à seculari longè abesse debet, eorum vestem disparem esse condicet. Concil. Matisconens. I. can. v. *Vt nullus clericus sagum, aut vestimenta, aut calceamenta, nisi quod religionem*

deceat induere præsumat. Concil. Roman. sub Zachar. Papa, can. III. *Vt Episcopus, Presbyter, & Diaconus seculari in dumento minimè vtantur, nisi vt condecet tunicā Sacerdotali.* Quò verò Presbyteri à secularibus distinguantur, nefas est eos procedere in publicum sive oratio, sive stola. Concil. Moguntin. I. can. xxviii. *Presbyteri sine intermissione vtantur orarijs, propter differentiam Sacerdotij dignitatis.* & Concil. Triburiense, ex Gratiano, in can. vt Presbyteri. xvii. qu. iv. *Vt Presbyteri non vadant, nisi stola, aut orario induti, &c.* Orarium est stola, sive fascia à collo per utrumque humerum defluens; sic dicta, quod sit ori applicita, & collo circumponatur. Ambros. de excessi. Satyri. Diuinum illud fidelium sacramentum poposcit, non vt curiosos oculos infereret, sed vt fideli sua consequeretur auxilium; etenim ligari fecit in orario, & orarium inuoluit in collo atque ita se deiecit in mare. Ita Chramnum Clotharij filium orario suggillatum, id est strangulatum scribit Gregor. Turonens. lib. iv. cap. xx. *Chramnus super scannum extensus orario suggillatus est.* ineptè orarij etymon ex eo repetiere nonnulli, quod qui orat, id est, prædicat, orario vtatur pro officij insigni, quæ videtur suisse sententia Patrum Conc. Toletan. iv. can. xxxix. *Vnum orarium oportet, levitam gestare in sinistro humero propter quod orat, id est prædicat.* can. vnum, xxv. dist. Orarium læuo super humero gestare Diaconos præceptum, d. can. Toletano: & quia nonnulli Diaconi orarium occultabant sub tunica, quasi erubescerent videri quod erant, eis præceptum est orarium scapulæ superpositum ferre, in Concil. Bracharen. I. can. xxvii. *Item placuit, quia in aliquantis huius*

Dissertationum

Prouincia Ecclesijs Diacones absconsis infra tunicas vtuntur orarijs, ita vt nihil differre à Subdiacono videantur, vt de cetero superposito scapulae, sicut decet, vtantur orario. Subdiaconis verò orario vti vetitum, Concil. Laodicen. can. xxii. can. ministrum, xxiii. dist. Habuere & Episcopi orarium suum, velut Pontificiæ dignitatis insigne. Vita S. Fulgentij apud Surium, i. Ianuar. Orario quidem sicut omnes Episcopi nullatenus vtebatur pelliceo, cingulo tamquam monachus vtebatur. Hoe verò discrimen obseruatur inter oraria Episcoporum & Presbyterorum, quod Presbyter orarium præfert vtroque humero rectâ dependens; Episcopus verò cancellatum ad pectus in modum crucis, ex Concil. Brachar. iii. can. iii. Cùm sacerdos ad missarum solennia accedit, aut per se Deo sacrificium oblaturus, aut sacramentum corporis & sanguinis Domini nostri Iesu-Christi sumpturus, non aliter accedat, quam orario vtroque humero circumseptus, sicut & tempore ordinationis sua dignoscitur consecratus, ita vt de uno, eodemque orario, ceruicem pariter & vtrumque humerum premens signum in suo pectore præparet Crucis. can. Ecclesiastica xxiii. dist.

C A P V T X I V .

Ætas, institutio, ordo, & qualitas, id est litterarum scientia ordinandorum in Parochos. Ordinatis tempore ordinationis cur traditus libellus Officialis.

 *L*IM Presbyter, seu Rector Parœcialis Ecclesiæ non potuit ordinari ante trigesimum annum, can. i. & per totum lxxviii. dist. Presbyter quoque non ordinabatur nisi post longa temporum interstitia, & diutinam moram singulis in minoribus ordinibus, quò probatior ad Presbyterium perueniret, can. si officia. lix. dist. can. Monachus, lxxvii. dist. can. Monachos. xvi. qu. i. Ita Cato Presbyter de Aruernensi Episcopatu, spe, & meritorum fiduciâ sibi blandiens, apud Gregor. Turonens. lib. iv. cap. vi. *Nam & ipsos, inquit, clericatus gradus, canonica sum semper institutione sortitus, Lector decem annis fui, Subdiaconatus officium quinque annis ministravi, Diaconatui verò quindecim annis mancipatus fui, Presbyterij autem iam honore viginti annis potior; quid enim mihi nunc restat, nisi ut Episcopatum quem fidelis servitus promeretur accipiam? Ne rudes, & informes ad Ecclesiam accederent, ordinandi presbyteris, seu Parochiarum Rectoribus tamquam optimis sacræ plebis magistris tradebantur educandi, & in disciplina Ecclesiastica instituendi, Concil. Vasens. ii. can. i. Placuit ut omnes*

presbyteri qui sunt in Parochijs constituti, secundūm consuetudinem quam per totam Italiam satis salubriter teneri cognouimus, iuniores lectors quantoscumque, siue uxores habuerint secum in domo, ubi habitare videntur, recipient, & eos quomodo boni patres spiritualiter nutrientes Psalmos parare, diuinis lectionibus insistere, & in lege Domini erudire contendant, ut & sibi dignos successores prouideant, & a Domino premia æterna recipiant. Vnde ordinandorum præsentatio pertinebat ad Archipresbyterum, ex Concil. Nannetens. can. quando, xxiv. dist. aliquando & ordinandi in cœnobiis, aut Canoniis prius instituebantur, can. priscis, lv. dist. can. nisi aut in cœnobiis, lvii. dist. Gregor. Turonens. lib. v. cap. xviii. Post hæc Meroueus, cum in custodia à patre retineretur, tonsuratus est, mutataque veste, quā clericis utimur est, Presbyter ordinatur, & ad Monasterium Cœnomannicum, quod vocatur Aninsula dirigitur, ut ibi sacerdotali eruditetur regula. Ex Lateranensi Concilio, Ecclesiæ Parœciales, seu beneficia curam animarum habentia conferri non possunt minoribus vigintiquinque annis. cap. cum in cunctis, §. inferiora. de elect. hâc lege detersa labes fœdissima quæ inoleuerat, ut beneficia Ecclesiastica passim conferrentur iunioribus, quam detestatur Bernardus Clareuallens. epist. xlvi. Scholares pueri, & impuberes adolescentuli ob sanguinis dignitatem promouentur ad Ecclesiasticas dignitates, & de sub ferula transferuntur ad principandum Presbyteris, lætiores interim quod virgas euaserint, quam quod meruerint principatum, nec tam illis blanditur adeptum, quam ademptum magisterium. Eandem culpam in Rogerio Eboracensi Archiepiscopo eiusdem ætatis notat Guil-

lelm. Neubrigensis, lib. III. Rer. Anglicar. cap. v. Pro personis spectabilibus, quibus tamquam quibusdam monilibus Eboracensis olim resulſit Ecclesia, titulauit imberbes, & quosdam etiam agentes sub ferula, aptos magis pro ætate ædificare casas & ploſtella, adiungere muros, ludere par impar equitare in arundine longa, quam personas gerere in Ecclesia magnatum, ut scilicet usque ad annos viriles curam agens titulatorum, uniuersa perciperet commoda titulorum. Ex Lugdunensi Concilio, Parochus in presbyterum ordinandus est intrà annum, alioquin ipso iure beneficio multantur, cap. licet canon. de elect. in vi. quia Parochi munus, sinè altaris ministerio, id est sacrificij celebratione adimpleri non valet, cap. ex litteris. de excess. Prælat. annus autem currit à die adeptæ pacificæ possessionis: quod si parochus fuerit impeditus quod minus susciperet ordines, & impedimentum sinè culpa eius extiterit, putata si Episcopus noluit, vel non potuit conferre ordines, tunc annus ille non currit impedito, cap. commissa. de Elect. in vi. quia tempus non currit impedito, cap. quia diuersitatem. de concess. præbend. Solus verò Romanus Pontifex potest dispensare de ætatis defectu ad beneficia curata, vel de non promouendo intrà annum, quia solus potest dispensare contra Concilium, cap. significasti. de elect. In promouendis ad huiusmodi beneficia spectatur ætas, & ordo, ac præter hæc litterarum scientia; hâc dote Malchion ex magistro Scholæ Antiochenæ ob expugnatum, & erroris cōuictum Paulum Samosatenum, ad Presbyterium Ecclesie Antiochenæ euectus; πεσθετείς τὸν παρεγκιάς ἐξιώμηρος, ut refert Eusebius lib. vii. cap. xxiii. ac infimis seculis

Episcopatu submotus Episcopus Calliensis ; quod grammaticam non didicisset, & Donatum non legis-
set, cap. vlt. de ætat. & qualit. & ordin. præfic. In pro-
mouendis maximè requiritur eorum scientia , quæ per-
tinent ad administrationem sacramentorum ; ideò Pres-
byteris cùm ordinarentur tradebatur libellus Officia-
lis. Concil. Tolet. iv. can. xxv. *Quando Presbyteri in*
Parochijs ordinantur, libellum officiale à suo Sacerdote
*accipiant, vt ad Ecclesias sibi deputatas instructi succe-
dant, ne per ignorantiam etiam in ipsis diuinis sacra-
mentis offendant, can. quando. xxxviii. dist. nec Clerici or-
dinabantur priusquam totum psalterium , & baptizan-
di formulare tenerent , quod supplementum vocat
Concil. Tolet. viii. can. viii. *Proinde sollicitè constitui-
tur, atque decernitur, vt nullius cuiuscumque dignitatis*
Ecclesiastice deinceps percipient sacrum, qui non totum
Psalterium vel Canticorum vñsalium, & Hymnorū, siue
*baptizandi perfectè nouerint supplementum.**

C A P V T X V .

Solennis professio fidei ordinandorum in Presbyteros, eadem editur ab Episcopis, metropolitis, Imperatoribus tempore inaugurationis, & à fidelibus cùm baptizantur. Fidei professio, census animæ.


VIBVS confertur beneficium quodcumque, cui inest cura animarum, tenentur intrà duos menses à die adeptæ possessionis, fidei professionem emittere apud Episcopum, seu eius Vicarium generalem, vel Officialem, Concil. Trident. Sess. xxiv. de reform. cap. xii. nec hoc recens inuentum est: vetustissimi enim moris fuit, vt ab ordinandis solennis professio fidei ex scripto exigeretur. Concil. Toletan. xi. can. x. *Quamquam omnes qui sacris mancipantur ordinibus, canoniciis regulis teneantur adstricti, expedibile tamen est, ut promissionis suæ vota sub cautione spondeant, quos ad promotionis gradus Ecclesiastica probat disciplina, &c.* can. quamquam. xxiii. dist. Solent etiam Episcopi cùm consecrantur solennem fidei professionem edere. Concil. Carth. iv. can. i. Eadem professio celebratur & à Metropolitanis tempore ordinationis suæ apud comprouinciales Episcopos Concil. Emeritensi. can. rv. *Vt tempore quo Metropolitanus in Ecclesia Dei fuerit ordinatus Episcopus, placitum in nomine suorum*

comprouincialium Episcoporum faciat, ut castè, sobriè, re-
tèque viuat. Nec priùs pallium datur Metropolitanis,
quàm solennem fidei professionem ediderint chirogra-
pho suo & iuramento firmatam, can. quoniam can. op-
tatum. c. dist. Imperatores etiam vbi solenniter inau-
gurati solennem fidei professionem apud summum Pon-
tificem proprio chirographo exaratam deposuere.
Symmachus Papa in Apologetic. aduersus Anastasium
Imp. *Omnes Catholici Principes, siue cum imperij gubern-
cula suscepérunt; siue cum Apostolicæ Sedi nouos agnouerunt
præsules institutos, ad eam sua protinus scripta miserunt, ut
se docerent eius esse consortes, itaque qui hoc non fecerunt, ab
eadem seipso profitentur alienos, quod chartis quoque tuis
apud te etiam possumus adstruere, nisi te æmulum & reum, &
inimicum vitaremus & iudicem.* Nec priùs ipse Anastasius
coronâ donatus ab Euphemio Patriarcha CP. quàm
chirographo iureiurando firmato se obstrinxisset, quòd
orthodoxam fidem tueretur, de quo Euagrius lib. IIII.
cap. xxxII. & Zonaras in eiusdem Anastasij vita: & post
eum Michaël Rangabes non priùs imperij infulas susce-
pit à Nicephoro Patriarcha, quàm dato chirographo,
se nihil de Ecclesiæ institutis tentaturum, auctore eo-
dem Zonara in eius vita: & Alexio Comneno inauspica-
tum imperij omen visum est, quòd cùm ex more soleñni
in Basilica Diuæ Sophiæ inauguraretur, fidei professio-
nen tardiori stylo perscripsit: περτα μηδ οὐκαιτεργι τὸ
τῆς πίστεως ἐγγένει φεύ σύμβολον Βαφὴ τῇ βαπτικῇ, vt
narrat Nicetas, in eius vita. Baptizandis etiam fidei pro-
fessionem conceptis & solennibus verbis edere in more
positum fuit. Augustin. lib. VIII. Confess. cap. II. Deni-

que ut ventum est ad horam profitenda fidei, quæ verbis certis conceptis retentis que memoriter de loco eminentiore in conspectu populi fidelis, Romæ reddi solet ab eis qui accessuri sunt ad gratiam tuam. Consultò instituta solennis illa professio, est enim pignus & vinculum fidei, & census animæ, qui Deo rerum auctori & creatori iure optimo debetur. Ambros. lib. i. in Lucam, cap. ii. Professio ista fidei census animorum est.

CAPUT XVI.

Parochus tenetur residere in Ecclesia, idem non potest abesse Ecclesia sinè iusta & necessaria causa. An studiorum causa, iusta absentia causa in parocho: etiam sacrificulis paganorum templo se mouere religioni fuit.

PAROCHI officium est gregem pascere, huic inuigilare & intendere: qua de causa ne desit muneri tenetur residere in loco, cap. quia nonnulli. de cleric. non resident. & Presbyter, vel Diaconus semel ordinatus in vna Ecclesia, non potest eam deserere, & migrare ad aliam, can. primatus, & seqq. lxxi. dist. can. placuit. can. si qui verò. vii. qu. i. Hoc iure Theodulfus Diaconus Parisiensis Ecclesiarum à Ragnemodo Parisiensi Episcopo excommunicatione multatus, quod ad Andegauensem Ecclesiam defecisset, Audoëni Epif-

copi gratiā, quo cum arctiorem consuetudinem Parīsiis contraxerat, & səpiùs monitus ad propriam redire differret, de quo Gregor. Turonens. lib. x. Hist. Franc. cap. xiv. De Parisiaca vrbē discedens Andegauos venit, & se Audoēno Episcopo subdidit, propter antiquam amicitiam, quam simul commorantes Parisijs habuerunt. Vnde & à Ragnemodo Parisiacæ verbis Episcopo səpiùs excommunicatus est, quòd in Ecclesiam suam, in qua Diaconus ordinatus fuerat, redire differret. Non inscīte Parochus comparatur colono glebæ adscripto: sicut enim colonus à fundo, cui semel inhæsit impunè discedere non potest; ita nec Clericus ab Ecclesia in qua semel ordinatus est. Concil. Hispalens. II. can. III. Scribitur enim in lege mundiali de colonis agrorum, ut vbi esse quisque iam cœpit, ibi perduret; non aliter & de clericis qui in agro Ecclesiæ operantur, canonum decreto præcipitur, nisi vt ibi permaneant vbi esse cœperunt. Ut tollatur euagādi occasio ordinatus in una Ecclesia, in alia suscipiendus non est, sinè litteris cōmedatitiis proprij Episcopi, quas vocant formatas, d. can. Primatus, & seqq. Episcopus etiam suâ Ecclesiâ abesse non debet sinè iusta, & necessaria causa; se numquam sinè necessaria causa Ecclesiâ abfuisse profitetur Augustin. epist. CXXXVIII. Illud nouerit dilectio vestra numquam me absentem fuisse licentiosa libertate, sed necessaria seruitute, quæ səpe sanctos fratres & collegas meos, etiam labores marinos & transmarinos compulit sustinere. & vbi Parochus ex causa quòpiam processerit operam, dare debet, ne diutiū absit. Ambros. epist. LIV. Ego diligo eos vel presbyteros, vel Diaconos qui cùm aliquò processerint nequaquam se patiuntur à suo diutiū abesse munere. Olim Parochus

potuit per septennium , studiorum causâ abesse ex consensu & dispensatione Episcopi, cap. cùm ex eo. de elect. in vi. cuius rei ratio redditur, quòd Ecclesia ad sui regimen & ducatum viris litteratis permaximè indigeat ; sed hodie Parocho non licet studiorum causâ abesse, nec ea est iusta absentiæ causa, post Concil. Trident. sess. xxiii. de reform. cap. i. ex quo Parochus vetatur abesse, nisi causâ priùs per Episcopum cognitâ & probatâ, nec vltra duos menses : nempe studiorum causa non est iusta absentiæ causa in Parocho , quia cura animarum est nobilissima palæstra, ad quam non est admittendus rudis & imperitus, sed vir factus & institutus. Vbi vero sunt duæ vel plures Ecclesiæ in vna eadémque parochia , plebanus debet residere in matrice , tamquam in specula, nec potest relictâ principali cathedrâ secedere in minorem Ecclesiam ut de Episcopo statutum est, can. placuit. vii. qu. i. Concil. Paris. v. can. xxi. Aquisgranens. ii. can. xii. & lib. i. Capitul. cap. xli. Quòd si Parochus vltra sex menses Ecclesiâ abs fuerit , & triñæ citationis edicto , legitimis scilicet interstitiis temporis admonitus , non redeat ad Ecclesiam intrâ sex menses , beneficio priuandus est , cap. ex tuæ, de Cleric. non resid. Oldrad. consil. cxcv. Eru bescant hoc loco Christi Sacerdotes ab Ecclesiæ signis abscedere : etiam ipsis idolorum Pseudo sacrificulis nefas fuit à limine templi recedere , ob id ne in ius vocarentur statutum , quòd propter loci religionem inde se mouere non possent , l. ii. ff. de in ius vocand. & iudicandi munere soluti sunt qui sacerdotium nacti essent, vt discedere ab eo sinè religione non pos-

sent, l. pen. ff. de vacat. & excusat. muner. vnde & sacerdotij omen fuit in somnis sibi viso, templo catenâ alligari, Artemidor. Oneirocritic. lib. v. ἐδοξε τῷ ποσειδῶνι τῇ βασιλίσσῃ προσδέδειται, ιερεὺς ἐγένετο τῷ ποσειδῶνας, ἔτει γῆ ἀντὶν αὐχώεισον εἶναι ἑρεα: νιστός εστι σibi quis ad fundamentum templi Neptuni, catenâ alligatus esse, oportebat enim ipsum inseparabilem Sacerdotem esse.

CAPUT XVII.

Parochus non per Vicarium, sed per se Ecclesiae inseruire debet. Ecclesia locata ad firmam, retento censu annuo Personæ, seu Personatus nomine. Personatum, seu prioratum origo. Vicarij perpetui, eis debetur congrua portio. Cura animarum habitu remanet penes Priorem, actus transfertur in Vicarium perpetuum. Vicarius perpetuus debet fidem, & obsequium Personæ, id nomen primigenio Rectori, seu Priori.



AROCHVS curam animarum per se, non per Vicarium exercere debet, cap. quia nonnulli. de Cleric. non residentib. cap. extirpandæ, §. qui verò. de Præbend. quia cura animarum est munus personale, in quo electa est industria & fides personæ, l. inter artifices, ff. de solut. cap. quoniam Apostolica, §. i. de offic.

delegat. huius oneris effugiendi causâ, foedissima ratio excogitata est, vt pinguiores parochi Ecclesiâ ad firmam traderent, seu locarent cuiquam clericu[m] Ecclesiæ deseruituro, retento sibi certo annuo censu, vel maiori parte fructuum, Personæ & Personatus nomine, quod vetitum est primùm ab Alexandro III. cap. quoniam. ne prælat. vices suas, vel Eccles. sub annuo cens. conced. tum in Conc. Londinensi habitô anno M.CC.XXXVII. apud Matthæum Paris. *Alicubi audiuimus contigisse quod vacante pingui Ecclesiâ, quam quidam optabat habere, non tamen audebat eam recipere ut Persona, ne alijs ipso iure beneficijs, quæ obtinuit priuaretur, callide procurauit, ut Ecclesia illa sibi ad firmam perpetuò traderetur, ita ut modicum quid inde solueret alijs, nomine Personatus, sibiique totum reliquum retnineret, quo dante causam edito, statuimus ne in tota, vel in parte ad firmam alicui sub quocumque colore in beneficium conferatur, easum & inane fore penitus discernentes, si contra fuerit attemptatum.* Eadem de causa Personatus seu Prioratus introducti, quorum arte & ingenio factum est, vt dignitas & emolumentum fructuum maneret apud primum Rectorem, quem Personam vocabant, onus ministerij in Vicarium reiiceretur, delibarâ ei particulâ fructuum. Ioannes Sarisber. Polycratic. lib. VII. cap. XVII. *Vt tique & insignis prudentia, si quis tot quocumque modo conquirit altaria, vt quasi ritu Memphitico quotidianas hostias nouis possit altaribus immolare, nolunt tamen Sacerdotio dominari, aut seruire altario, qui de altario viuunt, ne vt populus arguit, dicam luxuriantur, sed personatus quosdam introduxerunt, quorum iure ad alium onera, ad alium referuntur emolumenta.* Ita passim hæc

labes foedauit Ecclesiam, ut nullus fere presbyter vide-
retur nisi firmarius, id est qui Ecclesiam sub censu annuo
conductam teneret. Vvillelmus Malmesbur. lib. iv. de
gest. Reg. Anglor. *Nullus diues nisi nummularius, nullus
clericus nisi causidicus, nullus presbyter nisi, ut verbo parum
Latino vtar, firmarius.* Parochum igitur non per Vica-
rium, sed per se parœciali Ecclesiæ deseruire oportet:
quod si plebs frequentior sit, quām ut vnuſ operā suā
munus implere valeat, potest sibi adiungere tempora-
lem, seu amouibilem Vicarium, dummodo is à Diœcce-
sano sit approbatus. cap. ii. de ætat. & qualit. & ordin.
præf. cap. cùm ex eo. de elect. in vi. Extrauag. execra-
bilis, §. quantū autem. de præbend. Concil. Trident.
Sess. xxI. de ref. cap. iii. Sess. xxIII. cap. xv. & xvII.
Quod si parœcialis Ecclesia fit annexa dignitati, vel
præbendæ, hoc casu qui dignitatem, vel præbendam
habet in maiore Ecclesia, debet præponere Ecclesiæ
idoneum & perpetuum Vicarium, adscriptâ ei congruâ
id est idoneâ portione de fructibus Ecclesiæ, d. cap. ex-
tirpandæ, §. qui verò. & cap. exposuisti de præbend.
Idem dicendum si parœcialis Ecclesia vnta sit Capitu-
lo, seu Collegio Ecclesiastico, vel cœnobio, cap. ii. de
suppl. neglig. prælat. cap. vnic. de Capell. Monach.
in vi. & Concil. Trident. Sess. vii. de reform. cap. vii.
& Sess. xxv. de regular. cap. xi. Vicario perpetuo assi-
gnanda est congrua portio de qua se se sustentare, hospi-
talitatem colere, & iura Episcopalia luere possit. d.
cap. ii. cap. auaritiæ. cap. de Monachis. de præbend.
cap. vlt. §. vbi autem, de decim. in vi. Clem. i. de iur.
Patronat. Hac de re querelæ passim excitatae in Mona-
chos,

Ecclesiarum quæ sui iuris erant, congruâ nimis fraudarent, vt constat ex iisdem locis, quibus addendus est Ioann. Saresberiens. epist. LXIX. *Est quiddam quod tam meam, quam alias vehementer agit Ecclesiæ, quorumdam scilicet rapax, & intemperans audacia Monachorum, qui quo liberius effluant, secularis potentia præsidia redimentes, primò Episcopis omnem obedientiam subtrahunt, & Parochiales Ecclesiæ cum altarijs & decimationibus, ceterisque beneficijs de manu laïca recipere, pactis quibuslibet sacrilegâ temeritate præsumunt: in his ergo ab eis, nec canonicus ordo, nec Episcopalis assensus exigitur, sed deuoratis ad proprietatem omnibus, mercenarios in tanta paupertate ibi constituunt Sacerdotes, vt ad exhibitionem suam, & ad onera Ecclesiæ portanda non habeant quod opilioni sufficeret, aut cursori. Hoc pacto in Ecclesiis parœcialibus vnitis dignitati vel præbendæ, Capitulo, vel Cœnobio, constituto Vicario perpetuo, cura quidem animarum habitu remanet penè primigenium Rectorem, sed actu transfertur in Vicarium perpetuum; solus enim Vicarius perpetuus exercet curam animarum, cap. constitutus. de filiis Presbyter. cap. II. de offic. Vicar. cap. illud etiam. de excessi. Prælat. Vnde Vicaria perpetua habetur pro beneficio Ecclesiastico, cap. postulaisti. de rescript. & primigenius Rector actu sacris operam non dat, nisi statis & solennibus diebus ad tuendam personatus dignitatem; & ita accipe quod scriptum est in cap. Super eo. de præbend. in VI. eum qui haberet præbendam, cui parœcialis Ecclesia adnexa esset, in ea spiritualem iurisdictionem, & sic curam animarum habere, id est, curam habitu, actualis enim transfertur in Vicarium per-*

petuum ; habitualis otiosa , & vacua cum dignitate & emolumento fructuum remanet penes primatem & seniorem parochum. Ideo Vicarij personis fide & sacramento obligantur, id est, eis sacramento obedientiam & obsequium promittunt, & si praeter fidem ipsius Ecclesiæ personatum affectent, & contra personas se exercerint ab officij executione suspenduntur. d. cap. illud etiam. & hæc fuit origo & causa personatum, quod nomen originem suam repetit ab illis , quos personas vocant. Concil. Aruernense habitum sub Urbano II. mutatis Clericis , quos personas vocant. can. quæsitum. i. qu. iii. & Io. Saresber. epist. i. Non personas sed condicatos Sacerdotes. Prioratus recentiores vocarunt, quæ appellatio iam olim communis fuit maioribus & pinguioribus beneficiis. Innocent. II. In Synodo Romana , can. ii. Si quis præbendas , vel prioratum , seu decanatum , aut honorem , vel promotionem aliquam Ecclesiasticam , &c. can. si quis præbendas. i. qu. iii. sic Bethleemiticam Ecclesiam ex prioratu in Cathedralem erectam dixit Vvillelm. Tyrius lib. xi. de Bell. sacro. cap. xii. Proposuit Balduinus Rex , de pio mentis ferore , Ecclesiam Bethleemiticam , quæ usque ad illam diem prioratus tantum fuerat , ad Cathedralem sublimare dignitatem.

C A P V T XVIII.

*Monachi ad parœcialium Ecclesiarum regimen
assumpti non sînè dispensatione. In Parœciali-
bus Ecclesiis unitis Monasterijs, monachi non
per se curam animarum exercere debent, sed
adhibito Vicario perpetuo. Canonicis regulari-
bus parœciales Ecclesiæ obtainere licet, quia
sunt regulæ laxioris. Iuonishac de re iudicium.*

 X quo Monachi in clerum allecti sunt
constitutione Syricij, can. Monachos.
xvi. qu. i. etiam ad parœcialium Eccle-
siarum regimen admissi sunt; non tamen
sînè Pontificia dispensatione, can. doctos.
can. si Monachus. can. in Parochia. xvi. qu. i. & hoc
casu Concilio Lateranensi hic modus adhibitus est, ne
singuli monachi in parœciali Ecclesia locentur, sed cum
aliquo fratre, quò vita & conuersationis testem ha-
beant, cap. Monachi. cap. quod Dei timorem. de stat.
Monach. ex Concilio Claromontano, vbi Ecclesia pa-
rœcialis annexa est monasterio, monachi non possunt
per se exercere curam animarum, sed constituendus est
Vicarius perpetuus, can. sanè quia, & seq. xvi. qu. ii.
eo nomine damnati Monachi S. Bertini pagi Atreba-
tensis, quòd in illis Ecclesiis parœcialibus, quæ mona-
sterio suo parebant, per annuos & cōductitios Vicarios,
ac sâpiùs per se ipsos parochiales vices implerent. Ste-

phanus Tornacens. epist. cc. Ecclesiam habent apud Co-
clech. in qua per annuos & conductios , mercenariosque sa-
cerdotes saepe & per se ipsos, quod sacris canonibus inhibitum
est, parochialia ministrant. Monachi repelluntur à fun-
ctione parochialium, quia monachi officium est non do-
centis, sed plangentis, can. Monachis. xvi. qu. i. eo-
rūmque vita aliena est à commercio laicorum , quibus
plebanum se immiscere necesse est, ut eos in officio con-
tineat , & Christo lucrifaciat. Canonici regulares verò
parœciales Ecclesiæ obtinere non prohibentur , quia
regulæ inseruiunt laxiori , d. cap. quod Dei timorem,
nempe parœciales Ecclesiæ quæ sunt in dote monaste-
rij sui eis tenere licet , ita ut propter culpam amoueri
possint , & reuocari ad claustrum : Stephanus Torna-
cens. epist. CLXXXIX. Verum perhibemus testimonium , quod
ab exordio Ordinis nostri parochiales Canonicos nostros in
Episcopatibus in quibus sunt liberè , & absque ulla contra-
dictione, pro necessitate vel utilitate Ecclesiarum nostrarum ,
vel pro suarum correptione culparum consueuimus amouere ,
& in claustrum reducere , & quoties res urgebat excommu-
nicare. De iisdem Iacob. à Vitriaco lib. ii. Hist. Occid.
cap. xxl. Sub unius Abbatis , vel Prioris obedientia conti-
nenter viuunt, proprium autem eis habere non licet , anima-
rum curas licitum est eis suscipere , & Ecclesiæ parochiales
regere. Episcopis grauis fuit Parochiarum curatio per
Canonicos regulares ; hoc iure eis interdictum ab Epi-
scopo Lemouicēsi, de quo valde offendit Galterus Stir-
pensis Ecclesiæ Lemouicum Præpositus , Iuonem Car-
notensem Episcopum , eâ ætate Summatem Galliarum
rogavit, ut hac de re ad eundem scriberet. Iuoni factum

displicnit, sed rem temperandam visum, nec prorsus à Parochiis remouendos Clericos regulares, nec passim obtrudendos, auctor ipse, epist. LXXIX. ad eundem Galterum. Quantum intellexi ex litteris ex vestra parte mihi nuper oblatis, grauiter fert vestra fraternitas, quod Lemouicensis Episcopus in Synodo agens interdixit omnibus regulibus Clericis, & regimen parochiarum & confessionem penitentium; qui rectius quidem fecisset si omnes Sacerdotes ad regularem vitam inuitasset, quam regulariter viuentes à dominicarum ouium custodia penitus remouisset. Hoc verò interim ad inquisita respondeo, quia clerici regulares ab hoc officio nec penitus sunt remouendi, nec indiscretè admouendi. Idem eiusdem Patris iudicium. epist. CCXIII. His rationibus & auctoritatibus freti constanter asserimus non esse audiendos qui clericos regulariter viuentes à regimine animarum iudicant repellendos, quia seculo renunciauerunt, sed ideo potius ad hoc assumendos, quia voluptates & pompas seculi contempserunt.

CAPUT XIX.

Peregrini beneficiorum Ecclesiasticorum impotes in Gallia. Eadem conferenda lingua peritis. Beneficia indigenis affecta qua Patrimonialia vocant. Thome Mauroceni C P. notatio, quod Ecclesias solis Venetis conferret.

 ONSTITUTIONE Caroli VII. Peregrini & aduenæ in Gallia arcentur à beneficiis Ecclesiasticis, his maximè, quibus cura animarum inest, nisi priùs natura-

litatis litteras à principe impetraverint, quod optimâ ratione institutum est: nimis enim inciuite est plebi præesse homines, quorum mores peregrini & aduenæ nostrates contagio offendunt, quorum fides principi suspecta esse potest: stultum est gregem credi illi, qui vultum gregis non agnoscit, & linguam, morésque regionis minimè nouit. Hac de causa si in eadem Diœcesi commixti sint populi diuersarum linguarum, putâ Græci, & Latini, Episcopus idoneos Rectores instituere debet, qui pro varietate linguarum cuique sacra ministrent, cap. quoniam in plerisque. de offic. iudic. ordinari. & beneficia Ecclesiastica non debent aliis conferri, quâm linguæ peritis, alioquin collatio seu prouisio est nulla & irrita, iuxta Cancellariæ regulam de idiomate. Ita Bruno Presbyter ordinatus in Aldenburgenſi Ecclesia castrum desertum instaurari obtinuit, deductâ coloniâ Saxoniciâ, quò plebem haberet cuius linguam & mores nosset. Helmold. Hist. Slauor. lib. I. cap. LXXXIV. *Et quia castrum & ciuitas, quæ olim Ecclesia & sedes Cathedralis fuerat, deserta erat, obtinuit apud Comitem, ut fieret Saxonum colonia, & esset solatium sacerdoti de populo cuius nosset linguam & consuetudinem, & factum est hoc nouellæ Ecclesiæ non mediocre adiumentum.* Eodem consilio Vespasiano suasit Apollonius in quamque prouinciam mittendos magistratus, qui linguam regionis callerent, teste Philostrat. de vit. Apollon. lib. v. cap. XIII. Eodem iure vñi sunt Angli: Eduardi III. lex fuit, ne sacerdotia Anglicana concederentur aduenis: de quo Thomas Vvalsinganus, in Eduardo III. ad ann. M. CCC. XLIII. & Polydor. Vergil. lib. XII,

Hist. Anglic. Eadem quoque lex in Hungaria obseruata, & huius sciens Innocentius III. Pontifex, ne leges regni tentaret, Episcopatui Stridonensi tum vacanti exterum obtrudere noluit, ut profitetur ipse in cap. bonæ memoriæ. II. de postulat. Prælat. *Quia verò non plenam de personis illius regni notitiam habebamus, ideoque non poteramus saluâ conscientiâ eidem Ecclesiæ in alia persona, nisi quæ de regno Hungariæ originem duceret congruè prouidere, nec vellemus ei præficere alienum, &c.* In Hispania etiam pulsis Sarracenis constitutum, ut beneficia conferrentur indigenis, optimo sanè consilio, ut populares hoc vinculo magis obligarentur ad tuendam patriam à Sarracenis. Hieron. Zurita in Indicib. Arragon. ad ann. M.C.XXXI. *Decreto Apostolico Ecclesiastica beneficia ut indigenis conferantur sancitur, eamque sanctionem Lucius II. P. M. confirmat:* & hoc est quod ait Gonzales in Regul. VIII. Cancellariæ. gloss. IX. §. I. num. III. in multis Hispaniæ partibus omnia beneficia esse patrimonialia, id est conferri solis filiis patrimonialibus, seu naturalibus loci: nec ista abhorrent à iure Ciuali; Cæsa-reis enim constitutionibus vetatur, ne clerici ordinentur ex alia possessione, seu vico, quam ex eo ubi Ecclesiæ esse constiterit, l. in Ecclesiis. XI. C. de Episc. & cleric. quod non sinè causa constitutum; nempe ut clerici in Ecclesia vici in quo prædia possiderent ordinati, propriæ capitationis onus, ac sarcinam recognoscerent, néve mutatione soli & clericorum translatione in aliud vicum, vel fundum, vectigalium ratio conturbaretur; clerici enim non erant immunes à vectigalibus prædiis, l. de his, C. de Episc. & Cleric. de quo Basilius

epist. CLXXIX. Peregrinis, inquam, interdictitur beneficiis Ecclesiasticis, nisi rescripto principis ciuitate donati sint; nec enim virtus vspiam peregrinatur, vbiique patriam, & lares proprios sibi parat sub bono principe: infelix respublica quæ virtutis præmia peregrinis dengat, peregrinarum mercium commercio gaudet, peregrinæ virtutis commercium odit. Captâ Constantinopoli à Francis & Venetis communibus auspiciis malè audiit Thomas Maurocenus Constantinopolitanus Patriarcha, natione Venetus, quod ex pacto beneficia Ecclesiastica Venetis tantum conferret, remotis Francis & Græcis, & ab Innocentio III. Pontifice iussus ut viros litteratos, & aliâs idoneos vnde cumque originem ducerent, in Ecclesiis Constantinopolitanis, & maximè in Maiori institueret. cap. ad decorem, de institut.



DISSE



DISSERTATIONVM IVRIS CANONICI LIBER SEXTVS.

De Parochijs, déque officio, & potestate
Parochi.

CAPUT I.

Presbyteri, seu Parochi, Sacerdotes secundi ordinis, Episcoporum auxiliarij comministri, compastores cooperatores, adiutores. Regimē animarum ars artium. Parochi Pralatorum & praeidentium nomine continentur, iidem dicti προεστοί, πρεσβύτεροι. Presbyteri Cardinales, Persona, & eorum beneficia Personatus. Parochiales Ecclesiae in Villa murata, non alijs conferenda quam graduatis. Ex privilegio Parochi habent iura Episcopalia in suis Ecclesiis, ea scilicet quæ pertinent ad iurisdictionem.

 *V*AE sit dignitas Presbyterorum, seu Parochorum scire si studies, nimirum gradu proxima est Episcopali, quæ est apex & culmen sacerdotij. In locum Apostolorum successere Episcopi, sed Pres-

byteri typum gerunt septuaginta Discipulorum, qui Apostolis succenturiati ex Anacleti epist. II. can. in nou. XXI. dist. Theodulphus Aurelianensis Episcopus in Capitulari ad paroecos : *Scitote vestram gradum nostro gradui secundum, & penè coniunctum esse: sicut enim Episcopi Apostolorum in Ecclesia, ita nimirum Presbyteri ceterorum Discipulorum Domini vicem tenent; & illi tenent gradum Summi Pontificis Aaron, isti vero filiorum eius, &c.* Vnde Episcopi locantur in primo Sacerdotij gradu, Presbyteri in secundo : Optatus Mileuitan. lib. I. aduers. Donatist. *Quid commemorem laicos, qui tunc in Ecclesia nulla fuerant dignitate suffulti? quid ministros plurimos, quid Diacones in tertio, quid presbyteros in secundo sacerdotio constitutos? ipsi apices & principes omnium Episcopi.* Eadémque analogiā presbyteri vocantur antistites secundi ordinis. Sidon. lib. IV. epist. XI. de Claudiano fratre Mammerci Viennensis Episcopi.

Antistes fuit ordine in secundo

Fratrem fasce leuans Episcopali.

Et idem epist. XXV. eiusdem libri Ioannem Presbyterum, qui postea electus est Cabillonensis Episcopus, secundi ordinis Sacerdotem appellat. Presbyteros constitutos per omnes Romanæ vrbis titulos teneri legede non alienandis rebus Ecclesiæ voluit Synodus Romana IV. sub Symmacho. can. VI. hâc ratione; quia nefas dietu est, obligatione quâ se per charitatem Christi connectit Summus Pontifex, eâ hominem secundi in Ecclesia ordinis non teneri. & Vigilius Papa, epist. VI. ad Auxanium Arclatensem, qui ex Presbytero factus erat Episcopus, ait cum ex sequenti ordine Sacerdotij pro-

uetum ad Pontificalis apicem dignitatis. Penes Episcopos sanè est apex & culmen Pontificatus, sed negandum non est Presbyteros ascitos esse in partem solicitudinis; quam ob causam Presbyteri à Græcis vocantur συλλειτοργοὶ comministri, ut in Epistola Patrum congregatorum aduersus Paulum Samosatenum, Eusebij. lib. vii. cap. xxiv. πᾶσι συλλειτοργοῖς ἡμῶν Πηδοποιοῖς, καὶ πρεσβυτεροῖς: omnibus comministris Episcopis & Presbyteris. Episcopos & Presbyteros hos pastores, illos compastores appellat Io. Chrysostom. de diuersis utriusque Testamenti locis serm. de Pseudoprophetis: nī, inquit αὐτοὶ γένοιται τῷ αἰγυπιοῦ ὁ ποιῶντος, καὶ συμποιῶντος; Quid summo illi pastori respondebimus ὥπερ pastores & compastores? Presbyteros Episcoporum cooperatores agnoscit Concil. Aquisgranens. iii. Sect. ii. de ordine Rectorum, can. v. Quia cooperatores oneris nostri esse procul dubio noscuntur. Vicarios & adiutores Fulbert. ep. ii. ad Finardum. Cibum cœlestem repræsentat ille Dominicus cibus, quem per quadraginta dies sumendum, tāquam salutis viaticum Pontifex nouis Ecclesie cultoribus distribuit, quos suæ pastoralis curæ Vicarios adiutores ad erudiendam plebem sibi commissam constituit. Eodemque dignitatis participio Episcopus non se Dominum, sed collegam presbyterorum esse cognoscet, voluit Synod. Carthag. iv. can. xxxv. in can. Episcopi, xcvi. dist. Quanto anima præstantior est corpore, tanto ceteris munis publicis præstantius & nobilius est officium Parochi, quod versatur in curatione animarum, unde ars artium dicitur regimen animarum, cap. pen. de ætat. & qualit. & ordin. præficiend. & Parochi Prælatorum nomine continen-

tur, cap. cùm ab Ecclesiarum. de offic. ordinar. cap. tua
nos, de cleric. ægrot. vel debilit. & melioribus Ecclesiæ
seculis Presbyteri cum Episcopis Præsidentium nō mi-
ne cohonestati. Tertull. de Coron. milit. *Eucharistia*
Sacramentum etiam antelucanis cætibus, nec de aliorum ma-
nus quam præsidentium sumimus. & præsidere dicti senio-
res, siue presbyteri. Idem Tertullian. *Apologetic.* cap.
xxxix. *Præsident probati quique seniores, honorem illum*
non pretio, sed testimonio adepti. Eâdem ætate Episcopis
& presbyteris commune fuit nomen προεστῶν apud
Græcos. Iustin. *Martyr. Apolog.* ii. εὐχαριστῶν δὲ
τὸ προεστόν : quum præsidens gratiarum actionem perfe-
cerit. nec dispari cultu Parochi dicti sunt πρωτοπάπας,
Balsamo in can. viii. *Synod. Antiochen.* τὸς ἡ ταῦς
χώραις προεστέρες, ἢ τοι τὸς πρωτοπάπας : *Presbyteros*
qui sunt in pagis, seu protopapas. & iidem dicti etiam
presbyteri Cardinales, quod Ecclesiæ incardinarentur,
ut iam obseruatum est ex Gregorio, can. fraternitatem.
lxxi. dist. can. quorumdam, lxxiv. dist. can. relatio, xxii.
qu. i. Posterioribus seculis nouis honorum titulis aucta
est dignitas parochorum ; hos enim Personas vocarunt,
& eorum beneficia Personatus, quæ est dignitatis Ec-
clesiasticæ genus. cap. ex parte. i. de rescript. cap. con-
stitutus, de filiis presbyteror. cap. personas. de appellat.
cap. vlt. ne cler. vel Monach. secular. negot. se immisc.
cap. illud etiam. de excess. prælat. can. quæsitum. i.
qu. iii. Personæ autem dicti sunt parochi, quod per-
sonam Ecclesiæ sustineant, ut de Petro scripsit Augusti-
nus homil. liv. Petrus in multis locis apparet quod per-
sonam gestet Ecclesiæ. qua de causa personas à conductitiis

presbyteris distinxit Io. Saresber. epist. i. *Non personas,*
sed conductos Sacerdotes. Parochorum personatūs & di-
gnitatis insigne argumentum est, quod iudices dari pos-
sunt auctoritate Sedis Apostolicæ, cap. ex litteris xxix.
de offic. deleg. quod in alios non cadit, quam perso-
natu, aut dignitate præditos, cap. statutum de rescript.
in vi. Hoc honoris præcipuum urbanos parœcos à vi-
canis secernit, quod parœciales Ecclesiæ quæ sunt in
vrbe, vel Villa murata non possunt conferri alij, quam
graduato, iuxta pragmatic. tit. de Collat. §. in Eccle-
siis, & ibi gloss. & Concord. §. vlt. eod. tit. nec Sum-
mus Pontifex potest dispensare cum non graduato, quia
non potest derogare legi, quæ vim contractus obtinet.
Ex priuilegio etiam Pontificio quandoque presbyteri
in Ecclesia sua Episcopalia iura exercent, intellige perti-
nentia ad iurisdictionem, quæ Synodica vocat Ekkær-
dus Iunior, de casib. Monast. S. Galli, cap. xiv, apud
Goldast. tom. i. Rer. Alemanicar. *Vnde ut antiquitus*
loci nostri mos statutus erat, publicus populo nostro etiam Pres-
byter positus est, ut in Ecclesia S. Othmari omnibus qui inter
Goldahan & Sintrianum fluvios degunt, Synodica quæque
præter disunctiones coniugum pro Episcopo ficeret, cuius
rei priuilegia cum à Ioanne Papa cum Salomone Episcopo,
nec non Carolo astipulante habeamus, inuidi Monachis nunc
temporis Episcopi, vix nobis, & nostris habitum relinquen-
tes, ut Salustij verbis utar, nil nobis reliqui facere molun-
tur, &c.

CAPUT II.

Parochi officium missas, & alia sacra celebrare.

Missa parochialis horâ tertia, & in maiori altari celebranda. Parœcianorum officium parœcialem Ecclesiam frequentare, & singulis Dominicis Parœciali missæ adesse.

PAROCHI dignitas non otiosa & iners, tota in actu & oratione versatur. Parochi officium est gregem pascere & regere, quod variâ & multiplice operâ distinguitur; Primum Parochi officium est Dominicis, & aliis festiis diebus missarum solenniæ, & alia diuinæ officia celebrare, ex Concil. Nannetensi. can. I. & II. can. in Dominicis, & seq. IX. qu. II. & cap. II. de Parochiis. Agendas vocarunt nostri quia rite & solenniter aguntur, Concil. Carthagin. II. can. IX. *Quisquis Presbyter inconsulto Episcopo agenda in quolibet loco volunt celebrare ipse honori suo contrarius existit.* Parochi officium in celebrandis agendis, seu missis solennibus rectè signat Beda lib. II. hist. Ecclesiast. cap. III. vbi de Ecclesia S. Pauli apud Londinum. *Habet hæc in medio penè sui altare in honorem Beati Gregorij Papæ dedicatum, in quo per omne Sabbathum à presbytero loci illius agendæ eorum solenniter celebrantur.* Adeoque presbyter cui creditæ sunt duæ, vel plures Ecclesiæ ob inopiam & tenuitatem singulis diebus Dominicis, in singulis Missæ sacri-

ficium celebrare debet. Concil. Emeritenſ. can. xix.
Missa parœcialis celebrari debet horâ tertiatâ, quæ est hora nona matutina, quò plebs commodiùs adesse possit, eaque religione, ut cauendum sit ne diebus Dominicis per Missas peculiares populus à publicis quæ horâ tertiatâ fiunt abstrahatur. Theodulphus Aurelianensis in Capitul. ad Paræcos cap. xlv. quem locum Gratianus falsò adscribit Augustino in can. & hoc. de consecr. dist. i. *Vt Missæ quæ per dies Dominicos peculiares à Sacerdotibus fiunt, non ita in publico fiunt, vt per eas populus à publicis Missarum solennibus, quæ horâ tertiatâ canonice fiunt abstrahatur.* Missæ solennis horâ tertiatâ celebrandæ ritum testatur Canon. xiv. Concil. Aurelianens. iii. de Missarum celebratione. *In præcipuis duntaxat solennitatibus id obseruari debebit, vt horâ tertiatâ Missarum celebratio in Dei nomine celebretur.* Gregor. Turonens. in vita S. Nicetij Lugdunensis apud Surium, April. ii. *Factâ quoque horâ tertiatâ cùm populus ad Missarum solennia conueniret.* & Beda lib. iv. Hist. Eccles. cap. xxii. *A tertia enim hora, quando Missæ fieri solebant, sèpissimè vincula soluebantur.* Inde Presbyter quidam querentibus apud Episcopum rusticis, quòd modò horâ tertiatâ, modò nonâ die Dominicâ Missam celebraret, moræ causam hanc reddidit: *die Dominica, inquit, prope altare sedeo, & quovsque videam Spiritum sanctum altare obumbrantem sacra Missarum solennia nos incobo,* vt narrat Io. Moschus. Limonar. cap. xxvii. & huiusmodi Missa celebratur in maiori altari, vbi sacra mysteria asseruantur. Vnde altare maioris Missæ distinguitur ab altari minoris Missæ, in vita D. Gosuini Aquicinctensis Abbatis, lib. i. cap. xx. *Videre sibi viſus est de loco san-*

Et uarij virum egredi, & per altare Missæ minoris in Presbyterij descendere pavimentum; cum autem transitum faceret, iuxta mensam maioris Missæ ubi loco suo Sancta Sanctorum seruabantur. & eadem Missa dicitur publica, quia in publico populi conuentu, & in Ecclesiis parœcialibus celebratur, non in cœnobiis, ne in his popularis conuentus occasio præbeatur. Gregor. lib. iv. epist. lxxxvii.
Missas quoque publicas in cœnobijs fieri omnimodo prohibemus, ne in seruorum Dei recessibus & in eorum receptaculis villa popularis conuentus præbeatur occasio. can. luminoso, xviii. qu. ii. Nunc videamus quæ sint partes Parœciarum; nimirum hi tenentur singulis diebus Dominicis, & aliis festis diebus adesse Missæ parœciali, decimas enim præstant Ecclesiæ ubi per totum anni circulum Missas audiunt, can. questi. xvi. qu. i. quem Gratianus falsò laudat ex Concil. Moguntino, repetendus enim est ex Concil. Cabillonens. ii. can. xix. & laïci vetantur audire Missam extra parochiam, in qua legitimus ordinariusque est conuentus. Concil. Agath. can. xxii. can. si quis etiam. de consecr. dist. i. Vnde parœcialis Ecclesia dicitur locus processionis celeberrimus, in can. Presbyteri. xxiv. dist. & presbyter non debet admittere ad Missam alienum plebanum, id est parœcianum, d. cap. 2. de parochiis, & d. can. in Dominicis & seq. ita tenentur parœciani frequentare Ecclesiam parœcialem, ut non possint abesse suâ Ecclesiâ, vltra tres dies Dominicæ sinè causa, sub poena excommunicatio-
 nis, Synod. vi. in Trull. can. lxxxi. Nec hi perfunctoriè debent parœciali Missæ interesse, sed totam perau-
 dire debent, ita ut ante benedictionem abire non liceat,

ex Concil. Agath. can. XLVII. can. Missas die. de consecr. dist. I. Denique fideles parœcialem Ecclesiam , ut p[ro]ij liberi matrem colere, & frequentare , & obseruare debent. De eo quod quotidie fideles Ecclesiam non adirent , sed tantum festis diebus dolet Chrysostom. Homil. xxiv. ad Antiochenos. δάκρυμα , ηδύνωμα τοῦ Ψυχλοῦ , ὃν πολὺτε τεκέσται τένει ἐκκλησίαι , καὶ εἰς εἰκασίαν οὐνέπει πολλάτεν αὐτῶν δύναται , αἵλι οὐ ζεότην μόνον. Crucior & animi dolore angor , quod cum tam multos liberos peperit Ecclesia , non illis ibidem in singulis collectis , sed in festo solummodo frui possit. Et eadem ratione notantur Antiocheni , quod sacris non solutis discederent.

C A P V T III.

Parochi est subditos baptizare. Vnde parœciales Ecclesia Baptismales dicta. Baptismus , titulus Christianitatis. Sacerdotium laici.

PISCOPI , vel Presbyteri , seu Parochi est baptizare , vel his absentibus Diaconi , can. constat. de consecr. dist. IV. & quidem , præsente Episcopo , presbyter non potest baptizare sinè iussu Episcopi , can. omni tempore. de consecr. dist. ead. & ita accipendum illud Tertulliani de baptismo , cap. xvii. Dandi quidem habet ius summus Sacerdos , qui est Episcopus , dehinc Presbyteri , & Diaconi ; non tamen sinè Episcopi auctoritate ,

propter Ecclesiæ honorem, quo saluo salua pax est. id est præsente Episcopo, eo enim absente, nihil vetat presbyterum baptizare, non exspectato Episcopi præcepto; quia in ordinatione, & collatione tituli, baptizandi officium recepit: baptismus ita pertinet ad officium Parochi, ut non possit ministrari nisi in Ecclesia parœciali. Synod. Meldens. can. XLVIII. *Vt nemo presbyterorum baptizare præsumat, nisi in vicis & Ecclesiis baptismalibus.* vnde parœciales Ecclesiæ baptismales dictæ, vt in d. can. Meldensi, & in can. plures. c. statuimus XVI. qu. i. Aliquando tamen Ecclesiæ baptismales aliæ fuere quam parœciales, nimurum Ecclesiæ priuatæ, in quibus baptismus tantum ministrabatur; nempe in quibus Diaconus sine Presbytero ministrabat, de quibus Concil. Eliberin. can. LXXVII. *Si quis Diaconus regens plebem sine Episcopo, vel presbytero aliquos baptizauerit eos per benedictionem perficere debebit.* Baptismus igitur non potest ministrari nisi in Ecclesia parœciali: excipitur nisi filij regum, vel principum baptizandi extiterint, quibus hoc casu defertur, Clem. vnic. de Baptismo. Presbyteris diligenter Episcopus tradere debet baptismi sacramentum, id est ritum & formam solennem administrandi baptismi. Conc. Turonens. III. can. XVIII. *Episcoporum sit magna solicitude presbyteris suis tradere baptismi Sacramentum, & quid in eodem renunciandum, quidve credendum sit.* Et Presbyteri cum ad Litanias, vel Synodus conueniunt Episcopo rationem reddere debent, an rite & solenniter baptizent, can. quando, XXXVIII, dist. & hoc est quod voluit Concil. Pictauense I. can. VI. *Presbyter autem de cura animarum, & de Christianitatis ministerio*

Episcopo respondeat. Christianitatem appellat baptismi Sacramentum, quo Christiani efficimur, vnde Titulum Christianitatis appellat Ambros. sermon. xc. *Videns itaque Praefectus Symphronius tantam in puella constantiam, parentes eius alloquitur, & quia erant nobiles, & vim eis inferre non poterat, titulum eis Christianitatis opposuit.* & hoc sensu quæritur in can. sunt nonnulli, xvi. qu. i. an monachi presbyteri Christianitatem largiri possint, id est baptismum, quem meritò Christianitatem vocarunt; si quidem huius gratiâ Christianæ fidei tesseram accipimus, & Christianorum cœtui cooptamur, & baptismus est quasi initiatio Sacerdotij. Hieronym. aduers. Luciferianos. *Deponat Sacerdotium laici, id est baptisma.*



C A P V T . IV.

Penitentia publica iudicio propria Episcoporum: jurisdictionem ordinariam habet Parochus in foro penitentiali, ex Lateranensi Conc. Parochiani semel in anno debent sacrâ exomologesi peccata expiare apud proprium Parochum, & in festo Pascha SS. Eucharistiam ab eodem suscipere. Veteres Christiani quotidie communicabant: quotidiana communionis usus quando defecit. De custodia SS. Eucharistia obseruatu digna. SS. Eucharistia ad agros deferatur cum facibus & tintinnabulo. Parochi officium est & Extremam unctionem deficientibus ministrare. Custodia SS. Chrismatis.



RE^SBYTERIS , seu Parœciarum rectoribus non licet penitentiam publicam indicere, nec penitentes publicè in Ecclesia reconciliare, seu absoluere. Conc. Carth. II. can. III. Carth. III. can. xxxii. & lxxxvi.

Agathens. can. XLIV. in can. si iubet. can. Presbyter. can. ministrare. can. Presbyter, xxvi. qu. vi. nec Chor episcopis, quia Pontificij apicem non habent, ex Leonis epist. lxxxvi. can. quamuis, LXVIII. dist. nec Abbatibus etiam, can. accendentibus. de excess. Prælat. sed hæc reseruantur Episcopo , nec inferioribus permissa

sunt, nisi ex mandato Episcopi. In publica tamen Penitentia non vacant partes Presbyterorum paroeciæ: cùm enim Penitentes publici præsentantur Episcopo ante fores Ecclesiæ, adesse debent Decani, id est Archipresbyteri parochiarum, & Presbyteri Penitentiū, qui pro modo culpæ penitentiam per gradus iniungant, post hæc eos in Ecclesiam introducant, solenniter demum per Episcopum reconciliandos, ex Concil. Agath. can. ix. can. in capite l. dist. Penitentiae publicæ locus fuit tantum in publicis & famosis sceleribus, & hæc fuit propria Episcopi: sed in occultis peccatis ad Parochum pertinet confessiones audire, & penitentes absoluere, can. placuit. de penit. dist. vi. cap. omnis utriusque de penit. & remiss. & Parochus habet iurisdictionem ordinariam in foro penitentiali in omnes parochianos, & censetur quo ad hoc à lege approbatus, finè alia Ordinarij licentia. Concil. Trident. sess. xxiii. de reform. cap. xv. præterquam in casibus per Episcopum reseruatis, eiusd. Trident. Concil. sess. xiv. de reform. cap. vii. Sylvest. in Summ. in verb. casus. Fideles verò ad minus semel in anno debent sacrâ exomologesi peccata sua expiare apud proprium Parochum, & in festo Paschæ sacrosanctam Eucharistiam ab eodem suscipere. d. cap. omnis utriusque. quod desumptum est ex Concil. generalis Lateranensis habitu sub Innocent. III. can. xxi. Primis Ecclesiæ temporibus, vt ingenia hominum recenti calent, quotidie communicabant. Cyprian. de orat. Dominica. *Et Eucharistiam quotidie ad cibum salutis accipimus.* Ineunte quarto seculo Romæ, & in Occidente nondum desierat pia consuetudo. Hieronym.

lib. III. aduers. Iouinian. Scio Romæ hanc esse consuetudinem, vt fideles semper Christi corpus accipient, quod nec reprehendo, nec probo: unusquisque enim in suo sensu abundant, &c. & idem epist. ad Lucinium Beticum. & Ambros. lib. v. de Sacrament. cap. iv. Panem nostrum quotidianum, si quotidianus est panis, cur post annum illum sumis, quemadmodum Græci in Oriente facere consueuerunt, accipe quod tibi profit, sic viue ut quotidie merearis accipere. & Augustin. de dogmatibus Ecclesiastic. cap. l. Quotidie Eucharistiæ communionem percipere nec laudo, nec vitupero, omnibus tamen Dominicis diebus communicandum suadeo & bortor. & idem epist. cxviii. quos locos exscripsit Gratianus in can. quotidie. de consecr. dist. i. È aetate in Oriente defecerat ea consuetudo, & res redacta erat ad unicam communionem in anno, præter Ambrosium, loco modo laudato, testis Augustinus, de verb. Domin. serm. xxviii. in illud: Panem nostrum quotidianum da nobis hodie. Si quotidianus est panis, cur post annum illum sumas? quem iam modum Græci in Oriente facere consueuerunt, accipe quotidie, quod quotidie tibi profit, sic viue ut quotidie merearis accipere. & Chrysostom. Homil. xxxi. ad Populum Antiochenum. ή καθάπερ τὸ δέντρο εαυτῷ οὐειδότα φαύλον καθ' ἐνάστρῳ δεῖ προσίναι τὴν ἡμέραν, γέτω τὸ ἀμαρτίμαστο πεινατειλημμέριον, ή μὴ μετανοεῖτε δέ τὴν ἑορτὴν προσίναι ἀσφαλές, γέ τῷ δὲ τὸ ἄπαξ τὸ ἔμαυτόν προσελθεῖν ἀπειλεῖται τῷ ἐγκλημάτων ἡμᾶς, ἀν αἰσχίως προσιώμενοι. Quemadmodum enim qui sibi nullius mali conscientis est, hunc oportet singulis diebus accedere, sic qui peccatis occupatus est, nec penitet eum ne in festis quidem accedere tutum est; neque enim semel in anno acce-

dere liberat nos à peccatis si indignè accesserimus. Deferuescente Christianæ religionis æstu, quotidiana Communio in desuetudinem abiit, nec aliud imperatum, quam ut ter in anno sacra communio libaretur. Synod. Agathens. can. xviii. Seculares qui in Natali Domini, Pascha, & Pentecoste, non communicauerint, Catholicæ non credantur, nec inter Catholicos habeantur & Turonens. iii. can. i. *Vt si non frequentius vel ter laici homines in anno communicent, nisi forte quis maioribus quibuslibet criminibus impediatur.* In sacræ communio- nis perceptione quis modus adhibendus sit, docuit Conc. Cabillonense ii. can. xlvi. *In perceptione Cor- poris & sanguinis Dominici magna discretio adhibenda est; cauendum est enim, ne si nimium in longum differatur, ad perniciem animæ pertineat, dicente Domino; Nisi mandu- queritis carnem Filij hominis, & biberitis eius sanguinem non habebitis vitam in vobis: Si vero indiscretè accipiat- tur, timendum est illud quod ait Apostolus, Qui mandu- cat & babit indignè iudicium sibi manducat & babit &c.* Tandem Ecclesiâ indulgentे tempori, & fidelium ni- mizæ tepiditati sese præbente, in Concil. generali La- teranensi satis visum est præcipi, ut semel in anno sa- cra communio perciperetur in festo Paschæ, d. cap. om- nis vtriusque. Damnanda Christianorum remissio quæ causam dedit edicto, sed laudanda Ecclesiæ dispensa- tio, quæ non sinè sancti Spiritus numine infirmis se accommodauit δι' οὐκονομίας σωματίας, ut utar verbis Clementis Alexandrini, Stromat. lib. vi. & antiquam legem remisit, ne contempta & violata videretur. Sacrosancta vero Eucharistia, quod pertinet ad offi-

cium parochi, debet in Ecclesia parœciali seruari sub tuta custodia, adhibitis clauibus , cap. i. de custod. Eucharist. eadémque debet honorificè collocari in loco singulari, mundo, & signato, id est obsignato, cap. sanè cùm olim. de celebrat. Missar. Ut corpus Domini loctur in altari, non inter sacras imagines , quibus altare, adornari solebat, sed sub ipsa Cruce , quæ in meditullio altaris poni consueuit , decretum Synod. Turonens. ii. can. iii. *Vt Corpus Domini in altari, non in imaginario ordine, sed sub Crucis titulo componatur.* Sacro-sancta Eucharistia debet seruari in sacra pyxide aurea, vel argentea : ea olim seruari solita intrà cistam, vel arculam auro, vel argento affabré factam in formam columbæ : hoc ritu Basilium Sacram Hostiam in tres particulas diuisisse , vnam sumplisse , alteram verò vnâ secum sepeliendam seruasse , tertiam denique in columba aurea depositam super altare sacrum suspen-disse, legitur in vita ipsius Basiliij, quæ Amphilochij nomine inscripta habetur. τὸν δὲ ἐτέραν ἡγεμονίαν πεισεῖς Χειρὶ τηλεοπτικοῖς ἀγάπαις θυσιαστεῖς. Tertiā denique in columba aurea depositam desuper sacrum altare suspendit. huiusmodi columbas furto sustulisse Seuerum pseudo-Episcopum Antiochenum conquesti sunt clerici & Monachi Antiocheni apud Synodum Constantinopolitanam quintam , qua de re exstat Epistola inter acta Concilij. Τοῖς δὲ εἰς τύπον τῆς αἵγις πνευματικοῖς τε καὶ ἀρχαγγελοῖς πεισεοῦσι πρεμαρτύρας ὑπεράσπισθε τὴν θείων πολυμεθύθεων, καὶ θυσιαστεῖων μετὰ τῆς ἐπιφερεσίσατο, λέγων καὶ χειρῶντος εἴδει πεισεοῦσι οὐκανέται τὴς αἵγις πνευμα. Columbas enim aureas & argenteas

in formam Spiritus sancti super diuina lauacra & altaria appensas, vna cum alijs sibi appropriauit, dicens, non oportere in specie columbae Spiritum sanctum nominari. Deque huiusmodi columba, quae est symbolum Spiritus sancti, intelligi velim, quod Corpus Christi in sacra mensa Spiritu sancto conuestitum videri subobscure propter Cathecumenos dixit Chrysostom. Homil. xxxi. ad Antiochenos: ὅντας κεισται τὸ σῶμα τὸ δεσπότην, εἰς παρεγγενεράριον, καθάπερ τῷ τε, ἀλλὰ πέντε πανταχόδεν αὐτῷ πετιελόριον, ἵστον οἱ μεμυητοὶ τὰ λευόρια: Nam & hic ponitur corpus Dominicum, non quidem fascijs inuolutum sicuti tunc, sed vndiquaque Spiritu sancto conuestitum: qui mysterijs initiati sunt intelligunt quae dicuntur. In Gallia sacrosancta Eucharistia custodiæ causâ deponi solita in turricula, id est, arcula in speciem turricula efformata. Gregorius Turonens. lib. i. de miracul. cap. lxxxvi. Lecta igitur passione cum reliquis lectionibus, quas canon Sacerdotalis inuenit, tempus ad sacrificium offrendum aduenit, acceptâque turre Diaconus, in qua ministerium Dominici corporis habebatur, ferre cœpit ad ostium. Hoc pacto Felix Bituricensis Episcopus, turrem auream Eucharistiæ asseruandæ causâ eleganti opere fieri curauit, quam carmine descriptis Fortunatus lib. iii. cap. xxiii. quod carmen inscriptum est, Felici Bituricensi Episcopo, in turrem eius. Ne quid desit reuerentiæ tam augusto sacramento debitæ, sacram thecam Eucharistiæ pallio velari vetustissimi moris est. Gregorius Turonens. lib. vii. hist. cap. xxii. Apprehende pallium altaris infelix quo sacra munera conteguntur, ne hinc abiijciaris. Sacrosancta Eucharistia domum defertur ad infirmos, ut viaticum

τελευταίον ἐφόδιον. Concil. Nicen. can. xiii. Arausican.
can. iii. can. qui recedunt. can. de his, xxvi. qu. vi. &
can. presbyter. de consecr. dist. ii. cap. officium. de of-
fic. Archipresb. Ambros. serm. lxxxi. Nec te pigeat vi-
sitare agrum, requirere clinicum, memento & quoniam nos
cùm decumberemus in grabato nostro cùm essemus debiles, &
non possemus ipsi per nos ire ad Dominum, Deus ipse venit ad
nos; misit enim filium suum in similitudine carnis peccati, qui
nobis attulit cibum seipsum. Huius moris elegans monu-
mentum est, quòd cùm Serapion ob lapsum in Eccle-
siam recipi supplex incassum postulasset, & in extremis
agens per nepotem ad se euocasset presbyterum, & is
fortè ob valetudinem non posset ad eum accedere,
particulam Eucharistiae tradidit puerō, vt eam Serapio-
ni daret, quā ille acceptā statim efflauit animā, aucto-
re Eusebio lib. vi. cap. xxxvi. Cùm Presbyter Eucha-
ristiam defert ad ægrum, eam in decent ihabitū super-
posito mundo velamine debet ferré, & referré honori-
ficè ante pectus, cum omni reuerentia & timore, faci-
bus accensis præcedentibus. d. cap. sanè cùm olim. Quo-
ties etiam sacra Eucharistia ad infirmum defertur Cleri-
cus cum tintinnabulo presbyterum præire debet, ad
submouendam plebem, ex instituto Vvidonis Cardina-
lis, & Apostolicæ Sedis legati in Germania, tempore
schismatis inter Philippum & Ottонem. Cæsarius de
Miracul. Sanctor. lib. ix. cap. li. Præcepit etiam idem
Cardinalis, vt quoties deferendum esset ad infirmum, schola-
ris, sive campanarius sacerdotem præcedens per nolam illud
proderet. Parochi etiam officium est sacramentum Ex-
tremæ-Vnctionis ministrare, Clem. Religiosi de priu-

legiis. Ideò Presbyter sub tuta custodia chrisma habere debet, ne fortè à sacrilegis & maleficiis ad nefarios usus conuertatur, d. cap. i. de Custod. Eucharist. putà ad curationem morborum, vel quæpiam maleficia. Concil. Moguntin. i. can. xvii. *Presbyteri sub sigillo custodiant Chrisma, & nulli sub praetextu medicinae, vel maleficij donare inde presumant.*

CAPUT V.

Parochi est nuptiarum celebratio, & benedictio contrahentium. Nuptiae non celebranda, nisi prius editis solennibus bannis. Horum institutum manauit ex consuetudine Gallicana Ecclesiae. Clandestina nuptia damnata. Nubentium abstentio ab Ecclesia intrà trigesimum diem post nuptias.



D Parochum pertinet celebratio nuptiarum, & solennis benedictio contrahentium, can. i. ii. & seqq. xxx. qu. v. & hoc ius ita proprium est Parochi, vt Monachis non liceat nuptias celebrare, seu solennizare, sinè speciali parœcialis presbyteri licentia, Clem. religiosi. de priuilegiis. Ne verò sacramenta ponantur in quæstu & commercio, Parochus pro benedictione nubentium quicquam pecuniæ exigere vetatur, eoque nomine querentibus Parochianis de Villafranca, damnatus Capellanus, seu parochus eorum, quod pro

funere mortuorum, & benedictione nubentium pecuniam extorqueret, cap. suam nobis. de Simonia, quod inscribitur, Abbati de iugo Dei. Vnde nullæ & virritæ sunt nuptiæ, quæ clam & furtim contrahuntur coram non parocho proprio, d. can. i. & seqq. xxx. qu. v. & iustæ sunt nuptiæ quæ constituuntur interpositâ iερεγλογίᾳ, seu benedictione Sacerdotali, & in conspectu Ecclesiæ. Tertullian. II. ad vxorem. *Vnde sufficiam ad enarrandam felicitatem eius matrimonij quod Ecclesia conciliat, & confirmat oblatio, obsignatum Angeli renunciant, pater rato habet?* Et Ambros. epist. LXX. Nam cùm ipsum coniugium velamine Sacerdotali, & benedictione sanctificari oporteat, quomodo potest coniugium dici, vbi non est fidei concordia? Nec per solam benedictionem, sed etiam per Sacrosanctæ Eucharistiæ participationem nuptias obsignari solitas testatur Balsamo in II. Basilij ad Amphioch. can. xxvi. *εἰ μὲν οὐ σημεῖον ὄταν διεῖ iερεγλογίας, οὐδέποτε μεταλλήψεως τὸ σώματος, οὐδὲ σώματος οὐδὲ γάμου οὐσιατας.* Quo clandestinæ & furtiuæ nuptiæ tollantur, ne sinè dote fieret coniugium, nec sinè publicis nuptiis, id est solenni officio quisquam vxorem duceret, vetitum can. nullum sinè dote. xxx. qu. v. qui can. laudatur ex Concil. Arelatensis can. vi. Eamdem ob causam rite institutum, ne nuptiæ celebrentur, nisi prius editis bannis, id est solennibus denunciationibus de nuptiis contrahendis, cap. cùm inhibitio. de clandestin. desponsat. quod ex peculiari Ecclesiæ Gallicanæ consuetudine commune ius factum non negat Innocent. III. in cap. cùm in tua. de sponsalib. in iv. compilat. ad Beiuacēsem Episcopum, quod Raymundus repetiit, in cap.

cum in tua. de sponsalib. & cap. cum in tua. qui matrimonium accusar. poss. sed truncum , & interpolatum omissis his verbis: in Ecclesijs secundum consuetudinem Ecclesiae Gallicanæ editis ; scilicet Romana Ecclesia non dignatur rectos altarum mores imitari Greg. i. lib. vii. epist. LXIII. Tamen si quid boni vel ipsa, vel altera Ecclesia habet, ego & minores meos , quos de illicitis prohibeo , in bono imitari paratus sum ; stultus est enim qui in eo primùm existimat, ut bona quæ videat discere contemnat. Ita quod Concilium Lateranense statuit , ut in singulis Ecclesiis Cathedralibus Magistro scholarum præbenda assigneretur, cap. i. de Magistris, id ex consuetudine Ecclesiae Gallicanæ deductum fatetur Alexander III. in cap. peruenit. eod. tit. in ii. Collect. & multis antè seculis Hispania Gallicanæ Ecclesiae decreta lubens amplexa est. Gallicanos canones laudarunt Patres Tarragonensis Concilij, can. xi. & Toletani, Pactum Francorum , id est, Legem Francicam. cap.i. de seru. non ordinand. in integra decretali. Igitur nullæ & irritæ sunt nuptiæ, quæ clam contrahuntur, id est coram alio , quam proprio parocho, absque testibus, & solennibus bannis, seu editis, quod repetitâ lege sanctum est in Concil. Tridentino sess. xxiv. de reformat. cap. i. Nec à Christianis modò, damnatae clandestinæ nuptiæ , eadem fœdæ & turpes visæ gentilibus: Nuptias à se cum Pudentilla ruri contractas, non aliâ ratione , quam difficultate præstationis sumptuum epularum, & sportularum nuptialium excusat Apuleius Apolog. ii. Quippe ita placuerat in subvrbana villa potius ut coniungeremur, ne ciues denuò ad sportulas concurrerent ; cum haud pridem Pudentilla de suo

quinquaginta millia nummūm in Populum expunxisset eā die,
 quā Pontianus vxorem duxit, & hic puerulus togā est inuo-
 latus, præterea ut coniuījs multis, ac molestijs supersedere-
 mus, quæ ferme ex more nouis maritis obeunda sunt. Etiam
 gentilium calculo damnati Plato & Zeno, quòd com-
 munes omnibus faciant coniuges, & occultas concilient
 nuptias, η λαθραις νατανεναις γαμοις, vt ait Chry-
 sostom. Homil. i. in Matthæum. Clandestinas Samari-
 tanæ nuptias propriæ vocis iudicio damnavit Christus;
 cùm enim ei Christus imperasset vt virum vocaret, ne-
 ganti se habere virum, Bene, inquit, dixisti, quia non ha-
 bes virum, quinque enim viros habuisti, & nunc quem habes
 non es tuus vir; quòd scilicet cum eo legitimè nupta
 non esset, sed virum clam haberet. Clandestinas quo-
 que nuptias non tulit lex Salica: hâc lege in mallo, id
 est in foro, seu iudicio vxor ducebatur eoram tribus te-
 stibus, adhibitis tribus solidis & denario, vt patet ex §.
 i. tit. xl vii. eiusdem legis: Dolenda huius seculi labes,
 quo clandestina huiusmodi coniugia nimium gliscere
 audio: videant qui ea ferenda putant, vt adulteria, &
 stupra vitentur, ne animas mergant in profundum, dum
 earum naufragio tabulam, & saluti subsidia queritant;
 nimirum quæ clam & furtim contrahuntur non legiti-
 ma coniugia sunt, sed potius adulteria, stupra, contu-
 bernia, & fornicationes, d. can. i. xxx. qu. v. & de his
 intelligendus, nî fallor, can. xxvi. ii. Basiliij epistolæ ad
 Amphiliocium. η πογρεια γαμος εκ οσιου, αλλ' εδε
 γαμος δεινος: fornicatio non est matrimonium, sed nec inti-
 tum matrimonij. Cùmque matrimonium sit magnum in
Ecclesia sacramentum, religionis Christianæ semina-

rium; ac penè vinculum , sanè non magis id dissimulari potest , quām religio ipsa ; quæ publicam & sinceram coram Deo & hominibus professionem desiderat, iuxta illud Domini; *Qui confitebitur me coram hominibus, confitebor & ego eum coram Patre meo* , Matth. x. tum huiusmodi clandestinis coniugiis nimiūm foedatur honestas nuptiarum, euertitur status liberorum : inde sequuntur quotidiana diuortia , à quibus impunè patet vtrique transitus ad alias nuptias , quæ est nefanda & horribilis seges adulteriorum. Eodem iure ad Parochum pertinet tori nuptialis benedictio, hoc nomine in Concilio Gangrensi damnatus Eustathius Sebastæ Episcopus , quod in ædibus nubentium preces fieri vetuit , de quo Socrates lib. II. cap. XXXIII. ἐν ὄικοις τε γεγαμίκοτων εὐχαὶς ἀνωλύε γένεσθαι. Idémque Sozomenus lib. III. cap. XIII. Solennem hunc ritum lectuli genialis per Parochum benedicendi iampridem in Gallia receptum, patet ex vernacula fabella Heroïdis Melusinæ. Post nuptias tamen, quia etsi hæ naturæ , quæ veneranda est , & religionis vinculo teneantur , nonnihil humani pudoris in se habent , in trigesimum diem coniuges Ecclesiæ limine abstinere solebant. Augustin. de tempore, sermon. ccxlii. Denique mulieres quando maritos accipiunt per triginta dies intrare in Ecclesiam non præsumant , quod etiam similiter viri obseruare deberent.

C A P V T VI.

Parocho commune cum Episcopo prædicandi officium. Sermonis habendi priscus mos diebus Dominicis, idque post lectionem Euangeli.

PAROCHO commune cum Episcopo officium est verbum Dei prædicare : Hieronym. vel alias quisquis est ad Rusticum Narbonensem Episcopum, de septem ordinibus Ecclesiæ. Nemo hinc Episcoporum inuidiâ diabolice temptationis inflatus irascatur in templo, si presbyteri interdum exhortentur plebem, si in Ecclesijs prædicent, si plebibus, ut scriptum est, benedicant. can. ecce ego. xcvi. dist. & certè diuisum inter Episcopos & Presbyteros Euangelizandi officium satis testatur, quod Euangeliū scripsere duo ex Apostolis Ioannes & Matthæus, & duo è Discipulis Marcus & Lucas, quorum hi presbyterorum typum gerunt, illi Episcoporum. In Gallia Presbyteris, seu Parochis prædicandi Euangelij ius ex more concessum, & his deficientibus, Diaconis homilias Patrum recitandi. Conc. Vafense II. can. II. Hoc etiam pro ædificatione omnium Ecclesiarum, & pro utilitate totius populi nobis placuit, ut non solum in ciuitatibus, sed etiam in omnibus parochijs verbum faciendi daremus Presbyteris potestatem ; ita ut si presbyter aliquâ infirmitate prohibente, per se ipsum non potuerit prædicare, sanctorum Patrum homilia

à Diacono

à Diaconibus recitentur. & Concil. Arelatens. iv. can.x.
de prædicatione. Prouidimus enim, pro ædificatione om-
nium Ecclesiarum, & pro utilitate totius populi, ut non so-
lum in ciuitatibus, sed etiam in omnibus parochijs, presby-
teri ad populum verbum faciant, & ut bene vivere studeant
& populo sibi commisso prædicare non negligant. Nonnullis
in Ecclesiis quidem moris fuit Presbyteros silere præ-
sente Episcopo, quem morēm notat Hieronymus epist.
ad Nepotianum. Pessimæ consuetudinis est in quibusdam
Ecclesijs tacere presbyteros, & presentibus Episcopis non lo-
qui, quasi aut inuideant, aut non dignentur audire, can. sta-
tus subiectus. xcvi. dist. Quin immo in Alexandrina Ec-
clesia solus Episcopus Euangeliū docuit, ex quo Ari-
rius presbyter Alexandrinus nefariæ hæresis auctor fuit,
quæ suā totum fere orbem luc corrupit, de quo Socrat.
lib. v. cap. xxi. & Sozomen. lib. vii. cap. xix. Ac mu-
nus prædicationis ita proprium est Parochi, ut Parochus
eo fungatur sīnè alia Episcopi licentia: Conc. Trident.
Sess. v. de reformat. cap. ii. sess. xxiv. cap. iv. Vnde
Monachis non licet in parœcialibus Ecclesijs prædicar-
e, nisi à Parocho inuitati, vel vocati fuerint, ex Leonis
epist. cxii. & cxiii. can. adiicimus. xvi. qu. i. & Clem.
dudum, §. in Ecclesiis. de Sepultur. ratio est, quia mo-
nachus non docentis, sed plangentis habet officium.
can. monachus. xvi. qu. i. Parochi autem officium est
prædicare apud plebem suam singulis diebus Domini-
cis; nimirum hoc fuit vetus institutum Ecclesiæ. Am-
bros. serm. i. Libenter nos prædicare, & gratanter opus
Dei facere manifestum est; sed cùm videmus plures è fratri-
bus pigrius ad Ecclesiam conuenire, & Dominicis præcipue

diebus minimè cœlestibus interesse mysterijs, prædicamus ini-
uti. & idem serm. v. *Et ipsi, fratres, quod ex qua die vo-
biscum esse cœpi, non cessavi omnibus vos Dominicis admonere
mandatis, &c.* Idemque serm. xxiv. Retinent adhuc sen-
sus vestri, fratres nos hoc superiore Dominica prædicasse, quod
huius quadragesimæ vestræ figuram illæ quadraginta & duæ
mansiones habuerint. & sermo habebatur post lectionem
Euangelij. Chrysostom. de diuers. vtriusque Testam.
loc. sermon. in illud, *Attendite ne Eleemosynam. διὰ
τοῦ οὗ δύνατον εὐαγγελιῶν αὐαγνωσμάτων κηρύ-
ψις.* Idcirco enim lectis Euangelijs prædicamus. In fine ser-
monis Sacerdos benedicebat plebi, ut & hodie seruat-
tur. Ambros. de Sacrament. lib. i. cap. vi. *Opus est ut
sanctitas vestra aures paratas habeat, promptiorem ani-
mum ut ea quæ nos colligere possumus de serie Scripturarum,
& vobis intimantibus tenere possitis, ut habeatis gratiam
Patris, & Filij & Spiritus sancti.* Sermonis exitum ex-
cipiebat solenne consecrationis, quod etiam perenni
ritu seruari videmus. Hinc inter Missarum solennia ser-
moni finem imponens, Chrysostomus de diuers. vtriusque
testam. loc. serm. de Ioseph. vñ, inquit, *Τῇ τε κε-
ραιᾳ μυστηριας ἐνδραματῳ: Nunc ad sacrorum
mysteriorum craterem accurramus.*

C A P V T VII.

In singulis parochialibus Ecclesijs fuere schola sub cura Parochi: in his instituti qui clero destinabantur: alia fuere schola in Monasterijs. Parochi officium gratis docere. Laudatur Libanius quod gratis docuerit egentes. Collationes inter Parochos singulis Kalendis.

RAETER Scholas quæ fuere in Ecclesijs Episcopalibus ex Capitulari Caroli M. lib. I. cap. lxxii. & can. III. Concil. Cabillonens. II. in singulis Parochialibus Ecclesijs fuerunt & scholæ, puerorum fidei & litterarum rudimentis imbuendorum causâ, quarum curam penè se habuit Parochus, velut sacri munieris appendicem: huius enim fuit eligere clericum, qui sacris adesset, & Scholam teneret. Concil. Nannerense. can. VIII. apud Burchardum lib. II. cap. LVI. & Iuonem part. VI. cap. CLII. *Vt quisque Presbyter qui plebem regit clericum habeat qui secum cantet, & epistolam & lectionem legat, & qui scholam possit tenere, & admoneat suos parochianos ut filios suos ad fidem descendam mittant ad Ecclesiam, quos ipse cum omni castitate eruditat.* Eundem canonomi iisdem verbis ex Concil. Matiscensi adducit Collector Decretalium, in cap. *vt quisque Presbyter de vit. & honest. cleric. in huiusmodi scholis instituti maximè qui clero destinabantur.* Capitular. Caroli M. lib. II. cap. V.

Scholæ sanè ad filios & ministros Ecclesie instruendos vel edocendos, sicut nobis præterito tempore ad Attiniacum permisisti, & vobis iniunximus in congruis locis, ubi nec dum perfectum est, ad utilitatem & profectum à vobis ordinari non negligantur. In Gallia enim vix alij litteris operam dabant, quām qui de clericatu cogitabant. Stephanus Tornacens. epist. XII. In Gallicanis etiam partibus ad hoc tantum plerique litteras addiscunt, siue paruuli, siue adulti ut in Ecclesia Dei gradatim per ordines promoti Deo seruiant & ministrent. Vnde scholares, seu litterarum studiosi clericorum passim dicti, cap. quod clericorum, de foro competent. Aliæ fuerunt scholæ in monasteriis, aliæ apud forenses seu vicanos Presbyteros. Patres-familias ut liberos disciplinæ causâ tradant monasteriis, vel presbyteris, hortatur Concil. Moguntin. I. can. XLV. Dignum est ut filios suos donent ad scholam, siue ad monasteria, siue foras Presbyteris. Ut presbyteri per villas & vicos scholas habeant in quibus pueros gratis doceant voluit Theodulfus Auelian. in Capitul. ad parœcos. cap. XX. Presbyteri per villas & vicos scholas habeant, & si quilibet fidelium suos paruulos ad discendas litteras eis commendare vult, eos suscipere & docere non renuant, sed cum summa charitate eos doceant: cum ergo eos docent nihil ab eis pretij pro hac re exigant, nec aliquid ab eis accipient, excepto quod eis parentes charitatis studio suâ voluntate obtulerint. Erubescant Parochi qui idoneam de altari alimoniam habent, magisterij mercedem exigere, postquam Libanius unus e gentilibus gratis egenos docuit teste ipso in ea que est inter Basiliij epistolas CXLV. ο γενήματι μετρεῖται τὰ παρημάνων, αλλ' δέχεται ω̄ μὴ δυναμένων δέρεται τὸ βελτιόντενα.

λαβεῖν. Quod studia nostra pecunijs non aestimentur, sed satis sit ei qui dare non potest, ut accipere velit. Inter ipsos Parochos etiam quo rerum sacrarum peritiores euaderent per singulas decanias institutæ collationes, habendæ singulis Kalendis, de quibus Constitutio Riculfi Suectionensis Episcopi, cap. xix. Rationi quoque proximum esse sancimus, ut in unoquoque mense, statutâ die, id est in Kal. uniuscuiusque mensis, per singulas Decanias Presbyteri simul conueniant, & conuenientes non pastis, vel poteationibus vacent, sed de suo ministerio & religiosa conuersatione, atque de his quæ in eorum parochijs accidentunt sermonem habeant, & qualiter pro Rege, vel Rectoribus Ecclesiæ, atque pro suis familiaribus, tam viuis, quam & defunctis orare debeant simul considerent. Id genus collationum feliciter his diebus à patribus Gallicanis restitutum gaudet Ecclesia, sed de his plura in Asceticis, si Deus vitam præstiterit.





CAPUT VIII.

An parochus habeat ius excommunicandi, & interdicendi in sua Ecclesia. Alexandri III. sententia hac de re defenditur. Parochus est ordinarius in sua Ecclesia. Etiam Canonici ordinarij dicti. Ius excommunicandi datur & Abbatibus, Prioribus & Decanis, etiam Archidiaconis de consuetudine. Idem ius datur & Cardinalibus in titulis suis.

Iscvssis tot Parochorum officijs, & pontestatis apicibus, occurrit grauis quæstio, quæ à nobis nuper agitata est solennibus in scholarum encæniis; an Parochus habeat ius excommunicandi & interdicendi parochianos suos, quod affirmauit Alexander III. in cap. cùm ab Ecclesiarum. de offic. iudic. ordinar. res scrupulo & dubitatione non caruit, quæ meritò mouit Florentinum Episcopum, ad quem prouocatum erat à sententia excommunicationis vel interdicti lata per Plebanum sancti Pancratij in parœcianos suos, vt in dubio consulteret Summum Pontificem, an huiusmodi sententiæ deferendum esset. Ratio dubitandi opponebatur, quòd excommunicatio est censura Ecclesiastica, quæ videtur propria fori Episcopalis. Dionysius Areopagit. de Ecclesiast. Hierarch. cap. vii. οἱ τοις ἀφεσινδὲ ἔχοντες οἱ ἱερέες καὶ διάκονοι, ὡς ἐκφαντέουσι

7^o Dei. Sic etiam segregandi vim habent Pontifices ut
interpretes diuinæ iustitiae. Excommunicatio est iurisdictionis ordinariæ & fori contentiosi, cap. quærenti. de
verb. signific. & sic non videtur cadere in plebanum,
qui non habet iurisdictionem contentiosam, sed eam
tantum quæ est fori penitentialis, cap. omnis utriusque.
de penitent. & remiss. Præterea excommunicatio non
ad alium pertinere videtur, quam ad Episcopum; quia
est grauissima & postrema poenarum Ecclesiasticarum;
ita ut post depositionem, & excommunicationem non
habeat Ecclesia ultra quid faciat, cap. cum non ab ho-
mene. de iudic. vnde excommunicatio comparatur pro-
scriptioni seu deportationi ciuili, & vocatur bannus
Christianitatis, ex Concil. Agathensi, cap. II. de Pur-
gat. canonic. interdictum Christianitatis apud Mat-
thæum Paris, in edicto Henrici II. Regis Anglorum. Si
quis inuentus fuerit ferens litteras Domini Papæ, aut man-
datum Thomæ Archiepiscopi continens interdictum Christia-
nitatis, capiatur & retineatur. Et quo pacto ius depor-
tandi habuere dumtaxat maiores Magistratus, quibus
fuit imperium merum & gladij potestas; ita & banni,
seu proscriptionis Ecclesiasticae ius meritò dicendum
est proprium esse Episcopi, penes quem est apex & cul-
men Pontificatus. Excommunicationem etiam Episco-
pi propriam esse colligere est ex eo, quod huiusmodi
poena dicitur bannus Episcopalis. Concil. Triburiens.
can. VIII. Nemo contemnat, neque transgrediatur bannum
ab Episcopis superpositum. Et eadem dicitur mucro Epi-
scopalis, in can. vñis. XVI. qu. II. Si contra Sacerdotium
agere præsumperint, multentur, & felici mucrone Episcopi

Sacerdotum piacula reſecentur. & in ſoleſni formula ex-communicationis, quæ indicitur extinctis & proiectis lucernis, presbyteri quidem circumſtantes adhibentur Epifcopo, ac miſterij & teſtimonij cauſâ tantum; ve-rum iſpum excommunicationis ius totum collocatur penèſ Epifcopum, can. debent. xi. qu. iii. atque ita ac-cipiendum quod refertur in Concil. Lemouicensi habi-to, anno Christi m. xxxiv. de ſententia excommuni-cationis lata in nonnullos ob offenſam in Iordanem Lemouicenſem Epifcopum per Epifcopos, & Presbyte-ros extinctis & humi proiectis facibus. His adde, quòd Epifcopus habet iurisdictionem ordinariam in tota ſua diocesi, cap. cùm Epifcopus. de offic. iudic. ordinari. in vi. Epifcopus eſt ordinarius in vniuersa Diocesi, & ſingulis in Eccleſiis perinde ac in matrice. Epifcopus eſt in Eccleſia, & Eccleſia in Epifcopo, vt eleganter di-xit Cyprianus, in Epift. ad Florentium, quam Gratia-nus adtexuit in can. ſcire debes. vii. qu. i. Hoc iure quæ-cumque res Eccleſiae non aliter debent dispensari, quàm cum iudicio & potestate Epifcopi, cui totius plebis ani-mæ dicuntur eſſe commiſſæ, ex Concil. Antiocheno, can. xxiv. can. quæcumque, x. qu. i. & omnes Basilicæ ſunt in potestate Epifcopi, in cuius territorio poſitæ ſunt, ex Concil. Aurelianensi, i. can. xix. can. omnes Basilicæ. xvi. qu. vii. quo iure igitur liſcebit Parocho quempiam remouere ab Eccleſia, quæ non eſt in eius diſtione, ſed in potestate Epifcopi? quo iure poterit Pa-rochus ſibi auſſumere ea quæ ſunt iurisdictionis ordina-riæ, & in ea concurrere cum Epifcopo totius Diocesis ordinario? cùm ferendus non ſit concuſſus actionum. & iudi-

& iudiciorum. Item Parochi singulis Ecclesiis impositi,
videntur tantum gerere vices Episcopi, nihil proprium
habere, sed mandata ab Episcopo potestate defungi,
quæ videtur fuisse mens Aruernensis Concil. habitu sub
Urbano II. quo monachi remouentur à regimine Paro-
chiarum, & in eis constituendi presbyteri, qui de ple-
bis cura Episcopo rationem reddant. can. sanè quia. xvi.
qu. ii. Parochi officium est gregem pascere, eius est ædi-
ficare non destruere, eius est plantare non euellere,
eius est sacramenta ministrare, sed suis terminis conten-
tus esse debet, can. Ecclesiastis, xiii. qu. i. Nec debet is
manum mittere in ea quæ sunt iurisdictionis Episcopa-
lis, qualia videntur excommunicatio, & interdictum,
quæ cùm sint ultima & lethalia tela iurisdictionis Ec-
clesiasticæ non ad alium spectare videntur, quam ad
Episcopum, qui tenet apicem & culmen Pontificatus.
Denique Presbyteris non licet penitentiam publicam
indicare, aut penitentes publicè in Ecclesia reconcilia-
re, seu absoluere, sed hæc omnia velut præcipua reser-
uantur Episcopo, Concil. Carthag. ii. can. iii. Carthag.
iii. can. lxxxvi. Agathensi, can. xliv. can. si iubet.
can. Presbyter. can. ministrare. xxvi. qu. vi. Idemque
interdicitur & Chorépiscopis, quia Pontificij apicem
non habent, ex Leonis epist. lxxxvi. can. quamuis.
xxviii. dist. Ex quibus satis argui videtur presbyteros,
seu parochos carere potestate excōmunicandi, cùm eis
penitentia publica denegetur, & hanc Scholastici senten-
tiā tribuunt D. Thomæ in supplēm. iii. part. art. xxii.
qu. i. Parochis non licere quemquam excommunicare,
nisi ex mandato Episcopi, aut certis casibus, ut in furto

& rapinæ. Multis tamen, ac præualidis argumētis constat Alexandri III. sententia: Primum, quod vnum sufficeret, hæc sententia auctorem habet Alexandrum III. Summum Pontificem, à quo disertè pronunciatum in d. cap. cùm ab Ecclesiarum, plebanis excommunicandi, & interdicendi potestatem suppeteret, ita ut Episcopus sententiam à Parocho promulgatam seruare compellatur, donec satisfactum sit; nec nouum & antè inauditum ius hâc Constitutione introductum, sed potius desuetum fortè restitutum; nam & Florentinus Episcopus re ad se perlatâ dubitauit, an excommunicationem à Parocho latam posset contemnere, & in dubio consuluit Summum Pontificem, à quo responsum est, consulente Episcopo, excommunicationem à Parocho latam ex iusta causa valere: tuta igitur & canonica est sententia, quæ nititur oraculo & au&oritate Summi Pontificis, qui legis condendæ, & interpretandæ habuit potestatem, quique iurisperitissimus fuit, & unus ceteros inter Pontifices ius Canonicum maximè illustravit. Nec inuidiosum Presbyteris commune cum Episcopis excommunicandi & interdicendi ius patere, cùm Presbyteri, et si inferiores Episcopis, (absit enim ut Aërij in recordiam impingam, qui presbyteros æquabat Episcopis,) in multis tamen fatendum sit communem eos cum Episcopis potestatem habere, saluis his quæ sunt ordinis: idem est Episcoporum, & Presbyterorum officium, Christi gregem pascere, communis potestas ligandi & soluendi, commune officium prædicandi Euangelium, commune ius conficiendi Corpus & sanguinem Domini; quæ ergo inuidia Presbyteros com-

muni cum Episcopis iure vti, in his quæ sunt iurisdictionis exterioris, cùm in maioribus sint consortes potestatis Episcopalis? In locum Apostolorum successere Episcopi, verum Presbyteri typum gerunt Septuaginta Discipulorum, qui Apostolis succenturiati ex Anacleti Epistola, can. in nouo, xxii. dist. vnde vocantur non incongruè Antistites secundi ordinis, vt suprà à nobis obseruatum est. Penès Episcopos quidem est apex & culmen Pontificatus, sed Presbyteri, seu Parochi, vocati sunt in partem sollicitudinis, arg. can. decreto ii. qu. vi. vnde à Græcis vocantur συλλατγεροι, συμπονδρες, vt modò etiam obseruatum. Si verò opponas excommunicationem esse iurisdictionis, Parochi iurisdictionis non sunt expertes, illi habent suum clerum & populum, in quos eis tribuitur iurisdictione. Origenes in Exod. cap. xviii. *Audiant Principes populi, & Presbyteri plebis, quia debent omni horâ populum iudicare, semper & sinè intermissione sedere in iudicio, dirimere lites, reconciliare dissidentes in gratia, recordare discordes.* Potuere Parœciales clerici indifferenter, id est sinè discrimine coram Episcopo, vel Presbytero suo conueniri. Pelagius in can. experientiæ. xi. qu. i. *In ijs verò negotijs in quibus Ecclesiastici officij persona pulsatur, ad Episcopi vel presbyterorum in loco vbi quæstio vertitur constitutorum occurrat indifferenter examen.* & Concil. Matisconense. i. can. viii. *Omne negotium Clericorum, aut in Episcopi sui, aut in Presbyteri, aut Archidiaconi præsentia finiatur; quod si quicumque Clericus hoc implere distulerit, si iunior fuerit, uno minus de quadraginta ictus accipiat; si certè honoratior triginta die. rum inclusione multetur.* Nec presbyterorum iurisdictione

nem tollit concursus Episcopalis; et si enim Episcopus
sit ordinarius in tota sua Dioecesi, Parochos nihil vetat
esse speciales ordinarios in Ecclesiis & titulis suis. Pri-
mum, si Parochorum originem spectamus, iisdem cu-
nabulis censemur quibus Episcopi, quamprimum enim
Episcopi per ciuitates & Dioeceses ab Episcopis ordi-
nati, ab iisdem constituti Parochi per singulas Eccle-
sias, ut à Paulo & Barnaba non prius Lycaoniâ disces-
sum, quam per singulas Ecclesias Presbyteros ordinas-
sent, ex Actuum Apostolorum cap. xiv. His initiis in
iustæ dignitatis gradum facile surrexere Presbyteri, &
æquo cum Episcopis ἄρχοντας, seu Præsidentium no-
mine cohonestati. Hoc veteris dispensationis genio ii-
dem πρεσβύτεροι, Presbyteri Cardinales, & Personæ
dicti, ac tandem Prælatorum nomen meruere, ut modò
obseruatum. Et verò Parochi ita sunt Ordinarij in suis
Ecclesiis, vt Hierarchicum Ecclesiæ ordinem cum Epi-
scopis impleant; vt enim singuli Episcopi per ciuitates
ordinati, ita & singuli Presbyteri per vicos & minores
Ecclesias. Hieronym.ad Rusticum,in can.in apibus.vii.
qu. i. *Singuli Ecclesiarum Episcopi, singuli Archipresbyteri,
singuli Archidiaconi, & omnis ordo Ecclesiasticus suis reto-
ribus nititur.* & unaquaque Ecclesia unum debet ha-
bere Sacerdotem, can. sicut in unaquaque. xxi. qu. ii.
& sicut Episcopus matrici Ecclesiæ præest, Presbyteri
dicuntur præesse pleibus, vt in nullo titubet Ecclesia-
stica sollicitudo, Concil. Regiotticinensis, can. xiii.
quem Raimundus perperam laudat ex Synodo Rauen-
næ habita, in cap. vlt. de offic. Archipresbyter. Nec est
quod iactetur Parochos esse Vicarios, seu delegatos

Episcopi, quia Parochi sunt verè Ordinarij, id est Ecclesias obtinent proprio iure, & propriam in his iurisdictionem exercent, vnde Parochus vocatur proprius Sacerdos, d. cap. omnis utriusque: vetatúrque ne Ecclesia credatur conductitijs presbyteris, sed unaquæque Ecclesia cui facultas suppetit, proprium habeat sacerdotem, can. præcipimus. xxi. qu. ii. proprium dico, id est suum & perpetuum: proprium dixerunt veteres perpetuum, stabile, firmum. Hoc sensu Virgil. III. Aeneid.

Da propriam Tymbræ domum.

Et idem IV. Aeneid.

Connubio iungam stabili, propriamque dicabo.

Hinc & Parœcialis Ecclesia non debet commendari ab Episcopo, quod siebat ad tempus, sed conferri in titulum cuius causa perpetua est, can. qui plures. xxi. qu. i. cap. nemo deinceps. de elec. in vi. Parochos etiam ordinariorum iure censeri satis intelligimus, ex d. cap. cum Ecclesiarum. & cap. si sacerdos. eod. tit. quæ concepta sunt de iurisdictione Parochi; utrumque enim locatur sub titulo, de officio iudic. ordinar. nec videtur nimis thraisonicum, & phaleratum Ordinariorum nomen in Parochis, quoniam & Mediolanensis Ecclesiæ Canonici, ordinarij dicti sunt, cap. accedentes. de præscript. ut & Canonici Strasburgenses in Germania. Regino II. Chronic. Eodem anno Vitgerus Metensis Episcopus obiit, cui Benno ex Ordinarij Strasburgensis, in Alpibus quondam Eremiticam vitam dicens, successor eligitur. Nec non Canonici Lincolnienses in Anglia. Matthæus Vvestmonasteriensis ad ann. m. ccix. ubi de collatione Præbendarum vacante Sede Lincolinensi: *Mox cum vacauerit*

per Archidiaconos & Ordinarios Ecclesiæ omnis debet iurifidictio, sicut & solet, procedere. Nec in delegatos conuentuntur Parochi, quod paroeciales Ecclesiæ, ut cetera beneficia Ecclesiastica conferantur per Episcopum ; quia olim collatio beneficij non erat sciuncta ab ordinatione, sed ipso iure velut continens accedebat ordinationi ; ordinatio scilicet non siebat sine titulo, ex Concil. Chalcedonensi. can. vi. can. neminem. can. Sanctorum. lxx. dist. statimque ac quis ordinabatur, imponebatur certæ Ecclesiæ, & ordinatus proprium sortiri videbatur beneficium, quod accipiebat in vim ordinationis : vt legatus Proconsulis dicitur habere propriam iurisdictionem postquam ei mandata est , l. legatus. ff. de offic. Procons. l. pen. de offic. eius cui mand. est iurisd. quia nimis Proconsul tenebat ei mandare iurisdictionem. etiam Episcopi nonne à Petro & Apostolis ordinati sunt ? nemo est tamen qui dicat, eos esse Vicarios Petri, aut Apostolorum, reuerâ enim sunt Vicarij Christi, cum ordinatio quæ sit per impositionem manuum intelligatur fieri ab ipso Spiritu sancto. Sic Episcopos Christi Vicarios, utpote successores Apostolorum signauit Augustinus, vel alias quisquis est, sermon. xxxvii. ad fratres in eremo. *Vicarij Domini sunt, qui vicem Apostolorum tenent.* & Auctor quæst. vtriusque testament. qu. cxxvii. *Quantò magis in Dei causis, ac per hoc Antistitem eius purior rem ceteris esse oportet, ipsis enim personam habere videtur, est enim Vicarius eius, quia necessè habet quotidie Christi vicem agere, aut orare pro populo, aut offerre, aut tingere.* Sic Episcopi partem habent Pontificatus , vocati in partem solitudinis, non in plenitudinem potestatis,

d. can. decreto. ii. qu. vi. Hoc loco **Lectoris** erit iudicare, an eadem sit ratio Parochorum ad Episcopos, quæ Episcoporum ad Pontificem. Parochos Ordinarios esse in suis Ecclesiis facilè intelligimus ex eo, quòd illi habent suas ordinationes, & præfecturam scholarum, quæ sunt partes munera Episcopalis ; Presbyter enim qui plebem regit, potest ordinare **Lectorem** & **Psaltem**, qui Psalmos concinat, lectionem & Epistolam legat, quique possit tenere scholas. cap. vt quisque. de vit. & honest. Clericor. can. Psalmista. xxiii. dist. Parochi officium est gregem pascere, sacramenta ministrare, Verbum Dei prædicare, quæ omnia sunt argumenta iurisdictionis ordinariæ : vnde Monachis non licet in parochialibus Ecclesiis prædicare, nisi à Parocco inuitati, vel vocati fuerint, can. adiicimus. xvi. qu. i. Clem. dum, §. in Ecclesiis. de Sepultur. Denique ordinarij sunt, qui habent propriam iurisdictionem, quæ eis competit iure Magistratus, vel Sacerdotij, quæve mandari potest ; hoc verò iure vtitur Parochus : si enim oneri superesse non valeat, vices suas delegare potest, & Vicarium sibi adiungere, cap. cùm ex eo. de elect. in vi. Extrauag. execrabilis. §. quantum autem. de Præbend. dummodò is à dioecesano sit approbatus, Concil. Trident. Sess. xi. de reform. cap. iv. sess. xxiii. cap. xv. & xvii. & hoc distat Vicarius, quòd is alium sibi substituere non potest, cap. Clericos. de offic. Vicar. Cùm igitur Parochi tot ordinariæ iurisdictionis insignibus polleant, quæ causa erit hærendi, an eis detur potestas excommunicandi ? Eo maximè quòd si usum, & mores Ecclesiæ spectemus, potioribus abs seculis parochos

hoc iure vsos constabit ; nimirum ipse Ioannes Chrysostomus adhuc Presbyter Antiochenæ Ecclesiæ popularibus suis excommunicationis diras interminatus, testis ipse homil. xvii. in Matthæum ; Διπογχένσω λαζαπὸν ὑμῖν τῷ ιερῷ τεττὼν Πατέρων προσδύρων. Ego de cetero vobis ne sacra hæc vestibula ingrediamini vetabo. Presbitero ut iuridico, cuius in potestate sit sacris sibi interdicere, séque satthanæ tradere, caput submittit Hieronym. in epist. ad Heliodorum, in can. alia causa, xvi. qu. 1. *Mihi*, inquit, loquens ex persona Monachi, *ante Presbiterum sedere non licet, illi si peccauerero licet me tradere Satthanæ in interitum carnis, ut spiritus saluus sit.* Excommunicationem in se missam à quodam Monacho haud dubiè presbitero, non spreuit Theodosius iunior, nec priùs cibum capere voluit, quām ab eodem sacræ communioni redditus esset, teste Theodorito, lib. v. cap. xxxvi. etiam sequiore æuo Episcopos, & Presbyteros excommunicandi iure pariter vsos probat I. qui sua. xxxix. §. 1. C. de Episc. & Cleric. quā vetantur Episcopi & clerici ne à quoquam fructus, vel angarias extorqueant, néve ob huiusmodi causas quemquam excommunicent, aut anathematizem, aut communionem vel baptismum denegent, quamuis usus, ait lex, ita obtinuerit. Idem innuit & Nou. Iustiniani cxxiii. cap. xi. ubi vetatur ne Episcopi & Presbyteri aliquem segregent à communione, nisi priùs causa probetur, propter quam hoc canones fieri iubent : vnde desumptus est can. nemo. ii. qu. 1. & can. de illicita. xxiv. qu. iii. Nec est quòd Episcopi Presbyteris inuideant id honoris insigne ; præter Presbyteros enim, & alijs inferiores

inferiores Episcopis, putà Abbates, Priors, & Decani qui nihil aliud sunt quàm Archipresbyteri rurales , eodem excommunicandi iure vtuntur, cap. cum in Ecclesiis, de maior. & obedient. cap. sicut. de Simon. cap. dilecto, de sent. excommun. in vi. etiam Archidiaconus, de consuetudine suspendit, excommunicat, interdicit, si modò habeat curam animarum, cap. dudum. de Elect. adeò verum est excommunicationem, & alias huiusmodi censuras pertinere ad curam animarum. Quin immo iam olim Diaconus habuit potestatem excommunicandi hypodiaconum, Lectorem, Cantorem, & Diaconissam , si hoc facere opus esset, absente Presbytero, teste Clemente , constit. Apostolicar. lib.viii. cap. xxviii. etiam ipsi Cardinales in titulis suis & capellis eisdem subiectis habent iurisdictionem & correctionem, simùlque cum ea potestatem excommunicandi , interdicendi, & suspendendi subditos suos, cap.his quæ de maior. & obedient. cap. dilectus. de capell. Monach. quod eis competit, non quasi hi iura Episcopalia habeant in titulis suis, vt suasum nonnullis ; sed potius quòd veterem in his Parochorum dignitatem tuentur ; nec enim Cardinales in titulis suis aliam, quàm Archypresbyterorum personam sustinent , nec tituli Cardinales aliud, sunt quàm parochiæ vrbis, vt cōstat ex iisd.capp.& cap.ii.de Cleric. non resident. ex his satis , supérque comprobatum Parochos ordinariam in Ecclesiis suis iurisdictionem habere , & cum ea potestatem excommunicandi, & interdicendi. Vnum dolendum quòd labente disciplinâ, eâ potestate desierint vti , quàm enim optandum esset, veterem disciplinam restituī, ac Pastoribus saluam

esse suam, natuam & primigeniam potestatem, cuius
nutu facilius Parœciani in officio, & obsequio conti-
nerentur, nec ea re vlla fraus fieret iurisdictioni Episco-
pi: et si enim Parochi, vel alij inferiores Episcopo ordi-
nariam iurisdictionem habeant, nequaquam eam obti-
nent priuatiuè, vt loquuntur seu excluso & remoto
Episcopo, sed in concursu cum eodem, semper Episco-
pus in iurisdictione ordinaria concurrit cum cæteris in-
ferioribus, tamquam Ordinarius generalis, & ordina-
rius ordinariorum, vt rectè docet Panormitanus, in cap.
dilectus, de offic. iudic. ordinar. nec parochus penè se
habet excommunicationem illam solennem, cuius for-
ma prescribitur in d. can. debent. xi. qu. iii. sed aliam
minùs solennem, quæ tamen publicè denuncianda sit;
quod enim scriptum est in cap. si Sacerdos, de offic. iu-
dic. ordinarij, non licere Parocco apud se confessum
nominatim excommunicare, speciale est in confessis,
ne scilicet per hoc arcanum confessionis pandatur.



C A P V T I X .

Alia est benedictio maior, alia minor. Minorem presbyteris licet fundere super plebem. Olei benedictio Monachis in usu curationum gratia Presbyteris non licet dare Apostolia, seu litteras dimissorias.



LIA est benedictio maior & solennior, alia minor & minus solennis: solennem benedictionem super plebem fundere aliis non licet, quam Episcopis, can. de nique, xxi. dist. vel Abbatibus, quibus id ex priuilegio concessum est. can. Abbates, de Priuileg. in v. Presbyteris, seu Parochis solennem huiusmodi benedictionem mittere, omnino non licet, & de hac accipiendum est illud Concil. Agathens. can. XLIV. Benedictionem quoque super plebem in Ecclesia fundere, aut penitentem in Ecclesia benedicere, Presbytero penitus non licet. can. ministrare xxvi. qu. vi. Minorem benedictionem Presbyteris emittere non prohibetur: Hieronym. vel alias quisquis est ad Rusticum Narbonensem Episcopum, de septem gradibus Ecclesiæ. Si Presbyter Christum consecrat cum in altario Dei sacramenta benedicat, benedicere populo non debet, qui Christum etiam meruit consecrare. can. ecce ego. xc. dist. Presbyteris inquam, permisum est id genus benedictionis absente scilicet Episcopo, Concil. Aurelianens. i. can. XXVIII. Cum ad cele-

brandas Missas in Dei nomine conuenitur, populus non antè discedat, quām missæ solennitas compleatur, & ubi Episcopus non fuerit, benedictionem accipiat sacerdotis. can. cùm ad celebrandas, de consecr. dist. i. & hæc est benedictio, quæ dicitur Presbyteralis, cap. iii. de offic. Archipresb. ubi Archypresbyteri urbani est absente præfule, eius vice officium inchoare, benedictiones Presbyterales in Ecclesia dare; Diaconis verò non licet maiorem, aut minorem benedictionem mittere, ἢ εὐλογίαν μηδέ, ἢ μεγάλην ποιαταν, ut tradit Clemens Romanus, Constit. Apostolic. lib. viii. cap. vlt. Laicis multò minus, ut refert idem lib. iii. cap. x. Monachis sanè olei benedictionem facere, & ægris concurrentibus curationis causâ oleum benedictum dare moris fuit. Ruffin. de vit. Patr. cap. i. Non enim permittebat ad se incommodantes deferri, sed benedicens oleum dabat, ex quo peruncti sanierent, à quacumque infirmitate tenerentur & inferius Benedicens tamen oleum dedit ei, quo perunctus æger omnem continuò abundantiam fellis euomuit. & Gregor. Turonens. lib. ii. Hist. Franc. cap. xxxvii. Huius verò brachium beatus Confessor (is erat Maxentius Abbas Pictaviensis) cum oleo benedicto contrectans, imposito signo crucis restituit sanum. Presbyteris etiam, alijsque inferioribus Episcopo non licet dare Apostolia, id est litteras dimissorias. Concil. Aurelianens. ii. can. xiii. Abbates, Martyrarij Reclusi, vel Presbyteri Apostolia dare non præsumant. Epistola dixit Concil. Turonens. ii. can. vi. Ut nullus clericorum, vel laicorum præter Episcopum Epistola facere præsumat.

CAPUT X.

Parochis licet excipere testamenta, & alia ultima suorum iudicia. Parochi munus est baptizatorum, & nuptias contrahentium, & mortuorum rationem habere. Martyrologium Ecclesiasticus codex in quo funera, & alia quoque memorabilia fidei causa perscribebantur. Ratio libitinae etiam apud Gentiles.

LERICI in sacris ordinibus constituti tabellionatus officium exercere prohibentur. cap. sicut te. Ne cleric. vel Monach. secular. negot. se immisceant vbi damnatur Esculanæ ciuitatis consuetudo in qua Presyteri passim tabellionatus officio fungebantur, ut exponitur in antiqua decretal. hoc ita intelligendum est, ne Presbyteris liceat passim & promiscue quo ad omnes actus & personas Tabellionum officium gerere, & hæc fuit mens Capitular. Carol. M.lib. I. cap. CLVIII. *Vt nullus Presbyter chartas scribat.* cæterum valet testamentum quod Parœcianus condit coram presbytero suo, & idoneis testibus. cap. cum esses *de* testament. quod consuetudine introducum fauore piæ causæ, propter legata pia quæ huiusmodi plerumque testamentis continebantur, ut glossa hoc loco adnotauit: tamen postea productum est ad quævis testamenta, ut facultas testandi adiuvetur. **Certè Constitutionibus regiis Pres-**

byteris Parochis eorumque Vicariis sicut excipere testamenta, & alia ultima paroecianorum suorum iudicia; nisi quid sibi, vel suis adscribant eo testamento, haec tamen longe abhorrent à iure ciuili; hoc enim iure expungitur mos ille qui irrepserat, ut testamenta insinuantur apud clericos; turpe enim est promiscuis actibus rerum turbari officia. I. consulta. xxii. C. de Testament. I. repetita. xli. C. de Episc. & Cleric. Certè plebanus notarij Ecclesiæ officio fungitur, eius munus est baptizatorum, & nuptias contrahentium matriculam, seu rationem confidere, Concil. Trident. Sess. xxiv. de reform. matrim. cap. i. eiusdem est mortuorum & in Ecclesia sua sepulchorum rationem habere, & hoc fuit vetustissimum institutum Ecclesiæ, ne mortuorum memoria extingueretur, piorum solatio destituta. Beda lib. iv. hist. Eccles. cap. xiv. de Osualdi Regis Nordanhumbrorum interitu: *Quærant in suis codicibus in quibus defunctorum est adnotata depositio, & inuenient illum hac die raptum esse de seculo.* & mox credidit ergo verbis pueri Presbyter ac statim egressus requisuit in annali suo, & inuenit eadem ipsa die Osualdum Regem fuisse peremptum, & hic est codex, quem veteres Martyrologium vocarunt, quod testimonij & memoriam mortuorum tuendæ causa prescriberetur. Vnde quia erat liber authenticus vsu factum est, ut alia quæque memorabilia perpetuæ fidei causâ in eodem codice consignarentur. Ditmarus lib. vlt. *Sanctorum reliquias, & munda eorumdem receptacula, cum alijs utilitatibus plurimis tam in praedijs, quam in mancipijs ego acquisui & ne te forsitan laterent Martyrologio inscripti meo.* & Matth. Paris. ad ann. m. cc. xxxvii.

de statutis nigri, seu Benedictini ordinis: fecerunt autem quamplures hæc in Martyrologia scribi, vt sèpius in capitulo recitata, sicut solet regula B. Benedicti audientium cordibus inhærerent. Apud veteres Romanos funerum ratio habita est, quam rationem libitinæ vocat. Sueton. in Nerone. cap. xciii. Pestilentia vnius anni triginta funerum millia in rationem libitinæ venerunt.

CAPUT XI.

Decima & oblationes debentur Ecclesia Parochiali, cur Conc. Vormaciensi prouisum ut cuique Ecclesia mansus adscriberetur. Mansus quid sit, Mansi alij ingenuiles, alij seruiles.

 XPOSITIS his quæ sunt officij & iurisdictionis Parochorum, nunc operæ pretium est, vt Parochialia Iura expendamus: inter hæc primum locum tenent Decimæ & oblationes, hæ communī iure debentur Ecclesiæ parœciali, in qua Ecclesiastica percipiuntur sacramenta, cap. ad apostolicæ. cap. cum contingat. cap. cum in tua. de Decim. cap. Pastoralis. de his quæ si. à Prælat. sine consens. Capitul. cap. cum inter. de verb. signif. hoc iure Parochus habet fundatam intentionem vt loquuntur forenes super exactione Decimarum intrà Parochiæ fines absque alio titulo: Vnde constitutum vt si quis decimas, vel oblationes extra baptismalem, id est Parochiale Ecclesiam dederit, bannum

Pontificium componat, & communione priuetur, can. statuimus. xvi. qu. i. Adeoque decimæ noualium, Ecclesiæ parochiali debentur, non monachis, vel aliis, qui iure peculiari decimas percipiunt, d. cap. cùm contingat. d. cap. cùm in tua, & cap. quoniam eod. tit. pruilegium enim de percipiendis decimis non porrigitur ad noualia, cap. sanè. de Priuileg. cap. super quibusdam. de verb. signif. cap. ii. §. i. de Decim. in vi. Decimæ verò præscriptione in totum tolli non possunt, cap. causam. de præscript. tamen quota decimarum potest præscribi tempore immemoriali, gloss. in cap. in aliquibus. in fin. de Decim. Guid. Pap. decis. CCLXXXIII. & seq. Decimæ certè minorum fructuum non debentur in Gallia, nisi ex consuetudine, iuxta Philippi Pulchri Constitutionem quæ omne insolitarum Decimarum genus compescuit; valere consuetudinem, ut de minutis Decimæ non soluantur probat Couaruu. lib. i. Variar. cap. xvii. Compositio etiam facta super decimis valet, modò facta sit causâ cognitâ & interpositâ auctoritate Episcopi, cap. veniens. de Transact. cap. ex multiplici. de Decim. Rebuff. de Decim. qu. xiii. Chopin. de sacr. Polit. lib. iii. cap. viii. Nec omittendum Decimas esse soluendas: absque deductione impensarum & tributi, cap. non est. cap. pastoralis. cap. tua nobis. de Decim. nec non decimas solui statim ac fructus collecti sunt submonito plebano, vt decimam recipiat, cap. cum homines, eod. tit. Decimæ igitur iure communi debentur Ecclesiæ Parochiali, sed quia multis locis ob duri-
tem Plebis ægrè soluebantur Decimæ, nec habebat Parochus vnde commodè se aleret & sacram ministe-
rium

rūm impleret , prouisum est vt vnicuique Ecclesiæ
ascriberetur mansus integer liber & solutus omni serui-
tio , præterquam Ecclesiastico Concil. Vormaciens.
ean. I. Sancitum est vt vnicuique Ecclesiæ unus mansus in-
teger, & absque ullo seruitio tribuatur , & Presbyteri in eis
constituti non de decimis, neque de oblationibus fidelium, non
de domibus, neque de areis, vel de hortis iuxta Ecclesiam po-
sit, neque de prædicto manso aliquod seruitium faciant præ-
ter Ecclesiasticum , cap. I. de censib. can. Sancitum xxxiii.
qu. viii. Capitular. lib. I. cap. xcI. Idem statuit Synodus
Meldens. can. lxiii. Ut secundum canoniam auctoritatem
& constitutionem Domini imperatoris Ludouici, de agro Ec-
clesiastico & manso , ac mancipijs , quæ ipse suis Capitulis
constituit , vel si quilibet pro loco sepulturae aliquid largitus
Ecclesiæ fuerit , neque de decimis & oblationibus fidelium,
cuiquam presbyteros aliquem censem persoluere cogat. Quem
canonem, ijsdem verbis ex Conc. Parisiensi laudat Gra-
tianus in can. secundum, ead. cauf. & quæst. Mansus di-
cebat fundus, seu prædium, hoc est certus modus agri-
cum casa, ad mansionem cultoris : mansi alij fuere in-
genuiles , id est liberi ab omni censu & seruitio ; alij
seruiles, qui censem , vel aliud seruitiam fisco præsta-
bant. Gregor. lib. xii. epist. viginti mansus ingenuos, &
totidem seruiles. & Baldricus. Nouiomensis lib. I. Chron.
Camerac. cap. I. Mansi seruiles sex, est ibi camba.

Q

C A P V T XII.

*Ius funeris seu sepultura inter parochialia iura,
pro sepultura ne quid exigatur. Olim sepultura
intra Ecclesiam vetita.*

NTER Parochialia iura accensetur & ius funeris seu sepulturæ, id est ius condendi corpora mortuorum : mortuus enim de iure sepeliendus est in Ecclesia parœciali, in qua dum viueret Ecclesiastica sacramenta percepit , nisi alio loco sepulturam elegerit, cap. 1. de Sepultur. cap. 1. eod. tit. in vi. cuique libera est electio sepulturæ extra Parœcialem Ecclesiam , exemplo Christi , qui sepulturam elegit in alieno sepulchro. d. cap. 1. nempe ut optione alieni tumuli , mortem à se alienam ostenderet. Ambros. lib. iii. de Virginib. Bene etiam secundūm litteram alienum monumentum fuit, quia suum monumentum Dominus non quasiuit, habebant tumulum qui sub lege sunt mortis , victor mortis suum tumulum non habebat, non enim ille sepulchrum mortis desiderabat, qui de morte trophya referebat. Electâ sepulturâ in loco alieno parœciæ debetur canonica portio mortuiorum, id est relictorum Ecclesiæ, in qua defunctus elegit sepulturam, quæ est tertia vel quarta, pro consuetudine regionum , cap. cum super. cap. certificari. de sepultur. Clem. dudum eod. tit. cap. conquerente, de offic. ordinar. cap. de quarta. de præscript. & hæc portio Ecclesiæ parœciali semper excipitur: vnde in priuilegiis

monasteriorum semper apponi solet clausula , saluâ iustitiâ Ecclesiarum à quibus mortuorum corpora adsumentur, d. cap. certificari : Pro sepultura verò ne quid à Plebanô exigatur , ne de alieno luctu compendium queratur, sed si quid vltro offeratur, accipio non vetatur, Gregor. i. lib. vii. epist. lv. can. questa. xiii. qu. ii. Synod. Meldens. can. lxxii. & hoc est quod dicitur in cap. ad Apostolicam de Simon, *pro funere mortuorum prauas exactiones prohiberi , sed pias consuetudines non tolli*, id est spontaneas oblationes, quæ & consuetudine commendantur : nimium fœda olim consuetudo inoleuerat apud Montempeßulanum in Gallia Narbonensi ut defunctis non priùs effoderetur sepultura, quām pro terra in qua sepeliendi erant certum Ecclesiæ pretium persolveretur , quam damnauit Innocent. iii. cap. abollendæ. de sepultur. imò & prioribus seculis malè audiere clerici ob turpes nundinas funerum. Auctor sermon ad fratres in Eremo. serm. xxxvi. *Numquid missam cantare, numquid baptizare, numquid mortuum sepelire sine pretio, vel promissione dignamini, nunquid non citius mortem diuitum, quām corporis salutem desideratis videre ; ecce quomodo lupi estis, quomodo omni simoniâ infecti estis.* Olim iustæ sepulturæ locus non fuit intra Ecclesiam , quemadmodum nec apud Ethnicos intrâ muros urbis , sed corpora passim sepulta in coemeteriis, vel in atrio seu exhedris Ecclesiæ, Concil. Brachar. i. can. xxxvi. *Hoc placuit ut corpora defunctorum nullomodo intra basilicam sanctorum sepeliantur ; Sed si necesse est deforis circa murum Basilicæ usque adeò non abhorret ; nam si firmissimum hoc priuilegium usque nunc manet ciuitates , vt*

nullomodo intrà ambitus murorum cuiuslibet defuncti corpus humetur , quanto magis hoc venerabilium martyrum debet reuerentia obtinere. & Concil. Valsense apud Gratian. can. præcipiendum xiii. qu.ii. Prohibendum est etiam , secundum maiorum instituta , ut in Ecclesia nullatenus sepeliantur , sed in atrio , aut in porticu , aut in exhedris Ecclesiae : intra Ecclesiam verò , & prope altare , vbi Corpus & Sanguis Domini conficitur , nullatenus sepeliantur. Solis Episcopis , Abbatibus , Presbyteris , aut fidelibus laicis intrà ædes sacras sepulturæ honor impensus , Concil. Moguntin. i. can. lli. Nullus mortuus intrà Ecclesiam sepeliatur , nisi Episcopi , aut Abbates aut digni presbyteri vel fideles laici , can. nullus. ead. caus. & qu. in templo , quod fuit apud Quercum , Constantinopolis conditus Dioscorus Hermopolis Episcopus. Socrat. lib. vi. cap. xv. Reliquias Geruasij & Prothasij Martyrum transtulit Ambrosius Mediolanensis Episcopus in Basilicam Faustæ , vbi sepulturam sibi elegerat. Testis ipse epist. lxxxv. Hunc ego locum prædestinaueram mihi , dignum est enim vt ibi requiescat sacerdos vbi offerre consuevit , sed cedo sacris victimis dexteram portionem , locus iste martyribus debebatur. Imperatoribus & Patriarchis communis fuit sepultura in æde Apostolorum Constantino- poli. Eusebio lib. iv. vit. Constantin. cap. lx. Euagrio lib. iv. cap. xxx. Nicephor. lib. xiv. cap. lviii. fidelibus etiam laicis , id est secularibus viris religione & pietate insignibus eodem iure , quo Episcopis & Presbyteris patuit sepultura intrà ipsas Ecclesias , aliis satis consultum vt sepelirentur in aditu , vel porticu Ecclesiae . Cùm in Basilica S. Martini vici Condatensis sepulchrum

sibi posuisset Pelagius ciuis Turonensis , eo effracto & detecto inuento, sepultus est in porticu ipsius Basilicæ. Gregor. Turon. lib. viii. cap.xl. Deposuerat enim sibi sepulchrum in basilica Sancti Martini vici Condatensis, quod detectum sui & effractum in frustra reperiunt , sic postea in porticu ipsius basilicæ est sepultus. Et laicis ipsis dignitatis argumentum fuit sepultura in atrio Ecclesiæ. Baldric. Nouiomens. lib. iii. cap. xxii. In atrio tamen, quia maior erat villula, subterratus. Porrò intrà Ecclesiam mortuus cuiuscumque conditionis sit sepeliendus non est sine consensu Episcopi , vel presbyteri seu parœci Synod. Meldensis. can. lxxii. *Vt nemo quemlibet mortuum, in Ecclesia quasi hereditario iure, nisi quem Episcopus, aut presbyter pro qualitate conuersationis. & vita dignum duxerit sepelire presumat.* Et sepulturas mortuorum ut vnusquisque presbyter disponat siue ordinet cautum constitutione Riculfi Suessionensis Episcopi , quam Io. Cordesius edidit inter Opera Hincmari. cap. xviii. Sepulturas mortuorum Ecclesiasticâ honestate, & pietate vnusquisque presbyter disponat ; & ne pro sepeliendis mortuis xenia exquirat.

CAPUT XIII.

*Parochus debet habere suum clerum. Qua mino-
ribus Clericis in singulis Ecclesijs assignantur
beneficiola. Dicuntur iunioratus, ordines, Pra-
stimonium unde dictum.*



INGVLIS Ecclesiis vnum presbyter præ-
est; in eisdem tamen sub eius præfectura
& potestate, ordinandus est certus nu-
merus clericorum pro dignitate, & fa-
cultatibus Ecclesiæ, quò sacrum mini-
sterium congruè adimpleatur, l. in Ecclesiis xi. C. de
Episc. & cleric. & Nou. Iustin. III. cap. i. Etiam in mi-
noribus, & tenuioribus Ecclesiis vnuſquisque presby-
ter, qui plebem regit, clericum velut coadiuuam sibi
adiungere debet, qui secum psalmos concinat, lectio-
nem & epistolam legat. quique possit tenere scholas. ex
Concil. Matiscens. cap. vt quisque. de vit. & honest.
Clericor. in frequentioribus Ecclesiis præter presbyte-
rum etiam Diaconus ordinandus est, ne locus proces-
sionis celebrior ad sacra rite & solenniter peragenda
sacerdote indigeat vel ministro. Gelasius ad Celesti-
num Episcopum. Pariter etiam & felicissimum Diaconum,
in eius Ecclesiæ ministerio, si conuersatio eius patitur subro-
gabis. vt locus processionis celeberrimus ad mysteriorum con-
secrationem nec sacerdote indigeat, nec ministro, can. Pres-
byteri. xxiv. dist. vbi presbyteri & Diaconi in eadem
Ecclesia ordinati sunt, singuli debent hebdomadam

suam obire, id est, quisque in ordine suo per hebdomadam ministrare. Conc. Tarragonens. i. can. viii. *De diaconis Ecclesijs vel clero, id placuit diffiniri, ut Presbyteri & Diaconi qui inibi constituti sunt, cum clericis septimanas obseruent id est ut Presbyter unam faciat hebdomadam, quam expletâ succedat Diaconus ei similiter. In luculentioribus etiam Ecclesijs, quibus suberant plures capellæ, plures ordinabantur presbyteri, quibus præterat unus e presbyteris.* Concil. Nannetens. can. viii. *Nullus Presbyter plures presumat habere Ecclesijs, nisi forte alios presbyteros sub se in unaquaque habeat, qui nocturnum atque diurnum officium solenniter adimpleat, & missarum celebrationes quotidianis expleant cæremonijs.* Singulis vero clericis qui ordinati sunt sub Parocho in parœciali Ecclesia præstantur certa stipendia, seu portiones, quæ dicuntur iunioratus. Iuo Carnotensis epistol. CCLXXXVI. *Super hæc dedimus iunioratum Ecclesia de Pontepedonis.* Sic dicta, quod minoribus clericis præstarentur, quos ea ætas iuniores Ecclesiæ vocavit Gregor. Turonens. lib. v. hist. cap. xxvi. *Post hæc Chilpericus Rex de pauperibus & iunioribus Ecclesiæ, vel Basilice bannos iussit exigere, pro eo quod in exercitum non ambulassent,* Flodoard. lib. i. Rheims. hist. cap. xviii. ex testamento S. Remigij. Lauduensibus subdiaconibus, lectoribus, ostiarijs, & iunioribus quatuor solidos derelinquo : eadem appellantur & ordines, quod minoribus clericis in Ecclesia ordinatis ordinationis iure adscriberentur. Alexander ii. in epist. ad clerum & plebem Lucensem. *Beneficium Ecclesiæ, quod quidam canonicam, vel præbendas, seu etiam ordines vocant.* can. ex multis. i. qu. iii. posteriores passim eadem

vocarunt præstmonia, de quibus in cap. quoniam. de concess. præbend. in vi. *Super Canonicatibus, dignitatibus personatibus, præbendis, officijs, portionibus, præstmonijs, Ecclesiis parœcialibus ruralibus, & alijs quibuscumque beneficij Ecclesiasticis*: Præstmonia dicta, quod alimenterum præstationem contineant: quo sensu præsteria dicitur & obedientia, quod est regularis beneficij genus Innocent. III. lib. II. epist. ccxxvii. *Obedientiam quæ præsteria nuncupatur.*

CAP V T XIV.

Matriculariorum officium sacras ædes tueri, vota & oblationes fidelium suscipere, pauperes qui erant in matricula Ecclesiae curare, expositos infantes colligere & alendos tradere, eorumdem est fabricæ Ecclesiae præesse.



D Ecclesiæ obsequium adhibentur & fideles laici, qui Matricularij appellantur, vulgò *Marguilliers*; eorum officium in primis est sacras ædes tueri & custodire, vnde Matricularios, custodes Ecclesiarum interpretatur Vandelbertus Diaconus, in vita S. Goaris apud Surium vi. Iul. *Custodes, vel Matricularij Ecclesiae*, & hi respondent ædituis templorum, qui sic dicti, quod sacras ædes tuerentur apud gentiles l. i. ff. de Tutel. l. cum pater. lxxvii. S. donationis. ff. de legat.

legat. II. De his Iul. Firmic. lib. VIII. Mathef. *Ædituos faciet, templorumque custodes hierodulos, & qui sacris officijs deputantur.* Matricularij sunt æditui & custodes Ecclesiarum, vnde excubitores eos appellat Adreualdus Floriacens. de Miracul. S. Benedict. cap. xxvi. *Excubitorum officium sacris templis dicatum, non modo modernis temporibus constat, verum priscâ atate sub Beato Moyse à Domino legimus tabernaculo sacrato ex Leuitarum genere custodum munia subrogata.* Matriculariorum etiam est vota & oblationes suscipere. Synod. Antissiodor. can. III. *Quicumque votum habuerit in Ecclesia viglet, & matricula ipsum votum, aut pauperibus reddat.* Ita Clodoueus victis Gothis, cæsoque Alarico, Vogladensi in prælio, equum quem voverat, si è Gothis victoriā reportaret, voti reus Martino Turonensi obtulit, & voti redimendi causâ centum dedit matriculariis Ecclesiæ: verùm cùm equus fixus hæreret, sentiens numinis religionem alia centum adiecit, nec mora sine villa equus recessit, cuius rei casu is lætatus: *Martinus, inquit, bonus in auxilio, carus in negotio, rem narrat Abbas Vspergensis in Chronic.* Cùmque imperfecto Alarico reverteretur cum victoria, veniens ad eandem Ecclesiam pro soluendo voto dona obtulit plurima: pro equo vero quem ibi dimiserat dedit Matricularijs Ecclesiæ centum solidos ut eum reciperet. Idem narrant Sigebertus ad ann. D IX. & Otho Frisingens. lib. IV. Chronic. cap. xxxii. Sed cubicularios vocant, quos Vrspergensis Matricularios. Eorundem fuit Matricularum pauperum curare, & in eorum alimoniam stipes colligere, & coactas erogare. Gregor. Turonens. lib. I. de Mirac. S. Martin. cap. xxxi.

Cum ad Matriculam illam , quam sanctus suo beneficio deuotorum eleemosynis pascit , quotidie à fidelibus necessaria tribuantur , consuetudinem benedicti pauperes habent , vt cum multi ex his per loca discesserint , custodem inibi derelinquant , qui quod fuerit oblatum accipiat . Vnde forte custodes isti pauperum , Matriculariorum nomen acceperunt , quod curam haberent Matriculariorum , id est pauperum qui in Matricula Ecclesiae pascebantur . Hoc sensu Matricularij dicuntur Pauperes , qui in matricula Ecclesiae inscripti erant . Matriculariorum etiam fuit expositos infantes pro foribus Ecclesiae colligere , & latendos tradere , quod pertinet vetus formula cap . xi . Nos quoque in Dei nomine Matricularij sancti illius ; dum matutinis horis ad ostia ipsius Ecclesiae obseruanda conuenissemus , ibique infantulum sanguivolentum periculo mortis imminentem pannis inuolutum inuenimus & ipsum per triduum seu amplius apud plures homines inquisiuimus quis suum esse diceret , & non inuenimus , cui nomen ipsum imposuimus , sed postea pietate interueniente , & Domini misericordia opulante ipsum infantulum homini aliquo nomine illo ad nutriendum dedimus , &c. Signanter huiusmodi apud Treuiros Matriculariorum officium depingit Vandelbertus in vita Goaris : Moris quippe tunc Treuirorum erat , ut cum casu qualibet femina infantem peperisset cuius nollet sciri parentes , aut certe quem pra inopia rei familiaris nequaquam nutrire sufficeret , ortum parvulum in quadam marmorea concha , quæ ad hoc ipsum statuta erat , exponeret , & mox . Si quando igitur id contigisset custodes vel matricularij Ecclesia puerum accipientes quarebant in populo si quis forte eum suscipere nutriendum , & pro suo deinceps habere vellet .

Matriculariis etiam incumbit præfectura fabricæ, vnde ad eosdem pertinet administratio portionis fabricæ, & eo nomine vulgo Operarij appellantur, quod in eorum operis fit curatio fabricæ.

CAPUT XV.

Parochi est curare pauperes, in singulis parochialibus Ecclesiis fuit Matricula pauperum, id nomen tabula seu Catalogo pauperum, vnde pauperes huiusmodi tabula inscripti matricularij dicti, pauperes pro foribus Ecclesia, unaquaque Ciuitas suos pauperes alat.

 *T*s i matriculari sunt curatores pauperum, tamen Presbytero, seu Parocco maximè incumbit cura pauperum, eadémque proprium illorum munus est. Idcirco Atticus Constantinopolitanus Episcopus Nicenæ ciuitatis pauperes fame laborare sentiens, trecentos aureos in pauperes erogandos misit Calliope, Nicenæ Ecclesiæ presbytero, tamquam proprio rei dispensatori, vt nos docet eius epistola apud Socratem, lib. vii. cap. xxv. λαβὼν ὁ φίλη μοι κεφαλὴ τύτυς τὸς τειχοσίγχευσίνες, αὐδίλωτον ὑπός ἀνθελήσον. Accipe δὲ charissimum caput, istos trecentos aureos, eosque in pauperes impende uti volueris. In singulis Parochialibus Ecclesiis fuit Matricula pauperum loci, qui sustentabantur sumptu Ecclesiæ pro modo facultatum, in eam refe-

rebantur dumtaxat pauperes loci, nec alij, quam ægri, & debiles : ne verò xenia , id est munuscula exigeret Presbyter pro receptione pauperum in matriculam, néve cognatos, aut validos in eam cooptaret, aut de infirmis operas exigeret , vetat Hincmarus Rhemens. epist. vii. cap. xxxv. Sed & de matricularijs per singulas Ecclesiæ iuxta facultatem, & possibilitatem loci curam adhibeant, ne Presbyteri pro locis matriculae xenia accipient , ne suos parentes sanos , & robustos in eadem matricula collificant, nec opera ab ipsis matricularijs exigant, non de matricularijs bubulcos, aut porcarios faciant , sed pauperes ac debiles & de eadem villa de qua decimam accipiunt Matricularios faciant. Matricula dicebatur tabula , seu descrip-
tio pauperum qui è penu Ecclesiæ diurnam stipem sumebant , vnde qui matriculæ inscribebantur Matricularij dicti, vt illo loco Hincmari, & aud Gregor. Turonens. lib. vii. cap. xxix. Nonnulli etiam Matriculariorum & reliquorum pauperum, pro scelere commissore tectum cellulæ conantur euertere : Pauperibus in matricula positis singulis diebus stipes erogabatur, pro foribus Ecclesiæ , ne debitum eis subsidium subriperetur. In testamento , D. Remigij apud Flodoard. lib. i. Rhemens. hist. cap. xviii. Pauperibus duodecim in matricula positis ante fores Ecclesiæ expectantibus stipem duo solidi, vnde reficiantur inferentur. Stabant pauperes pro foribus Ecclesiæ , vt eorum conspectu fideles prouocarentur ad erogandam his stipem : Chrysostom. de diuers. vtriusq. testam. loc. orat. in decem virgines , οἱ τὰς δύο εἰς τὸ ἔντελον τὸ γαδί μόνοι πέντες , qui Ecclesiarum fores obseruant pauperes, & Mosehus in Limonar. cap. clxxxv.

ως & τι εἰσένεγκεν αὐτὸν εἰς τὴν πόλην τῆς Κυριλλοΐας, ἔδειχεν δικαῖος Τύρος πλωχός. Postquam igitur ipsum detulit in porticum Ecclesiae, ostendit ei pauperes. In matriculam admittebantur tantum pauperes loci unde decimae percipiebantur : quia matriculae subsidium erat pars decimarum, quae reseruata est sumptui & alimoniae pauperum. can. vobis. can. Vvteranæ xii. qu. ii. peregrinis pauperibus non erat locus in Matricula, quia vnaquæque ciuitas suos pauperes alere debet, & presbyteri simulatque municipes coniunctis officiis suos pauperes pro viribus pascere tenentur, ne his euagandi detur occasio. Conc. Turonense. ii. can.v. *Vt vnaquæque ciuitas pauperes & egenos incolas alimentis congruentibus pascat secundum vires, ut tam vicini Presbyteri, quam ciues omnes suum pauperem pascant, quo fieri ut ipsi pauperes per ciuitates alias non vagentur.*

CAPUT XVI.

Parochi est sacrae aedis constructio tuitio & refectio, quale Parochianorum onus circa ea.

Parochi est etiam ornare Ecclesiam ut sponsa sponsam. Sacrae aedes floribus herbulisque ornari pridem solitæ, harum incuria & squalor sequioris anni nota.

PAROCHI ETIAM, & ALIJ QUOTQUOT DECIMALES fructus percipiunt, tenentur ædificare Ecclesiam collapsamque instaurare, & farram tectam tueri, Concil. Moguntin. i. can. xlII. cap. i. cap. de his.

de Eccles. ædificand. Concil. Trident. sess. xxi. de re-form. cap. vii. constructio & refectio Ecclesiarum est onus fructuum, eoque nomine tertia vel quarta decima-tum reseruatur Fabricæ Ecclesiæ, can. decreuimus x. qu. i. can. vobis. can. Vlteranæ. can. quatuor. can. de reditibus. xii. qu. ii. Parochianorum onus est conferre operas, & vecturas ad ædificandum necessarias. Quod ad cultum, & ornatum Ecclesiarum, sicut sponsus ornat sponsam suam; ita & parochus tenetur adornare Eccle-siam suam. Ambros. lib. ii. offic. cap. xxi. *Et maxime sacerdoti hoc conuenit ornare Dei templum decoro congruo, ut etiam hoc cultu aula Domini resplendeat.* Altaris orna-menta Crucis signum, & sacræ imagines, de quibus Synod. Turonens. ii. can. iii. *Vt corpus Domini in alta-ri, non in imaginario ordine sed sub Crucis titulo compona-tur.* In cultu sacrarum ædium maximè desiderata mun-dities; hinc iam olim suaue olenibus floribus & her-bulis conspersa memorantur templæ, & altaria. Hiero-nym. in Epist. ad Heliodor. de morte Nepotiani Pres-byteri. *Erat ergo sollicitus si niteret altare, si parietes abs-que fuligine, si paumenta terfa, si ianitor creber in porta, vela semper in ostijs, si sacrarium mundum, si vasa luculen-ta & in omnes ceremonias pia sollicitudo disposita, non minus, non maius negligebat officium.* & mox: *Hoc idem possumus & de isto dicere, qui basilicas Ecclesiæ, & Martyrum conciliabula, diuersis floribus & arborum comis, vitiumque pam-pinis adumbraret, ut quicquid placebat in Ecclesia, tam dis-positione quam visu Presbyteri laborem & studium testare-tur.* & Gregor. Turonens. lib. vii. Hist. cap. xii. *Et non solum ipse, sed etiam herbulæ olim collectæ, altarioque locatæ*

nequaquam exusia sunt. Idemque lib. i. de Miracul. cap. LXXI. Accidit autem fortuitu, ut extensa dextera manus palma folium herbae saliae, quod pro honore Martyrum in crypta conspersum fuerat operiret. Sequioris æui probrum, ac labes fuit incuria, & squallor sacrarum ædium quam acri stylo detestatur Petrus de Vineis lib. i. epist. XXXVII. Quid ergo aliud supereft, nisi ut Ecclesias nostras conditas ad Dei & sanctorum suorum honorem funditus diruamus, & in quibus nihil aliud cultus & ornatus remansit quam tintinnabulum, & vetus imago fuligine superinducta! prob dolor plura loca, quæ olim pro deuotione fidelium multis signis & miraculis coruscabant, priuatarum personarum suptellestilibus iacent plena, sacrataque altaria multò ornata composita, vix uno nudo linteamine, vel perforata sindone vestiuntur, paumenta etiam multo studio dudum lata, ut herbarum odorum & florum suavitate compluta nunc puluericata sordescunt. Hodie sanè singulari Antistitium studio Gallicanæ Ecclesiæ vbique fere antiquo decori restitutæ, sed modò cauendum ne censoriæ locus detur querelæ D. Bernardi. in apolog. ad Vvillelm. Abbat. Fulget Ecclesia in parietibus, & in pauperibus eger.

C A P V T XVII.

*Domus presbyteralis iuxta Ecclesiam , vulgo
Caminata. Hac constitutione regia exempta
est onere metati militaris , ex consuetudine pa-
rochi nonnullis locis solenne epulum prestant
parochianis suis certo die.*

V o iure parochus tenetur residere & mi-
nistrare in Ecclesia sua, eodem Parociani
obligantur ei construere domum iuxta
Ecclesiam, eamque necessariâ supellestile
adornare, ut colligitur ex Concil. Vvor-
mac. can. l. can. sanctum. xxiiii. qu. viii. cap. i. de cen-
sib. haec est quæ caminata dicitur, & semper locatur iux-
ta Ecclesiam, Helmold. Hist. Slav. lib. i. cap. xiv. in lo-
co qui dicitur Nezama, ubi etiam fuit oratorium, & cami-
nata murato opere facta. Finitis preibus matutinis, die-
bus solennibus, ad caminatam quæ erat coniuncta Ec-
clesiæ saepius diuertebat ipse Carolus M. testis Sangal-
lensis in eius vit. cap. 5. Finitis autem laudibus matutinis,
cum Rex ad Palatum, vel Caminatam dormitoriam calefa-
ciendi, & ornandi se gratia, pro tanto festiuitatis honore re-
diret. Domum presbyteralem haec tenet Parochus refi-
cere tenetur ut sancta recta habeantur, modica enim hu-
i usmodi refectio est onus fructuarij. l. vsufructu. §. ha-
ec tenet ff. de vsufruct. l. eum ad quem. C. eod. consti-
tutione Ludouici Iusti domus presbyterales soluuntur
onere

onere metati , id est hospitij militum , quā ius nouum nequaquam institutum , sed antiquum restitutum. Iure Ciuii enim Clerici excusantur à metatis , & susceptione hospitum l. i. & ii. C. de Episc. & cleric. l. placet. C. de Sacros. Eccles. & vt in domibus Ecclesiarum Mis- si Dominici , vel Comites , quasi pro consuetudine placi- tum, id est conuentum iuridicum , vel hospitium sibi vendicent , vetat Concil. Turonens. iii. can. xxxix. Moguntin. can. xl. Arelat. vi. can. vii. & x. & Synod. Ioannis ix. cap. i. de inmun. Ecclesiar. Hæc tecta subire non designati Reges & Imperatores , Ludouicurn iii. vel Conradum i. venationis studio Regia ab noctantem hospitio excepit Vvillelmus Plebanus in Catzenhusen , à quo aliquid petere iussus , cùm nihil aliud petiisset quāc cingulum de corio cerui , quem primum is venatu cœpisset ; princeps viri moderationem miratus , Episco- patum Monasteriensem ut primum vacauit ei dedit , au- etore Alberto Krantzio lib. ii. Metropol. cap. xxix. multis locis ex consuetudine Parochus epulas præbere solet parœcianis suis certo die solenni Gregor. Tur.lib. vii. hist. cap. xxix. Die autem cùm nos in villa quasi tri- ginta ab urbe commoraremur ad conuiuum basilicæ sanctæ , cum eodem & reliquis ciuibus est ascitus . & idem cap. xlviij. eiusd. libr. Sicharius Ioannis quondam filius , dum ad natalis Dominici solennia apud Montamotagensem vi- cum cum Austrigisilo , reliquisque pagensisbus celebraret , pres- byter loci misit puerum ad aliquorum hominum invitationem , vt ad domum eius bibendi gratiâ venire deberent . Ex con- suetudine municipibus suis Abbas Cluniacensis certas procurationes , id est solennes epulas præstare solebat ,

quas Valterus Abbas sustulit, de quo Robertus Montenf. in suppl. Sigebert. ad ann. m. c. lxxx. *V*alterius Cluniacensis Abbas septies viginti procurationes, quas burgenses ex consuetudine habere solebant ex donis Abbatum penitus delevit.

CAPUT XVIII.

Clericorum statio intra Cancellos seu Presbyterium, laici extra Cancellos, etiam Monachorum ab initio dum erant extra Clerum proprius locus, extra Cancellos medius inter Clerum & plebem. Inter laicos, in Ecclesia distincta fuit statio virorum & mulierum, necnon & deuotarum virginum, olim in Ecclesia nulla habito ratio dignitatis. Posterioribus seculis senioribus honor tributus in Ecclesia.

PARCÉCIANORVM quæ fuerit ratio in confessu Ecclesiæ, à proposito nostro haud alienum erit dispungere : Clericis ut par erat in Ecclesia propria Sedes, seu statio fuit intrà presbyterium, seu intrà cancellos, nec laicis patuit aditus, vel sessio intrà Cancellos, nisi communicandi causâ. can. Sacerdotum de consecr. dist. I. cap. I. de vit. & honest. clericor. laicis, inquam, non licuit sanctuarium ingredi, excepto imperatore cum Deo dona esset oblatus, can. LXIX. Synod. VI. in

Trullo. Monachis (ab initio enim fuere extra clerum) proprius locus fuit in Ecclesia Parochiali extra cancellos, medius inter clericum & Plebem. Dionys. Areopag. epist. VIII. ad Demophil. Τις δὲ τεταγμένοις θεραπευταῖς, αἱ πύλαι τῆς αἰδίτων εἰσὶν ἀφωειορθόαι, καὶ δὲ τελεῖται, οὐ πάρεσσαν, ό πέρις Φυλακῶν αὐτῷ, αἱλας πέρις Σάξων, Πηγώντων ἐαυτῷ, μᾶλλον τῷ λαῷ τοῦτο τὸ ιερατικόν πλησιάζοντες. Ijs qui Monachi sunt ordinati adytorum portae segregatae sunt, iuxta quas initiantur, & adstant, non ad custodiam, sed ut ordinem reeognoscant suum, sintque ipso populo propinquiores sacerdotibus. Inter laicos ipsos distincta fuit in Ecclesia virorum & mulierum statio. Auctor constit. Apostolic. lib. II. cap. LVII. οὐ αἱ γυναικες κεχωειορθώας, οὐ αὐταῖς κατεξέδωσαν σιωπήν ἀγγοσαj. Item ut sedeant mulieres separatim, ac cum silentio. Augustin. de Ciuit. Dei lib. XXII. cap. VIII. Admonetur in somnis appropinquante Paschā, ut in parte fæminarum obseruant, ad baptisterium, quæcumque illi baptizata primitus occurisset, signaret ei locum signo Crucis Christi. adeoque pudori sexus consultum est, fœminæ à viris segregatae tabulati intergerie, & superius fuit tabulatum in quo mulieres in Ecclesia stetere seorsim à viris. hâc occasione Ioannes Chrysostomus Diaconum mysteriorum tempore mulierem quandam ex iis quæ desuper solebant despicere, curiosius intuentem gradu amouit, & ut in futurum caueret, iussit velis superiora muniri tabulata, ut refertur in ipsius vita apud Surium XXVII. Ianuar. Ipsis etiam deuotis virginibus, quæ domi scilicet virginitatem colebant, locus fuit in Ecclesia seorsim à fœminis tabulato interiecto dispositus. Ambros. ad Virgi-

ginem lapsam. Nónne vel illum locum tabulis separatum, in quo in Ecclesia stabas, recordari debuisti, ad quem religiosæ matronæ & nobiles certatim currebant, tua oscula petentes, quæ sanctiores & meliores te erant. Labente æuo simul ac disciplinâ, promiscuè viri & foeminæ confedere in Ecclesia: foedium hunc apud Latinos morem suâ ætate notauit Balsamo. in d. can. LXIX. Synod. Trullens. & can. LIV. Laodicen. Melioribus seculis inter laicos nulla habita est ratio dignitatis, vel natalium, in Ecclesiæ confessu, vnicuique locus fuit quem fortuitò occupasset, in Ecclesia Dei eodem iure fuere plebeij & nobiles, serui & domini, diuites & pauperes, omnes scilicet æquauit Christus, quos pariter proprio sanguine redemit, nec Deus est acceptor personarum qui omnes homines eodem luto finxit. Ambros. in Luc. lib. ix. cap. xix. Rectè igitur vinea Christi populus nominatus, vel quòd Crucis in fronte prælegat indicium, vel quòd fructus eius postremâ anni legatur ætate, vel quòd omnibus ut ordinibus vi- nearum, ita pauperibus, atque diuitibus, humilibus atque potentiibus, seruis ac Dominis in Ecclesia Dei æqua dimensio, nulla discretio fit. In Ecclesia etiam ipsis magistratibus fortuita fuit sedes in turba. Chrysost. de diuers. vtriusq. testam. loc. serm. in sanctam Parasceuen. η πηρεύσιν ἡ κυριακαὶ, η ἀλλήλες ὡρέψιν, ἴδετες ποιεῖτες Τμὶ μὴ δικασθεῖσιν πολλάκις αἰτιεῖσθαις πειρατὰς Τμὶ δὲ οὐσίων ἵδετες ἐσώτες, Et Ecclesiam implemus, nōsque in uicem trudimus sudantes, laborantes, & quidem coram iudicibus sapè in prima sede collocati, coram Iesu verò libenter etiam stantes. Inde præsides sinè fascibus & lictoribus templum inire iussit Julianus Christianæ reli-

gionis simia, quòd magistratus simul atque templi limen attigit, priuati personam subeat, vt ipse edixit in Epist. ad Arsacium Pontificem Galat. ἀπα τὸν εἰς τὸν οὐρανὸν ἥλθετε τερπύσει, καὶ γένοντες ιδίωτης: Nam simul ut ingreditur limen delubri, priuati personam induit. Sequioris æui labe, deficiente veteri disciplinâ, honorum studio etiam in Ecclesia insaniere Magistratus, & Dynastæ, quos eâ ætas Seniores vocabat, & pacis publicæ fo- uendæ causâ, suos honores ipsis in Ecclesia tribui iussum, consentiente prouidentiâ canonum & legum. Concil. Vvormaciense. can. LVIII. *Vt Episcopi prouideant, quem honorem Presbyteri pro Ecclesijs suis Senioribus tribuant;* Vnde iisdem verbis exscriptum est capitulare Caroli M. lib. I. cap. CXLVIII. & Concil. Trosleian, can. vi. *Presbyteris nostris humilitatis exempla & monita dare debemus, videlicet ut eis in quorum ditione suæ consi- stunt Ecclesiae, congruum honorem & obsequium impendant debitum, id est spiritale atque Ecclesiasticum, & hoc sine ullo typho, vel contentione, aut rebellione.*

C A P V T X I X .

*Delectus militaris per Parochias Ducibus
Presbyteris.*

ET de sacris Parochorum, & Parochianorum muneribus sermo à nobis dumtaxat institutus sit; non abs re tamen erit publica & ciuilia erga rempublicam eorumdem officia attingere; cum Eccle-

sia sit in Republica, eiisque ope & præsidio secura sit, iam olim in Gallia, laborante republicâ, delectus militaris per vicos & parœcias indictus ; & sicut Episcopi, ac Comites cum hominibus, id est vassallis suis; ita & Presbyteri cum parochianis suis ad militiam vocati. Anno m. c. xix. Rege Ludouico Crasso, Nogione infeliciter commisso prælio cum Anglis, copiarum instaurandarum gratiâ consilium id Regi suggestum est, ab Amalrico, uno è regio Comitatu, ut delectus indiceretur Episcopis Comitibus, & Presbyteris, eorumque Parochianis. Ordericus Vitalis lib. XII. vbi Amalricus sic Regem affatur. *Nunc ergo consideratis opibus Galliae, & immensis viribus collectis, vnde insurgens ad reparanda laudis nostræ damna, & potentiae, salubre quod edam consilium accipe, Episcopi & Comites, aliæque potestates regni tui ad te conueniant, & Presbyteri cum omnibus Parochianis suis tecum quod insseris eant, ut communis exercitus communem vindictam super hostes publicos exerceat.* Communem exercitum vocat, quod collectus esset ex pleibus, quas communias appellitat. Hoc genere delectus per plebes, seu communias saepius usi Franci pro defensione Regni aduersus hostes, & eorum exemplum secuti Angli. Matthæus Paris in Henrico III. ad ann. m. cc. XLII. Fecit etiam militare sub sidium per prouincias sibi subditas, quale solet Francia fundere, edito regali communiter conuocari & ciuilium cõmuniarum legiones ad submonitionem regiam alacriter animari : Militias vocant hodie nostri : hoc genere delectus nuper usæ Germanæ Prouinciæ Occitania, & Aquitania feliciter propriis viribus regni limites defensarunt, aduersus Hispanos irruptionem molientes.

C A P V T X X .

Parochiarum fines præscribi non possunt , Parochiales Ecclesie non cadunt in Regaliam , Parochiali beneficio quatenus pensio imponi potest.



VPERIORIBVS velut Corollarij vice ad-
demus nonnulla Parochialium Ecclesia-
rum insignia iura , quæ omittenda non
videntur. Primum est , quod Parochia-
rum fines præscribi non possunt , si con-
stet de finibus parochiarum , id est si certis hæ limitibus
distinctæ sint. can. quicumque can. licet in regulis can.
inter memoratos & seqq. xvi. qu. v. cap. super eo de
Paroch. quod optima ratione constitutum est , ne Eccle-
siarum termini confundantur d. can. quicumque & d.
can. licet. Secundum est quod Parochiales Ecclesiæ
non cadunt in Regaliam , vacante sede Episcopali Rex
Christianissimus passim confert præbendas vacantes in
Cathedralibus & Collegiatis Ecclesiis , sed parochiales
Ecclesiæ hoc iure non tenentur Gloss. in pragmat. tit.
de Annat. §. item quod dicta V. Regaliæ & ib. Probus.
Ruseus de Regalib. cap. xxxix. & seq. Ægid. Magister.
tract. de eod. iure cap. v. Gregor. Syntagm. lib. xvii.
cap. viii. n. xxI. Etsi enim ius Patronatus locum ha-
beat etiam in parœcialibus Ecclesijs cap. postulasti de
iure Patronat. ius regaliæ ad eas non pertinet , Rex qui-

dem iure regaliæ vtitur tamquam patronus omnium Ecclesiarvm ditionis suæ, sed hoc intelligitur de Cathedralibus, & Collegiatis Ecclesiis, nec spectat ad minores Ecclesias. Tertium est, quod parochialibus beneficiis pensione imponi non potest, nisi redditus excedat centum ducatos Conc. Trident. sess. xxiv. de reform. cap. xiii. Vnde in pensione quæ huiusmodi super beneficiis constituitur, solet apponi clausula, dummodo remaneant centum ducati annuatim liberi pro rectore, id est liberi & soluti ab omni onere, & sumptu, quod rectissime constitutum est ne beneficia, quæ satis laborant sua mole, id est cura animarum, duplii grauentur onere, Regimen enim animarum, ars artium præstantissima, & longe operosissima, vix aliud onus recipit, sed hæc lex passim luditur, quot beneficia etiam curata non una pensione exhausta, & diruta? ita vt pastor egestate deficiat, nec auditur, si pensionem ad congruum modum redigi postulet, Ecclesia euertitur, vt pacti fides seruetur, & honesta rerum interpretatione, non honesto, imò fœdissimo quæstui locus fit. Videant obsecro qui Ecclesiæ & iudiciis præsunt, vt corruptelæ huiuscmodi medeantur. Et hæc de Parochiis & Parochorum iuribus dicta sufficient.

F I N I S.



SI II
2 notif
21 * 11 20
SI 2
1016 5